



35305

I

Mag. St. Dr.

P

Biblioteka Jagiellońska



stdr0000895

At

EX

A

In  
sta,

Typis


ANNUS SANCTUS  
SIVE:  
EXEMPLA BREVIA  
E  
GESTIS ET VITIS  
ADOLESCEN-  
TUM  
EXCERPTA.

*In singulos Anni dies dige-  
sta, Studiosæ Juventuti pro-  
posita.*



Typis Collegij Sandomirienſis Societatis  
JESU Anno Dni: 1740.





## Ad Lectorem.

**T**Uo bono, Studiose Adolefcens, confectus eft libellus præfens, Annus Sanctus dicitur; tum exemplo ab alijs Authoribus petito, tum quod obfervata tot virtutum exempla, convenientem Studiofo fanchtatem, certò fint allatura. Exemplum è folis Adolefcenrum vitis decerpta funt, ut eò facilius ad premenda eorum veftigia animeris. In dies fingulos digefta funt, ut habeas in dies, quod legas & imiteris. Levia hinc indè occurrent; fed cave idcirco contemnas. Levi etiam in re, femetipfum vincere, Deo gratiffimum eft. Infpice, & fac fecundum exemplar; Potuerunt ifti & ifti; cur non & tu? Interferuntur hinc inde hiftoriæ aliquot tragicæ, ut falubrem in te terrorem excitent. Fidem habeant illam, quam apud Authores citatos. Omnia juxta Decretum Urbani VIII. 5. Ian, 1631. Vale, Ad falutem tuam utere.


BIBLIOTHECA



VARELLONIBAN

Anni





# Anni Sancti Mensis primus

sive

Documenta pro Juventute studio-  
sa è variis Historiis excerpta.

## Januarius.

1. **S**anctus Casimirus Poloniæ Princeps  
tantum ab omni immunditiâ abhor-  
ruit, ut aut moriendum sibi esse au-  
diens, aut eligendas nuptias, Castus  
& omni labe, purus mori maluerit, quàm  
læsâ quomodolibet Castitate vivere; illud sæ-  
piùs repetens: Malò mori, quàm fœdari;  
*Ex vitâ*, Prima sub anni initium cura tibi  
fit, generosum Puritatis amorem, voluptatis  
verò illicitæ horrorem concipere. Hoc sæpe  
exclama, hoc ingemina: Malo mori, quàm  
fœdari.

2. Iustus Lipsius Vir celeberrimus sic de  
se scribit: A primâ adolescentiâ Divæ Vir-  
ginis amorem & cultum indui, eamque Pa-  
tronam mihi & ducem in periculis, & omni  
vitæ cursu elegi; etiam in studiis, ubi famæ  
vel memoriæ res erat, precibus & votis  
ad eam ivi, felici semper successu. *odal.*

A2

Parth.

*Parth.* Imitare: Altera tibi cura sit filialis erga B. Virginem amor & fiducia: hanc in Patronam Studiorum elige: ad eam in quavis necessitate confuge.

3. Godefridus Adolefcens Castiffimus, poftea Herbipoli & Bambergæ Epifcopus, pernoctare in alienâ domo, ad quam cum Moderatore venerat, coactus; cum precibus & promiffis ad impurum facinus follicitaretur, poft virilem planè luctam, relictis in impiæ manu veftibus, puriffimus Iofeph vi fibi viam faciens aufugit: noctem reliquam in gratiarum actione & precibus confumens. *Drexelius.* En tertiam ftudiofi curam: Caftitatem ifta respiciat. Pupilla oculi Mariani Caftitas eft, hanc noli lædere: Ne lædas, fuge vifitationes, & domos fufpectas: fuge focics, fermones, conventicula.

4. Michael Aijatumus Adolefcens Indus sæpe fic fuos Condifcipulos allocutus effe legitur: O Socii mei, quantam Deo rationem dabimus, fi ftudiis & pietati in tam bonâ occasione non vacemus! *sodal. Part.* Studiofe, hujus & tu recordare. Terribilis tibi reddenda eft ratio, fi in ftudiis & pietate tæpeas. Occafiones tot præclariffimæ, tot fuperiorum monita, tot exhortationes augebunt damnationem tuam, fi fecus, atque oportet, iis utaris. Ergo novum fervorem concipe. Statue toto animo incumbere in ea, quæ Deus ratione

tionem

5

afflu

Primo

finer

Secun

Virgi

gnofce

Non

tantu

quam

hoc p

test c

mas.

ginis

statue

uno,

ne. M

sancti

nere a

6.

manè

figiem

tabat,

curat

gitatio

tutinæ

nem in

benedi

Ado

tione officii tui à te postulat.

5. Adolescens quidam certo alicui flagitio affluetis hoc à S. Bernardo accepit remediū. Primo ut per tres dies à familiari scelere abstinere in honorem SS. Trinitatis: abstinuit. Secundò, ut per totidem dies, in honorem B. Virginis ab eo caveret: cavit denuò: Et agnoscens posse extirpari consuetudinem; Non jam ultra, aiebat, cum Deo inducias tantum, sed æternam pacem inibo Nunquam peccatum illud repetam; Stetitque suo hoc proposito. *Ex vita.* Ecce emendari potest consuetudo, licet radices egerit altissimas. Adhibe remedium hoc. Amore B. Virginis, amore huius aut illius Sancti Patroni statue abstinere à peccato certo, saltem die uno, die altero, alium tibi Patronum propone. Miserum te, & damnationi proximum, si sancti unius amore ne uno quidem die abstinere à peccato valeas.

6. B. Sanislaus S. I. quoad vixit, semper manè ut primum surgebat, ad B. Virginis effigiem conversus, benedictionem ab eâ flagitabat, decenter vestitus preces matutinas accuratissimè persolvit. *Ex vita.* Prima tua cogitatio manè ad Deum dirigatur: preces matutinæ negligantur nunquam: Beatam Virginem indies invoca. Hæc si negligis, frustra benedictionem de cœlo expectas.

*Adolescens Sodalis Religionem ingressurus Patriam*



triam domum inviserat, suis ut vale supremum  
diceret: lautum instruitur à parentibus epulum  
Editur, potatur liberalius: Sermones non usque  
adeo honesti miscentur. Soluta epulo adolescens no-  
ster vino & epulis nonnihil gravior, ac sodalem  
decebat, lectum petit: Illico, quod gula & exces-  
sum in potu primum est, turpes in animo co-  
gitationes oriri, crescere, inquietare miserum.  
Resistit primò: Sed tandem victus cogitationi  
illicita consensit. O infelix momentum! Adest  
confestim vindex Dei Justitia, & eà adhuc ho-  
ra apoplexiâ vehementi tactum deturbat ad  
tartara. Totam rem, ut gesta erat, ipse infeli-  
cissimus suo apparens Confessario flebili voce a-  
peruit. Ottonelli. Non exhorrescis hac legens?  
magis exhorresces hoc se audeas: Erat Adole-  
scens hic usque ad horam illam innocentissimus,  
nullâ unquam graviore noxâ Deum offenderat.  
Erat ergo peccatum hoc primum, & solâ tan-  
tùm cogitatione admissum. In primo hoc pecca-  
to moritur, justoquè Dei iudicio damnatur, pro  
modica voluptate æternum torquendus. Studio-  
se, ferreus es si non moveris. Peccatum unicum  
æterna damnatio: Voluptas momentanea; cru-  
ciatus æterni: O peccatum quid es? Hoc hoc stu-  
diose, hoc fuge, hoc detestare.

7. Anonymus Adolescens, postea in Reji-  
gione Richardus dictus, cubitum jam ivera t;  
cum ecce recordatur vespertinas preces, &  
consuetum B. Virginis pensum necdum à se  
persolu-

persolu-  
ripit,  
dam-  
ferat,  
tam e-  
viffet  
as ad  
xensel-  
terna  
prece-  
ferio.  
infeli-  
ætern-  
temp-  
8.  
to dol-  
mo d-  
Tantu-  
agend-  
ni pra-  
elicien-  
deò fa-  
9.  
munio  
secutu-  
nus in  
dolefc-  
nem t-  
pendit  
mero

persolutum esse; vincit tædium, lecto se pro-  
ripit, preces peragit. Fructus erat evitata  
damnatio. Vix enim lecto se rursus commi-  
serat, è damnato suo ante, socio intelligit cer-  
tam ei damnationem fuisse, nisi has persol-  
visset preces; quibus mota B. Virgo induci-  
as ad agendam poenitentiam impetrasset. *Pe-  
xenfelder*. Ecce è vespertinis precibus salus æ-  
terna pendebat. Amas salutem tuam? ama  
preces vespertinas, cum examine & dolore  
serio. Forte dum primò negliges, morieris  
infelix & peribis. Somnus prohibet, inquires?  
æternos ignes cogita; hi somnum ad breve  
tempus excutient.

8. B. Aloysius S. I. levissima peccata tan-  
to doloris sensu in confessione exposuit ut ani-  
mo deficiens humi procumberet. *Ex vita*.  
Tantum à te quidem non petitur; id tamen  
agendum est, ut sollicitam semper Confessio-  
ni præparationem præmittas. Doloris seriò  
eliciendi curam habe maximam. Res non a-  
deò facilis est, ut plerique male somniant.

9. B. Aloysius per triduum se ad S. Com-  
munionem præparabat; hinc & fructum con-  
secutus longè maximum. Ioannes Berchman-  
nus in Brabantia natus rarissimæ virtutis A-  
dolescens post Christi Eucharistici susceptio-  
nem tres horas integras, aut duas certè im-  
pendit. *Ex vita*. Erubescere, si ex eorum nu-  
mero es, qui vix quadrantem tanto impen-  
dunt

dunt negotio, dum horas plurimas otio, somno, lufui, garrulitati, Dæmoni consecrant. Tu mediam saltem horam præparationi, mediam dabis gratiarum actioni. Meretur id IESUS tuus redemptor pariter & iudex.

10. S. Vincentius Ferrerius totus à puero in mores sanctos incubuit. Non poterat id ferre Dæmon, primitias ætatis sibi exposcens, Ergo venerandi cujusdam senis habitum mentitus Vincentio oranti se sistit, inquiens: Ego unus è priscis illis Patribus sum, qui Ægypti solitudinem diu magnâ vitæ austeritate incolui: juventutem ad mundi leges inter delitias & voluptates exegi: hinc senectutis vera & constans poenitentia est secuta. Tu igitur mihi seni tutò crede & præmatutam, quam orfus es, corporis castigationem senio reserva. Paratam habemus Dei clementiam vel ad unicam contriti cordis voculam. Vincentius fraudes Stygias subodoratus facessere jubet dæmonem majore deinceps fervore Pietatem & mortificationem amplectens. *Ex vita.* Imitare. Obstrue aures tuas ad voces illas: genio jam litandum est: Sera ætas in Religione Deo dabitur & Pietati. A Dæmone sunt voces istæ. *Ætas* prima Deo debetur, non dæmoni; quia optimum optimo, primum debetur primo. Errasti hæcenus? hoc saltem age: ex hac horâ totum te Deo consecra: annos quos adhuc habes  
flori

florido

11.

tavil

chma

Quoc

Iplice

Studio

facta

quem

collig

12.

quæfi

niren

munc

dere

ipse

vita.

à stud

quo b

tus. S

bere.

Ad

delia

a soci

cipiter

na er

sociis

horren

incipie

petunt



floridos cultui divino defer. Primitias Deo.

11. B. Stanislaus S. I. quæ in singulis notavit laude digna, statuit æmulari: Idem Berchmannus fecit, cujus hoc erat propositum: Quod mihi in aliis placet, imitabor, quod displicet, fugiam. *Ex vita.* Tuum est, Sodalis Studiose, ea, quæ indies leges ab aliis benefacta, sedulo quoad fieri potest, imitari. O quem tibi in cœlo Thesaurum hæc ratione colliges, labore tuo certè non magno.

12. S. Basilus Magnus adhuc adolescens quæsitus, quænam studiosis maximè convenirent, reposuit: Colere Deum, servare munditiem, fugere Societates suspectas, studere verecundiæ, fugere fœminas. Singula ipse suo etiam exemplo comprobavit. *Ex vita.* Habes brevem epitomen vitæ sanctæ à studioso agendæ. Singula considera. Vide in quo hætenus industriam tuam deesse sis passus. Statue pothac toto animo in ea incumbere. Sic Deo, sic conscientiæ facies satis.

*Adolescens Cantipratani condiscipulus, modestiæ primum & pudore insignis, pessimo postea socii exemplo in horrenda scelera se dedit precipitem, Frustra amicorum monita, frustra minæ erant. Exegerat de more diem quendam cum sociis lusus inter & epulas. Nocte concubiæ horrendum ex improvisio vociferari & ejulare incipit. Accurrunt domestici; clamoris causam petunt; præsens vita periculum advertunt, mo-*

pent ut conscientiam expiet, ad eternitatem se accingat. Nihil proficiunt. Surdus ad monita juvenis demum in has voces erumpit: *Va illi, qui hoc (peccatum lascivia nominat) me docuit! va illi! ah! quid nunc auxilium divinum invocabo? jam patula video tartara praesentes demones totis ad me rapiendum faucibus hiantes: Actum est, Hos inter gemitus obiit aeternum infelix: Pexens. Didicit miserrimus juvenis, quis sit pravi consortii fructus, quis scelerum finis. Fortè & tu aliquando sic exclamabis: va! va illi! sed quid tui proderit? Morietur quidem & peribit Seducitor tuus, sed tu si & ipse pereas, solatium ex aliena miseria non capies. Jam cognosce, quàm maledicta sit amicitia illa, quae Deo inimica est & virtuti, fuge socios, fuge scelera, ne cum Juvene hoc, reserata videas aliquando Tartara, sed cum B. Stephano caelos apertos.*

13. S. Fulgentius considerans in juventute hinc Dei hinc Mundi promissa sic secum: Cur sine spe futurorum bonorum laboramus in hoc saeculo? quid aliquando praestare mundus poterit. *Specul. Juvent.* Quid praestare mundus poterit tibi, si Deo relicto ei adhæreas? quid expectas? Adhæres mundo per delicias illicitas. Deum relinquis, si orationes, si Sacramenta, si lectiones sacras, si studia relinquis. Quid ages posthac? Si plus auxilii expectare à mundo potes, adhære ei, famu:

fam  
14  
La  
be d  
impi  
se re  
prim  
hanc  
ruit  
torm  
num  
tierat  
sta  
cto  
plec  
sorte  
Hæc  
terris  
men  
deo  
Ado  
cont  
bem  
piat  
pæn  
Pœn  
est D  
lerat  
tit? q  
vinæ

famulare, obedi quoad voles:

14. Annuæ Quitenses referunt de Iuvenē Lalcivo. Hic ut Sceleri vacaret liberius, urbe desertā in prædio vicino multos annos impiissimè exegit. Somniabat nocte quadam se repentina morte è vitā abreptum, territus primum est, sed mox velut inane somnium hanc Dei monitionem excussit. Magis terruit nox altera, quā ad infelicitis Æternitatis tormenta dejectus sibi videbatur, sed etiam, num restitit impius vocanti Deo. Rus perierat animi levandi causā. Adest hæc suggesta divinitus cogitatio: Certè potest me iactō è coelis fulmine hoc momento & loco pleetere divina Nemesis, & à scelerum confor- te avulsum, ad rogos infernales dejicere. Hæc cogitantem orta repente tempestas terrifica, & vibratum horrendo fragore fulmen in proximam agri partem decidens, adeo conterruit, ut demum meliora statuerit. Adorans igitur mirabilem Dei tam diu se contemni patientis tolerantiam, redit in urbem Confessione generali peccata priora exponat, vitam vivere incipit, qualem à sancto pœnitente poteras expectare. *Ex Ann: S: J.* Pœnitentem attende & imitare. An minor est Dei erga te Patientia? quamdiu jam tolerat scelera tua? quod inspirationes immitit? quot minas? cede tandem & da hoc divinæ misericordiæ, ut de tuâ possit pertinac-



cia triumphare. Vitam age aliam: Deo gratias age, quod puniens alios tibi pepercerit. Multi damnati sunt, qui minus peccarunt, ac tu, ajebat B. Virgo conversæ cuidam.

15. S. Ioannes Calybita, Abbatem, à quo suscipi rogabat, sic allocutus est: Parentes me destinant honoribus & conjugio: ego vero eum salvum puto, qui his valedicere potest, & Deo in vestro habitu deservire. *Ex vita.* Non omnes capiunt verbum hoc. Tu hoc saltem discce, salutem solam spectandam esse in omnibus, non commoditatem corporis, non libertatem, non ipsam etiam parentum voluntatem, si Deo & vocationi contraria est.

16. Anonymus sodalis Cæsar Augustæ alapā per injuriam acceptā nonnihil commotus ubi se collegit, ajebat: Inter Sodales Marianos numeror, unde & hanc injuriam & alia ferenda iudicio. *Ann: S. I.* Ecce quid possit memoria Mariani Sodalitii. Erit forte occasio ferendi injuriam levem; erit occasio faciendi peccatum aliquod per otium, desiderium &c. Cogisa. Sodalis Marianus sum: feram hoc amore Virginis: fugiam hoc amore Virginis. Studiosè mi, hæc solida & genuina erga Mariam devotio est; huic stude; nihil Mariæ gratius, nihil tibi poterit esse salubrius.

17. Dositheus tribuni Militum Filius in deli-

delictis  
tus lo  
depict  
infero  
gine a  
docet  
na, aj  
hos u  
go re  
& qu  
ctura  
ni oc  
vade  
tur a  
scrip  
Certe  
Quæ  
sanct  
18.  
pe ve  
quod  
cui ej  
nient  
peba  
Ex  
innu  
ri po  
scere  
talia  
tur

deliciis & rerum sacrarum ignorantia educatus loca Sacra Palestinæ invilebat; videns depictos ad parietem in horto Gethsemani inferos, hæret attonitus. Rei ignarus à B. Virgine apparente, terribiles inferorum pœnas edocetur. Majore percussus horrore; Domina, ajebat, quid obsecro mihi faciendum est, hos ut cruciatus evadam? præscripsit B. Virgo remedia, & evanuit. *Ex vitis PP.* Sit hæc & quæstio tua. sit cogitatio; Sive dum picturam ejusce modi intueris, sive dum inferni occurrit memoria, sit sollicitudo una, evadere infernum. Sed media, quæ suggeruntur amplectere. Permissit Dositheus, si præscriptis à B. Virgine mediis usus non fuisset. Certus est tibi interitus, tu si us non utaris. Quæ vero illa? declinâ à malo, ait Spiritus sanctus, & fac bonum.

18. S. Bernardinus Senensis nunquam turpe verbum vel locutus est ipse, vel audiit, quod non severissimè castigaverit. Hinc Socii ejus si paulò liberius locuti fuerant, adveniente Bernardino Sermonem mox abrumpebant dicentes; Tacete, Bernardinus adest. *Ex vita.* Si scires, quanta strages animabus innumeris, verbo etiam unico impuro inferri possit, corpore toto & animo contremisces. Actum est de Castitate, ubi verba talia vel amantur, & proferuntur, vel dicuntur liberius. Atque utinam rei hujus verita-

tem tristis nimium experientia non doceret. Fuge, aut apertè aliorum libertatem increpa Nemo te præsentē proferre audeat, quod conscientiam lædere possit.

Monasterii erat adolescens, qui à familiari nimium juventuti scelere ad ipsam heresin delapsus fuerat. Sensit monentem interitū Deum: Scelus à se factum agnovit, emendationem promisit: ut vero hanc ocyus inchoaret, moveri non potuit. Monetur à quondam Professore Sacerdote; jubetur festinare, ne tardantem iussus iudex pro merito castigaret. Sed unum ille cras, cras repetebat. Ergo qui pœnitenti veniam quidem, sed diem crastinum non promissit DEUS, procrastinantem sui maximè securum puniturus, disposuit; ut impius fallente vestigio è superiore horrei parte in subjectam aream delapsus, mox infelici morte ad aternitatem abriperetur. Ex ann: S. I. O cras! fatale cras! quis inter inferos damnatus non junestum hoc eras damntionis suæ causam ingeminat? de die in diem, de mense in mensem differre emendationem, O quale periculum? non irrdetur DEUS. I ropera! festina! convertere! hodie noli obdurare cor tuum. Nunc incipe. Nunc dies saluus Cras incertum est. Voces Dei sunt; Ne differas de die in diem, subitò enim veniet ira illius, & in tempore vindictæ disperdet te.

19 Complutensis quidam Sodalis die quodam graviter vulneratus dum Chirurgus vocatur



catur, oblitus propè doloris sui petit libellum, è quo officium B. Virginis recitare solebat, sanctè affirmans, nunquam id à se commissum fuisse hactenus, quà propter nolle se è vita hâc migrare in aliam, die illo, quo Beatam Virginem consueto hoc officio veneratus non fuisset. *Ann: S. J.* Verum in Mariam amoris specimen constantia est Quæ nescio peragere velle, dum fervet pietas, & paulo post piè propositorum oblivisci, res est, quæ beatæ Virgini mirum displicet. Tu ei si placere cupis, devotiones tuas fac sint constantes. Dies abeat nulla, qua eam non invoces non honores.

20. Eyttettensis quidam Sodalis nunquam domo pedem efferebat, quin Deo, Deiparæ, sanctis Patronis se commendaret, hoc rogans, ut immaculatus custodiretur in via & reduceretur. *Ex Ann. S. J.* Breves sed sancta orationis materia. Eget adolescens Dei gratiâ, si illæsus redire domum desideret. Heu quoties evenit, ut in latrones innocentie suæ incautus & nescius juvenis incidat! dum domo exeundem est, exemplo Iudithæ Angelum tuum invoca, ut custodiat te in via, & non permittat te clientem suum coinquinari.

21. S. Gregorius Nazianzenus studiis vacans Castitatem sedulò per mortificationes, orationes & Iejunia custodivit. Præmium  
hoc

hoc tulit. Duæ ei in somno Virgines apparebant, quarum nomina erant sapientia & Castitas. Prior se moraturam promisit cum Gregorio, si sociam in honore vellet, & utramque in eodem cordis habitaculo collocare, Intellexit Adolescens sanctus, quid hoc sibi vellet, & constanter in Castitatis conservationem incumbens mirabili doctrinâ à Deo ornatus est. *Ex vita.* Quæris sapientiam, studiose? Non habitat in corde peccatis subdito, non in lascivo animo. Hinc si proficere vis in studiis, Castitatis curam habere maximam.

22. Oeniponti Iuvenis Sceleratæ Domus jam vicinus erat, suo de more genio indulturus. Obijctur ei prope domum imago Christi é Cruce pendentis. Aspectus primus tanto eum mox terrore perculit, ut pedem à pessima viâ, animum à scelere concepto abstraheret, ad Confessarium rectâ properaret, totâque vitâ seriò expiatâ totum se divino amorì consecraret. Nunquam postea domum impiam ut repeteret, induci per socios potuit. *Ex Ann S. J.* O quantum vel solus Christi crucifixi aspectus valet ad peccati horrorem incutiendum. IESUS Dei Filius tanta in Cruce patitur pro peccatis hominum; huic à Deo non parçitur. Peccatori quid fiet? quanta eum manent supplicia? Sed & amorè Christi erga homines discè, & statue

an

an po  
meus  
& eg  
certè  
um si  
lo tuo  
pius:  
cuidat  
sic tra  
ens, t  
fore j

23.  
dio v  
fumer  
obtul  
bolo  
stium  
lis &  
nam,  
parare  
judici  
rent se  
mat N

24.  
tus pa  
statim  
fies su  
ta, au  
reposit  
milita

an post hac peccare in eum possis. DEUS meus pendet in patibulo, aiebat Bernardus, & ego voluptati operam dabo? Non poteris certè peccati desiderio tangi, in IESUM tuum si defigas oculos. Hinc habe in cubiculo tuo Crucifixi effigiem; hanc intueri sæpius: ab hoc tibi dici cogita, quod Sacerdoti cuidam impio dixit: Quid feci tibi? cur me sic tractas? in quo offendi te? Hæc audiens, si potes, pecca. Memor tamen, eundem fore iudicem, quem jam contemnis.

23. Ioannes Berchmannus nunquam prandio vel coenâ accessit, quin aliquas in cibis fumendis mortificationes, sive victorias Deo obtulisset; aut abstinendo ab uno alterove bolo magis arridente, aut ratione aliâ gustum mortificando. *Ex vita*. Imitare, facilis & frequens est occasio, Intelligeres utinam, quantum tibi in cœlo Thesaurum cõparare hoc modo posses! Victoriæ hæ tuo iudicio leves, ô quale moribundo tibi afferrent solatium! Nihil leve, quod summa æstimat Majestas.

24 S. Ioannes Chrysostomus nobilibus natus parentibus, nobilium pompam fastidire statim à teneris cœpit, nec famulos, nec vestes superfluas, aut similia admittens delicta, aut splendida. Reprehensus propterea reposuit: Num primus egosum, qui vitæ humilitatem colo? Deum didici delectari hu-

mili-

milibus, & his dare gratiam: huic placere, huic obsequi volo. *Ex vina.* Quàm multa sunt, in quibus vanitas sæpe dominatur! Sed hoc planius non dico: illud exemplo Sancti hujus disce, ne movearis aliorum loquelis aut illusionibus, ut omittas, quæ Deo placent, aut agas quæ Deo displicent.

*Hispani accidit quod refero.* Sodalis erat qui calamum quendam scriptorium ex Sodalitio surripuerat, Juvenili furto. Is ipse minus casto amore personam aliquam prosequabatur. Ad hanc literas exaraturus, eundem, quem è cœtu Mariano rapuerat, calamum adhibet. Cœpta vix erat scriptio, & vehementissimam sibi alapam infligi advertit, voce hæc aditâ: Etiamne Sceleste rem dicatam temerare audes? Mansit ad dies aliquod nota inflicta plaga, ut vi altiore impactam esse constares. Man. Sodal. Studiose an non miraris tantam B. Virginis severitatem? quid calamo levius? hunc ereptum ad usus alios deputari egerrimè tulit sacra Virgo. Cur ita? B. Virgini consecratus erat. Res cœlesti digna ultione est rem Deo & B. Virgini sacram quem nescio in usum impendere. Exhorrescè studiose: An non & tu membra tua, linguam tuam, pedes, manns, te totum Virgini sapius immolasti? promittens. nihil te dicturum facturum ve contra honorem ejus? & quid tu? quoties ausu sacrilego temerare ausus es linguam tuam, pro-

proferre  
quinâ  
riculâ  
dictam  
bomin  
locau  
non fer

25  
pus, m  
nam s  
ut to  
perfect  
turum  
comp  
honor  
quod  
comp  
re pr  
menta  
tulit v  
cura t  
jam s  
aliis.  
tiam  
ne D  
mio v  
26.  
firmio  
in ten  
sanita



*proferendo verba vah quàm fœda! quoties inquinâsti pedes eundo ad domos suspectas & periculosas? Idem dic de membris aliis. Et vindictam non times? odit odit, mihi crede, & abominatur B. Virgo furtum & rapinam in holocausto Rem sibi dicatam impiè adeò profanari non feret.*

25 S. Clemens Ancyranus postea Episcopus, monitus in juventute à Matre, hanc unam sibi pro tot laboribus exhiberet gratiam, ut fortis perstaret in fide si quæ surgeret persecutiô, id enimvero se solerter præstiturum reposuit. Quod & in ætate virili complevit luculenter. Ad propositos enim honores & pœnas intimo corde ingemuit, quod Deum videret rebus adeo vilibus comparari; jussus fuerat aut fidem deserre proposito honorum præmiô, aut tormenta eligere acerbissima. Elegit ista & tulit viriliter. *Specul. Juvent.* O si par esset cura tua in implendis tot monitis quæ tibi jam subministrantur, tum à parentibus, tum aliis. Roga Sanctum hunc hodie, ut gratiam tibi impetret hoc agendi, præcipuè ne Deum tuum proposito quovis vel præmiô vel metu offendere audeas.

26. Rhedonensis Sodalitas infimista cum infirmiore uteretur valetudine, monebatur ut in templo Sedens preces suas parageret. ne sanitati noceret: Is vero: Malo mori, agebat,

jebat. quàm debitum Deo meo honorem, reverentiam que non exhibere, quem tamen in templo præsentem credo: *Ex Ann. S. J.* Exemplum pueri imitari ne erubescas. Fac eam in templo exhibeas Deo tuo reverentiam, quæ signum sit, credi à te adesse non solum eum, qui redemptor tuus fuerit, sed & judex futurus sit severissimus. Abominatio est præsentem & inspectante iudice suo ad risus jocos, & nugas converti.

27. Berchmannus ob levem quempiam defectum à superioribus monitus, tantum abfuit, ut ægrè ferret ut tria pro eo statim offerret recitanda Rosaria; Habes similia in plurimis. *Ex vita.* Imitare saltem in eo, ne excandescas, aut mala nescio quævis imprecari audeas, qui ex officio suo te movent, aut castigant. Benè tecum & cum anima tua sentiunt, Erit dies, quo patebit, utri te plus dilexerint, an Magistri tui & Professores, an progenies tartarea, Socii tui pravi, quam nescio amicitiam simulant.

28. S. Mammæ Martyr graviter ad deferendam fidem tentatus, aiebat: Ego à Deo meo nunquam recedam, & quem cunque potero ad eum adducam. *Ex vita.* Nunquam à Deo recedam: Vox Christiano digna! quemcunque potero ad Deum adducam. Vox Apostolica! firmus in Dei agni-

agnitio  
induce  
29.  
prolon  
abat.  
exhibe  
maxim  
ille na  
bis na  
sancti  
iis præ  
dua.  
suxit,  
non  
v. g.  
temp  
dem,  
pericu  
30.  
sociis  
dio in  
de A  
tijs.  
gaudi  
ternit  
alius  
nim i  
Oblat  
ijs in  
onibu

agnitionem, ad templum, ad sceleris fugam inducere satage; Quotidiana est occasio.

29. Neapolitanus quidam Sodalis in leprosum incidit. Nauseam vel aspectus creabat. Hanc ut generosè vinceret varia ei exhibet obsequia, demum & partes lepræ maximè deformatas osculatur. *Lechner.* Ita ille nauseam vincit: Ridet ista delicatus orbis noster. Non videt Deus. Non vident sancti; quorum hic erat labor vincere se in iis præcipuè, quæ maximè videbantur ardua. Xaverium nosti? Saniem ex ulcere suxit, ut se vinceret. Tantum à te petere non ausim, sed, an non vincere te possis v. g. mane surgendo generosè & debito tempore; declinando socium dilectum quidem, sed impium; non accedendo domum periculosam &c.

30. Bertrandus Cornelius more suo cum sociis vacabat genio, gulæ, libidini: Medio in æstu foras se proripit: cogitationem de Æternitate concipit: huic inhæret diutius. Adsunt intèrea Socii, revocant ad gaudia; At ille: Imminet, imminet Æternitas! parate vos! mutate vitam! ego alius ero. Et fuit profecto; Religionem enim ingressus Sanctè vixit: *Ex Ann. S. J.* Oblatas tibi à Deo inspirationes excipe, & iis morem geres, neque sociorum invitati-  
onibus eas postpone, Æternitatem cogita,  
Immi-

Imminet illa tibi. Muta vitam! alius esto.  
Sed in quo?

31. Henricus ab Hayden Trevirensis, Romæ per annos septem versatus multa dedit raræ pietatis & suæ Mariam amoris exempla. Abitum ad suos parans morbo fatali corripitur. Expiatâ conscientiâ peculium suum ad S. Andeæ, S. Apollinaris, & B. Virginis honorem testamento legat. Somno dein obruitur, quo solutus advocato ad se Sacerdoti dixit: O Pater quæ ego vidi? Salus mea fuit in angusto: at benignitas Mariæ Virginis, sanctorumque Andeæ & Apollinaris in tempore succurit. Narrauit deinde, quod coram iudice divino accusatus jam jam damnationem sibi imminere crediderit, sed adfuisse aiebat B. Virginem dicentem ad Dæmones: quo vos istum rapitis, qui tot annos mihi in mea congregatione servivit? liberatum se sic fuisse potestate Dæmonum, & hinc securo jam & læto animo moriturum. Quæ dicens placide exspiravit. *Lochner.* Remuneratur B. Virgo obsequia sibi præstita. Succurrit in periculo illo, ubi non est qui adjuvet. Cliens Mariæ nullus infelicitè moritur: nullus æternum perit. Esto cliens tantæ Matris, sed verus & constans.

*Adolescens in Lusitania pessimos in tenera  
iam ætate mores induerat, factus ipse dein  
alio;*



aliorum seductor infelix Obviam factus. die  
quodam Sodali ad catum Marianum abeunti,  
suadet huic, secum ut missâ Sodalitate agros  
pererret. Reluctabatur is primum; pensum die  
altero ferendum causatus. Tandem timore a-  
bjeſto sequitur impium; foras progressus, post  
colloquia sordida Eheu! ad tactus diabolicos  
& nefanda flagitia deducitur, longè alius do-  
mum reversus, ac exierat. Postridie summo  
mane domum seductoris accedit, ut hoc duce  
ad Scholas pergeret, poenamque neglecti penſi  
subterfugeret. Querit è domesticis, ubi esset  
studiosus: reponitur, harere etiamnum in le-  
cto. Expectat horâ totâ. Reversus interea  
impii pater, agrè filii pigriniam ferens, cubicu-  
lum ejus adit, somnum ei excessurus. Reſe-  
rat januam; sed subito à teterrimo monſtro  
reſcitur. Mater sumpto animo idem conclave  
petit: lectum scrutatur. Horrendum dictu!  
Nonnisi horrifca velut ardente manu impres-  
sa, ibi signa reperit: deniquè & filium videt,  
sed situ, cœlites! O quam funesto! caput exa-  
nimis juvenis depressum erat supra sedem  
sordibus humanis fatidam; quibus impurum  
ejus os & lingua putrida immersa erant: ma-  
num alteram ad locum nefandi flagitii tene-  
bat: corpus totum multiplici atro stigmate  
notatum apparuit. Pexenfelder. Matte animo  
impie laſcive, peccator huc propera, hoc in-  
tuere ſpectaculum; & si potes audacter pecca,  
Pergo,



teret, induci postea unquam potuit. *Ex vita.* Quasi à facie colubri fuge non peccatum modò, sed & umbram peccati: fuge peccandi pericula: lusus periculosos abominare: consortia eorum fuge, qui ad illicita aut liberiora aliqua te invitant.

2. Iustus Lipsius adhuc adolescens ne vel semel à congregatione B. V. absuit: ad eam sæpe omisô, aut abruptô prandiô properavit, hanc B. Virgini mortificationem offerens. Moriens sanctè asseruit, magno se propterea solatio perfundi. *Ex vita.* Imitare, & dum hodie tuum erga Sanctam Virginem amorem renovas, statue congregationibus ejus, quoad fieri poterit, semper interesse. Erit & hoc tibi majus in morte solatium, quàm si horas illas vel otio vel somno vel alteri corporis recreationi à te impensas fuisse recorderis.

3. Ioannes Berchmannus sub initium mensis cujushbet ex Præsede Sodalitatis quærebat; quænam obsequia devotionis Deo, B. Virgini, & Sanctis Patronis eo mense exhibere posset, aut quem errorem corrigere. *Ex vita.* Imitare: quære idem ex confessorio tuo, aut certè ex conscientia tua; quid præcipuè eo, quem inchoas, mense corrigendum sit; quæ devotio suscipienda. Labitur alioquin mensis, labitur Annus, nec pro cœlo aliquid aut pro æternitate agitur.

B

4. Theo;

4. Theodorus Adoleſcens Ægyptius dum feſto quodam die ſplendidiffimum parari videt in paterna domo convivium; hanc animo ſuo cogitationem cœlitus illapſam advertit: Quid proderit tibi, Theodore, ſi bonis hīs omnibūs fruaris, cœleſtibūs autem excludaris? Præſentibūs hīs & futuris frui nemo poteſt. Hæc cogitans in domūs angulum ſe recipit, mundi vanitatem & pericula conſiderat, gratiam à Deo, ne æternis bonis excideret, enixè flagitat. A matre ad prandium vocatus, venire renuit, æternorum conſideratione totus abſorptus. Ne igitur æternum foret infelix ad S. Pachomium abiit; vitamque eo dirigente vixit ſanctiſſimam. *Ex vitis PP.* Plurimæ ſunt, quæ obſerves. 1. Quàm levi è re beatitudo Theodori pendeat! inſpirationem illam ſi neglexiſſet, ſi velut tempori non idoneam animò excluſiſſet, nescio, an alio tempore vocatus à Deo fuiſſet, Ergo ejus exemplò inſpirationi divinæ obtempera: Audi quid loquatur Deus per confeſſarios, concionatores, libellos ſacros. 2. Maluit Theodorus præſentibūs carere deliciis, quàm æternis. Et hic & ibi felix eſſe non poteſt: Præſtat hic mortificare corpus, præſtat voluntatem abnegare, quàm æternum torqueri: præſtat modicas ſibi jam ſubtrahere delicias, quam fruendo illicitis æternas & ve-



ras repudiare. Demum pia consideratio Theodoro præ cibo & deliciis fuit; ab hac nec per matrem avocari se passus est. Si- milis sit tuus in devotione & studiis fervor; neque aliorum te vel exemplò vel consili- ò abstrahi permittas.

5. In Paraguaris Sodalis ad impium ali- quod facinus sollicitatus ajebat: Sodalis Ma- rianus sum, & sæpe sanctissimum Christi corpus suscepi; non ausim hoc facere. *Ann. S. J.* Dum peccati sese offert occasio; dum ad illud incitaris; Memento te Sodalem esse illius Virginis, quæ peccatum quodli- bet summopere averfatur. Memento toties divinò te epulò fuisse refectum. Pudore est & scelus intolerabile, linguam v. g. toties Christi cruore sacratam spurcis aut indecc- ris sermonibus inquinare. Nefas est manus Christo Eucharistico oblatas quò nescio pro- tendere. Dignum Styge flagitium est dare toties, toties datam Christo fidem fallere.

6. Michael Ayatumus Indus à sociis ad comedendas die vetito carnes invitatus, se id facturum negavit. Dicentibus verò illis: Nemo advertit: abest præceptor; parens non videt: pœna nulla timenda est: Sacro quodam furore excandescens, reposuit: I- tane verò hominum præsentia solum abster- rere nos debet, non Dei? *Ann. S. J.* Et tu præsentis ubique Dei recordare. Homo

non videt? at deus videt. Hominū poenas effugies? Dei non evades vindictam. Hoc præsente audere, quod præsente non auderes homine, quanta quæso protervia!

*In Traiectensi Diacesi studioſi quidam lusu se recreaturi rus peſſerant: lex ea diſtante Damone per impium lata fuerat, ut qui poſtre mus in lusu viſtor exiſteret, ceteris, qua vellet, imperaret. Imperavit ille, ſuis ut ſub veſperum omnes veſtigiiſ factiſque inſiſterent. Adeſt tempus: impius infamem ſcelere domum ingreditur, ſequuntur ceteri. in atrio ad fores conſiſtunt, Perpetratō immani flagitiō redux monet ceteros, ſe jubente ut idem ſinguli agerent; qui recuſaret, ei tanquam immorigero legis antea lata pravaricatori poenam denun-  
tial. Nec mora: obſequuntur impio duci omnes, unō exceptō. Is ceteri adhuc innocen-  
tior ad neſanda jūſſa expalluit; diſceſſum paravit, nunquam à ſe antea violatam, nunquam violandam poſthac aſſerens caſtita-  
tem. At ſocii vi abſtractum egreſſu prohibent. Ergo quaſi mutatā mente, bene eſt, ajebat, ſequar veſtigia, ſi aliua non licet. Inde deſtinatum ſceleri locum ſolus petit; oblatāq; amplā pecuniā ſcleris omiſſionem et ſilentium perſua-  
det ei cui adoleſcentis ſeducſtio commiſſa fue-  
rat. Redux cum ceteris huc illuc per urbem vagatus, tandem ingruente jam nocte domum repetit. Solus nonnihil proceſſerat, cum ecce per noctis caliginem perſonam aliquam vultu ra-*

diantem conspicit; quæ paulatim appropin-  
quans alapam juveni tanto impetu inflixit, ut  
huic corrueret semianimis. Voces has addidit  
personatus Angelus: Vel hoc verberare doctus  
disce impia vitare consortia. Alapa indicia  
multos dies tenuerant, ne altiore robore in-  
flictam esse dubitari posset. Sod. Parth. Im-  
pius fuit juvenis, quia impiis se iunxit. Di-  
vine gratia debuit, quod in peccatum non ce-  
ciderit: ipsa tamen temeritas, quâ huic se  
commisit periculo, cœlestem meruit ultionem.  
Execrantur Angeli sancti familiaritatem cum  
impiis: hoc non jacturi si leve quid esset aut  
contemnendum. studiose, fuge consortia impia.  
Inter hac vivere & non peccare majus est, ac  
medias inter flammæ non aduri.

7. Tertius è septem illis heroibus Ma-  
chabæis nolens Dei legem violare, jussus  
linguam & manus ad tormenta porrigere,  
teste Scripturâ, linguam citò protulit; & ma-  
nus constanter extendit, & cum fiducia  
dixit: E cœlo ista possideo, sed propter Dei  
leges nunc hæc ipsa despicio, quoniam ab  
ipso me et recepturum spero. *Ex lib. Ma-*  
*chab.* Etiam tu credis recepturum te esse  
membra tua in Resurrectione mortuorum.  
Sed quomodo? si pro Dei gloria ea im-  
pendis, recipies gloriosa; si secus, recipies  
turpia, deformia, æternum misera. Sin-  
gularis aut pœna, aut merces manet membra

tua. Quid promittis linguæ tuæ? quid pedibus? quid lascivæ manui? statue consecrare membra tua cultui divino.

8. S. Aloysius S. I. iam lecto se dederat, cum recordatur orationis cujusdam consuetæ eo die omissæ. Illico electo surgit, orationem peragit. Placuisse hanc Deo victoriam testatur prodigium incendii mirabiliter à S. Adolescente averſi. Somno enim, dum orabat, obrutus erat, candela interim vicina quæque accenderat; Aloysius medias inter flammæ illæſus fuit repertus. *Ex vita.* Imitare. Preces consuetas, præcipue vespertinas nunquam omitte: somnum potius excute. Non potest non hæc orandi consuetudo Deo esse gratissima.

9. Juvenis Anonymus turpissimè diu vivebat immersus sceleribùs. Statuit tandem consuetudinem impiam rumpere, vim sibi inferre, Deo servire. Initium à Confessione generali fecit. Non multò post obviam ei facta est scelerum socia cumque eam nec voce nec oculo dignaretur; mirabunda illa, se non agnosci à juvene credens, dicebat: Ego sum illa. Tum hic propositi sui memor: At ego non sum ille: dixit; abiit, alius à se, constans perſistit S. Gregorius. Sit & tuum tale in Confessione propositum. Alius post eam appareas, & mutatus ab eo, qui fueras. Quid proderunt Confes-



Confessiones tuæ in die iudicii, si nulla eas exceperit emendatio?

10. Perusii Sodalit tempore Bacchanalium, ut vocant, suô se, quoad potuit cubiculô inclusit; totum prope tempus precibus consecrans aut mortificationi: neque ulla ratione ad potantium aut ludentium cœtus inde protrahi potuit. Imitatus in hoc fuerat S. Aloysium, qui infelices ejuscemodi dies mirâ in se austeritate, singulari in Deum fervore & scelerum detestatione exegit. *Sod. Parth.* Gratissima certè Deo pietas est eo tempore, quo ab hominum malitia tam protervè offenditur. Tu illud solito ferventiùs exige quâ studijs quâ pietati vacando. Cave communi & inexcusabili hominum errore abreptus quæ nescio admittere audeas. Nemini spatium peccandi aut facultatem divina Majestas concessit.

11. Berchmannus in morbo sæpe ingeminabat illud: Ave Maris stella! Monstra te esse Matrem. Causam rogatus, ait: Iesum & Mariam amavi in vita, amabo & in morte. *Ex vita.* Imitare Mariam cogita, Mariam invoca verbis illis, quibus & S. Ignatius ante quodlibet negotium ejus opem invocabat, dicens: Monstra te esse Matrem. Felicem exspecta mortem, si Mariam verè amaveris in vita. Sed quid est verè amare? verus amor non verbis solis absol-

vitur; factis probatur, Facto ostende, an Mariam ames. Peccatum fuge, præcipue illud, quod Puritati adversatur; & tum verè amas.

12. In Brasilia Sodalis iter faciens, ab hostibus suis interceptus, graviter vulneratus, semianimis relictus est Abeuntibus illis Patronum suum menstruum inclamat Sodalis, & flumini vasto se committit, eò superatò Patriam repetiturus. Audiit Sanctus vota clientis, apparuit, manum porrexit, vulnera sanavit, per flumen traduxit incolumem. *Sod. Parib.* Sancti tui Patroni menstrui opem inclama, sive corporis sive animæ salus agatur. Novit ille succurrere pio clienti.

*Cracovia* Sodalis quidam impiorum consortiò seductus disciplinam scholasticam ferre ultra non potuit, ut pote libertatis desiderio contrariam. Ergo primùm abesse à scholis frequentius; dein illis prius valedicere Nullò jam frenò ultra cohibitus, per scelus omne præceps ruebat, libertatis, ut credebat, aurea fructibus fruiturus. Sed brevis nimium erat! Paulatim gustaverat mellis Adolescens infelix: ecce decimò octavò atatis anno medias inter delicias, exortò quò nescio tumultu, miserrimè trucidatur, nullò prorsus pœnitentia signò relictò. Simile quid Bituricensi sodali accidit: Deliciis liberius fruiturus. relictà scholâ, missò sodalitiò, impiorum adhaeret & obedit

voci;

vocibus; tempus omne potando ludendoq; perdens. Vix extimis gustata labris gaudia moribus acerbis excipit; qui audiendi facultatem misero abstulit, dein & vitam. Ann. S. J. Sic castigat terribilis in judiciis suis Deus intempestivum libertatis desiderium. Time, time Studiose, qui regulas scholasticas, jugum & disciplinam pertasus libertatem suspiras; abes à scholis crebrius; studia negligis: tempus omne lusu, potatione, otio consumis. Non intra hos limites consistes. Brevis ulterius se effundet libertatis ardor; nec quiescet antè, quàm divinis humanisq; omnibus conculcatis te ad tartara dejiciat. Principiis obsta.

13. Mexicanus quidam Sodalis à pietate prima deficere cœpit, & cupiditati fræna laxare: Ambulabat vice quadam in urbe cum sociis suis & grave aliquod scelus animòolvebat: tum ecce adstat vir grandævus, vultu gravi & subirato eum alloquitur: Tunc, qui B. Virginis sodalitio nomen dediti, hæc animò ausis volvere facinora? horret ille, animò deficit, humi corruit: levatur à sociis, ad nostros adducitur: expiat conscientiam; pristinam pietatem amplectitur. Ann. S. J. Errantis & errorem corrigenis exemplum habes. O quoties idem tibi Custos Angelus exprobrare potest? hæc tu Sodalis cogitare? hæc loqui? hæc agere? scilicet omne scelus te

**dedecet. Imitare Adolescentem poenitentem:**  
Ne aliquando in die iudicii hoc tibi dicatur,  
quod teste S. Cypriano Christiano cuivis im-  
probo dicet Christus: Non novi te: Chri-  
stianus (Sodalis non es) ubi enim opera tua?

14. S. Eucherius postea Aurelianensis E-  
piscopus lectioni spirituali in dies aliquod  
temporis spatium consecrabat. Ex hac salu-  
tem hausit. Cum enim die quodam inci-  
disset in illud: Præterit figura mundi hujus.  
Mirum se in animo excitari ad deserenda  
omnia mundana advertit; quæ & reipla de-  
seruit, non sine multiplici de styge & carne  
victoriâ. *Spec. Juv.* Imitare: Modicum quid  
temporis lectioni ejusmodi saluberrimæ con-  
secra. Hac fortasse uti statuit Deus velut  
facili ad vocationem obtinendam instru-  
mentô. Ea verò, quæ legis, à Deo tibi  
inspirari certissimum habeas: illis obtempera:

15. S. Petrus Damiani gravissimis nocte  
quadam tentationibus vexatus surgit, hye-  
mali tempore aquis se immergit, eò usque  
frigus acerbissimum sustinet, dum tentatio-  
num æstus remitteret. *Ex vita.* Hæc ju-  
venis fecit. Sic Sancti certant pro castitate.  
An tibi grave accadat pro Angelicæ virtu-  
tis conservatione unam alteramve mor-  
tificationem suscipere, aut orationi alquan-  
tulum vacare, dum premit tentatio? Pu-  
gnandum est. Delicatus miles facile suc-  
cum;

ambit. Res seriò agenda est.

16. S. Aloylius manè surgens sollicitè cavet, ne vel minimam corporis partem aspiceret nudatam; verecundia enim ejus, quæ Angelica erat, id non ferebat. Totum verò tempus, quò vestibùs se induit, orationi dabat. *Ex vita.* Imitare: memento modestiæ dum surgis. Vestibùs dum te induis, memento præsentis Dei, præsentis Angeli custodis. Assuesce precibus certis eò tempore persolvendis. Sic diem sanctè inchoabis.

17. S. Hilarius puer Martyr fame diuturnâ confici maluit, quam fidem negare; illud identidem Tyranno generosè oggerabat: fac, quidquid volueris: Christianus sum. Non cedo. *Spec. Juv.* vueri hæc vox est inter tormenta & cruciatus. Erubescere, si facile adeò vinci te pateris; si à propositis deficere vel leviter solum tentatus non dubitas. Non deferendus est Deus, licet incommodi aliquid subeundum sit. Nondum fame, nondum dolore conficieris. Leve tædium est, levis incommoditatis horror; & fugis è templo; nauleas studia, scholas negligis; orationes omittis; hoc est, Deum deseris. Aliud incipe vivendi genus. Dic occurrenti cuivis molestiæ: Non cedo: premas me licet & affligas, non cedo: Dei amore superabo.



18. Maceratæ Sodalis fuisse ab altero per injuriam graviter percussus, hoc solum iniquo aggressori dixit: Injuriam facis, adolescens: quid me petis: omnem tibi injuriam Dei amore condono, Inde templum ingressus Crucifixo advolvitur, ejusque exemplo vindictam procul fugere decernit. Rogatus postea, ut inconsiderato aggressori veniam daret, reposuit: Nihil opus est: Neque enim inimicitiam unquam suscepi aut odium. *Sod. Parth.* Frequens certè occasio sese tibi offeret leve quid pro Dei gloria patiendi: ne eam elabi patiaris absque fructu. Cave unò alteròve verbulò incautiùs ab aliis fortè prolatò, in cognomina calumnias, execrationes erumpas. Vince te!

*Rufus adolescens annorum octodscim parente utroque orbatus apud avunculum suum Cyrillum Episcopum Hierosolymitanum nutritus fuerat. Nihil in eo prater immodicam ludendi cupiditatem carpebatur Mortuus, S. Cyrillo apparet, specie prorsus terribili; aternisque se se damnatum esse ignibus vociferatur, ea solum de causa quod lusui nimis addictus, plurimum ei tempus dederit, quod negotiis aliis statui convenientioribus dari debuerat Flores. exempl. Quid tu ad hoc Studiose? fidem nescio an apud te inveniat tragica hæc Historia, qui nihil planè sceleris inesse putas turpissima ludendi prurigini. Illud negare non poses, plurimo-*

*rum semper scelerum fontem extitisse hanc ludendi consuetudinem immodicam Hac certè pecuniam furtivè subtrahere, tempus studiis & pietati suffurari, detestandis sociis adharere, vacare gula, cauponas habere præ templis, in rixas & convicia, & maledicta & blasphemias abire, quincum ipso etiam demone pacisci docuit, docetq; hodie dum Tu cave assuescas, nisi ad graviora ruere imprudens velis.*

19. S. Andreas Cortinus, sanctè sub initium educatus, paulo post sociorum blanditiis seductus nauseare cæpit studia; fallidire libros, amare lusus, fugere scholas; rem verbo; vivere ex mundi genio. Verum à matre seris verbis reprehensus B. Virginis imagini advolvitur, gratiam rogat se emendandi, & ex eo momento in alium plenè mutatus vitam cæpit sanctiorem. Dixerat ei mater: Non mihi, sed Mariæ natus es. *Ex vita.* Studiose, non tibi, sed Mariæ natus es, & toties oblatas. Quid verò profunt tot increpationes & monita parentum & Superiorum tuorum? Imitare S. Andream, & coram B. Virgine statue vitam aliam inchoare, emendando defectus, quos tibi præ aliis familiares habes. Pete à magna Matre gratiam, quâ totus convertaris; non enim tibi, sed Mariæ, sed cælo natus es.

20. Antverpiensis Sodalitatis sæpe ex Præ;  
fide

fide quærit, quodnam Deo gratissimum præstare posset obsequium: vilia enim & communia, aiebat, non sufficiunt, quia extraordinarias à Deo grâtiâs mihi collatas esse memini. *Ann. S. J.* Sodalis mi; an non & tu speciales à Deo gratias nactus es? Vide talenta tua: vide inspirationes, cogita vitam elapsam: & nega si potes. Sed qualia tu Deo exhibes obsequia? quam exhibes gratitudinem? quid hodie Dei in te tam benigni amore ages? quô abstinebis peccatô? Certè enormis est ingratitude tua, si ne communia quidem exhibere velis obsequia, cum planè extraordinaria tenearis Deo tuo exhibere. Hodie saltem fugies peccatum aliquod amore Dei tui.

21. Michael Ayatumus sollicitus semper S. Aloylii imitator; ultimô adhuc vitæ die Sacerdoti ad aram fleienti operam navare voluit, uti eam indies navaverat eô fine, ut thesaurum in cœlis augeret. *Ann. S. J.* Imitare: Angelicum hoc officium sæpè sed modestiâ Angelicâ exerce. Stude & tuam augere in cœlo gloriam; per opera bona, per studia ad Deum directâ. Pudor est filios sæculi hac in re prudentiores esse filiis lucis. In dies tuis in actionibus lucrum spectat mercator, nunquam ejus augendi occasionem negligit. Tu quid pro lucro cœlesti? quid pro cœlo!

22. S. Rupertus Abbas Tuitiensis, naturâ tardus, cum nec labore quidem proficere se quidquam adverteret in studiis, opem B. Virginis quàm ardentissimè poterat invocavit. Apparuit ei nocte Virgo, & sapientiam elargita est eam, quam orbis hodiernum suspicit. *Ex vita.* Ad Beatam Virginem confuge: Sedes sapientiæ est. Hujus implora opem: subsidium invoca, non deerit.

23. Berchmannus hoc fecit, & sæpè renovavit propositum: fugiam consortia tepidorum, & ut basiliscum aspectus mulierû. Observavit utrumque sollicitè. Teste enim vitâ ejus velut pestem fugit adolescentes quosvis vitæ liberioris: fæminam aspicere nullam notatus est. *Ex vita.* Imitare. Fuge & salvaberis, dictum est Arsenio, viam salutis à Deo scire volenti; fuge. Fuge mulieres: fuge Socios quosve suspectos. Vis castus esse? vis salvari? fuge Frustranea sunt remedia alia, si hoc non accedit. Ah quoties Angelicus juvenis seris satanizat in annis; qui paulò liberius versari cœpit cum socio disciplinam exoso, &c. quia incautiùs vagari oculis libuit!

24. S. Andreas de Chio terribilia & verè inaudita supplicia passus, aliam inter tormenta vocem non edidit ac hanc: Virgo Maria adjuva me! habebat hoc antea singulare,

re, quod jocari aut otiosa verba proferre auditus sit nunquam. *Spec. Juv.* Imitare. Facessant ab ore Sodalis joci indecentes, nedū lascivi, quibūs non tam audientium animus quā diabolus recreatur. In omni necessitate Mariam invoca. Virgo Maria adjuva me.

*In Flandria Studiosi duo, et literarum et scelerum conjortes erant, in licentiam omnem effusi, noctem ipsam extra domicilium proprium in cauponis ducere consueverant. Ex more noctem mediam potando traduxerant; auditur hora du decima, et eorum unus scelere lassatus domum abit; raptim vestes exuit, lecto se committit. Adest cogitatio necdum persoluti perji Mariani. Vicit pietas, preces licet misere persolvit. Interea pulsantur fores, aperiuntur vi, adest monstrum visu terribile, flammis undiq; cinctum; his alterum compellans vocibus: Agnoscisne quis sim? socius tuus sum. à quo modò recesseras. Noveris; eadem illā hora, quā nos voluptati vacabamus in caupona, à demone accusati sumus, à Deo morti aeterna adjudicati. Tibi ob preces B. Virgo inducias impetravit: ego domum rediens à demone praefocatus, aeternum harebo inter inferos. Multa alia addidit, non sine immani horrore alterius. Pexens.*

Studiose, quis animus tuus; Condiscipulorum unus servatur: damnatur alter;



ter; quis scit, quæ tua fors sit futura! Ah contremisce, & cum timore salutem operare. Unum Virgo Mater servavit: spera. Damnatuſ est alter: time Spem inter & metum ambula. Nota etiam quod eadem horâ accusati ſint coram Deo, qua numinis oblii gulæ vacabant impii. Eadem horâ. Quis ſcit, an non eadem hac horâ, hoc die, quo nescio quàm infanda ſcelera ſtatuis, coram Deo accuſeris. Diſce pariter, quem exitum libertatis amor, & cauponarum frequentatio habeat. Diſce etiam in juvenes juſta Dei judicis fulmina contorqueri. Time! expaveſce!

25. Berchmannuſ ſic ſæpiuſ ſe allocutuſ legitur: Quid prodeſt tibi, ô anima diligere ab homine, ſi per hunc amorem perdis amorem Chriſti ut Pilatuſ? *Ex vita.* Agnovit prudentiſſimuſ adoleſcens cæcitatem hominis, qui exemplo Pilati, ut homini placeat, Deum offendit. Agnoſce quæſo & tu cæcitatem fortè tibi frequentem: perdis amorem Dei, ut conſerves gratiam hominis: offendiſ Deum mentiendo, loquendo, tacendo indicanda, omittendo agenda, quia ſociuſ id placet, timeſ diſplicere homini. Miſerum te, quid prodeſt amicitia omniſ humana ſine divina? Quid profuit Pilato Judæorum amicitiam quæſiviſſe perdendo divinam? Tibi quid proderit? Statue nunquã

in gratiam hominum offendere Deum.

26. In Provincia Peruana Sodalis quidam, quem antea pudor à manifestando quodam scelere absterruerat, Missionario nostro sincerè omnia aperuit, inquit: Paratum se esse coram orbe toto peccata sua manifestare, ne dæmon aliquando ea obijcere posset ad ignominiam sempiternā. *Ann. S. J.* Cave sedulò, ne unquam maledictus pudor eò te inducat, ut sacrilego ausu scelus in Confessione taceas. Horres hoc agere? laudo horrorem: fac ut sit perpetuus. Pereat pudor, salvetur anima; ait Tertullianus.

27. S. Eduardus nihil unquam negabat, quod amore S. Ioannis petebatur. Pietatem hanc non uno prodigio remuneratus est Deus; qui etiam imminentem mortis horam eidem per S. Ioannem indicavit. *Ex vita.* Imitare: in hoc tuus eluceat in Sanctos amor, ut nihil eorum causâ renuas, nihil non agas. Petit à te B. Virgo, petit Patronus menstruus, ut hoc illudvè vitium studeas emendare, consortium illud fugere, & si ejus sentire patrociniū desideras, obedi voci ejus: ejus amore te emenda. O quàm hoc facile! quàm utile, habere per dies singulos è Sanctis unum, cujus amore diem illum bene colloques.

28. Fuit Clagenfurti in Austria, qui ut viveret licentius, dixit impius in corde suo,

non

non esse dæmones, aut infernum. Hinc in vitia omnia ruere pro ludo ei & joco fuit. Verum inierit effrænatae huic vecordiae manum misericors Deus. Infelices aeternitatis infernalis, carnifices non tantum vidit impius ille, sed & sensit, quando pressio gutture ac prope eliso spiritu ad extremas redactus est angustias. Eluctari vox una potuit lesum & Mariam inclamans. Fugerunt tum spiritus tartarei; impius ille tantò perfunctus periculò, mox ad Patres Societatis properat, conscientiam expiat, vitam inchoat sanctam. Quæ ut constans esset, elegit sibi pro Tesseræ voces illas: Discedite à me maledicti. Hîs ille salubri semper eventu à peccato vel invitus avocabatur, ad constantiam trahebatur. *Ann S. J.* Resipiscentem hunc tibi propone juvenem, non errantem. Tesseram illam habe familiarem tibi: Discedite à me! recordare iudicii illius ultimi: Gehennam tibi ob oculos statue; non peccabis.

29. Anonymus Sodalitatis devotissimum se Mariæ Virginis clientem vivus ostenderat. Moriens, monitus, ut sanctam Virginem invocaret, ait: In hac spes mea omnes collocavi, nec de ope illius dubito, inde raptus in extasim, clamabat: Abyssus abyssum invocat. Restitutus sibi, Deus bone, agebat, quæ se mihi visa objecerunt! quàm for-

formidabilia! quam horrenda conspexi! sed B. Virgo mihi adfuit, me defendit: lætus morior. *Man. sod.* De morte hac quid sentis? felix est, inquires Sic est. Stude, ut & tua sit similis Spem in B. Virgine omnem colloca. Aderit hæc, si sanus eam colere non desistas. Frustra autem ab ea opem exspectas, si ejus amore te vincere, ei servire renuas. Novum igitur hodie in ejus obsequio fervorem concipe.

*Martinus Delrio refert in Flandria comitatu tres fuisse Ganeones & lascivos juvenes, absque pudore omni, potando luxuriantoque vitam prodigentes. Die quidam in seram noctem compotationes prodixerant; tum unus eorum; sat, ait, Baccho ventrique datum; Deo gratias saltem. Ego verò inquebat audacior, demoni gratias ago, cui operamur. Dixit, & cum sociis lectum & scelera petiit. Vix decubuerant, ecce tibi janua vi reserata, demon atri & trucidis viri speciem indutus ingreditur habitu venatorio, molossis duobus stipatus. Tum ad lectum conversus: Ubi est, ajebat, qui mihi gratias egit? referam & ego: idè enim adsum Lecto pavitantem abstulit blasphemum, infans simulantem verum ibi posito, luculento igne assat, horrendum vociferantem; Dein rursus ad lectum versus: digni vos etiam estis ajebat parâ supplicio; nec voluntas mihi deest; vi majore prohibeor: Invitus abeo,*  
 & mo-

43  
73  
-  
-  
9  
-  
S  
D

73  
-  
-  
-  
9  
-  
S  
0

25

55  
D, 3

23

Ans:



Angelica devotione preces in templo per-  
solvit ut non alio quàm Angeli nomine  
compellaretur; multi etiam essent, qui ad  
templum occurrerent, ut ejus orantis mode-  
stiam contemplarentur. *Ex vita.* Dignum cœ-  
lo spectaculum. Adolescens devotè in tem-  
plo versans. Domus Dei est, in qua oras  
in dies, studiose: Iudex tuus est, in cujus  
conspectu oras & versaris. Time indecens  
aliquid admittere, non sine intuituum scan-  
dalo. Observa modestiam in templo.

2. Bituricensis Sodalis morti proximus  
sic suos alloquitur: Condiscipuli mei, fugi-  
te peccatum; declinate socios pravos; a-  
mate B. Virginem, in qua spem omnem  
colloco; hanc cum Patronis mensuris pro  
felici lucta ultima imploro. *Ann. S. J.* Hæc  
fac & vives. vives vitam studiose dignā;  
vitam beatam in cœlis Renova hodie de-  
votiones tuas erga B. Virginem & Sanctos;  
item proposita alia pia.

3. S. Casimirus Passioni Christi tenerimè  
addictus fuit; sæpè de hac legit; de hac li-  
bentissimè locutus est. S. Franciscus Seraphi-  
cus, & S. Vincentius Ferrerius à teneris  
eidem Passioni erant addictissimi, ad solam  
ejus memoriam abierunt in lachrymas *Ex*  
*vita.* Imitare, & imminente vel præsentè  
tempore quadragesimæ recordare Christi  
pro te passi; ejus amore non recusa pati

ali

aliquid vel laborare, qui pro te dignatus est mori.

4. S. *Æsquilius* postea *Archi* Episcopus, duodecem annos natus, lethali morbo correptus, à medicis depositus, ad lucram ultimam munitus, in extasin raptus, videbatur sibi versari in domo flammis undique occupatâ; è qua cum elabi fugâ per omnia conclavia cuperet; ad splendidam aulam devenit, in qua Angelorum Regina regali solio residens propitias supplicantibus aures dabat: Illic ratus fore se securum, pedibus Virginis advolvitur, clementiam invocat. Dedignata Virgo intueri eum, abduci jubet, & ad ignes abjici: Sancti præsentes rogare pro misero, & Virginem placare laborabant. At illa: Cujus vos causam agitis? Juvenis est impius. pietatis odor, impurus, à quo nunquàm rite honorata fui. Rogantibus verò denuò Sanctis & emendationem pollicentibus, ipsò *Esquiliò* sancta omnia promittente reposuit Virgo: Iret & emendaret vitam, errores præteritos elueret, fidem servaret inviolatam, Cessavit sic visio. *Æsquilius* sibi redditus, rem serio agi videns, totum se pietati & Virginis cultui dedit; adeò ut in *Archi* Episcopum eligi meritus fuerit. *Spec Juv.* Non errantem sed resipiscerem propono *Esquilium*. Frustra tibi à Virgine favores pollicens in vita hac pessima.

lima. Oculos à te avertet, si tuà pietate a-  
vertas animum tuum. Infelicem te, nisi  
resipiscas.

5. Alexander Bertius, Adolefcens piissi-  
mus, è schola domum reversus, domesti-  
cos convocat, refert audita in concionibus  
scholasticis. *P. Nieff* Imitare: O quàm mul-  
tum boni præstari à te posset, si tempore  
prandii vel cœnæ referres exempla, & alia  
in scholis audita! quot mala impedires!  
quot sermones minùs honestos arceres!

6. Neapolitanus Sodalis impuro amore diu  
detentus, ejuratâ vitâ pessimâ sanctam cœ-  
pit; de constantia sollicitus jubetur ad B.  
Virginem confugere: obsequitur. Accipit  
paulò post in schedula Patroni menstrui hanc  
sententiam S. Gregorii: Noli cessare ab o-  
ratione, quod enim tibi largiturus est Do-  
minus, non negat, sed differt. Animatus  
hac voce perrexit in precibus, adeoque in  
proposito pio confirmatum se sensit, ut ad  
peccata priora reversus sit nunquam. *Ann.*  
S. J. Imitare, in dies ad B. Virginem con-  
fuge per preces, & constantiam in proposi-  
tis tuis flagita. Ne dubita; sequetur emenda-  
tio constans.

*Sodales duo, pomeridiano tempore, quo ca-  
tus Marianus adeundus erat captatò ex amœ-  
nitate cœli consiliò navem conscendunt, ut  
in Pado Italia flumine lustrabundi reliquum*  
dntw

*diem exigent: dum id agunt, dicit alter alteri: Quin in hoc otio Sodalitatis penſum perſolvimus, & horarias B. Virginis preces oramus? Respondit alter: Leges Sodalitatis non obligare sub peccato; & precandi animum ſibi jam non eſſe. Orat ergò unus; negligit alter: Pœnam iſte, alter premium repente tulit. Orſâ enim nescio unde tempeſtate & cœlo in turbinem verſo, ecce! navis agi flumine toto, concuti, impingi, demergi, ambo in flumen excuti: ambo Mariam inclamare: Adeſt hac ei, qui preces perſolverat & prehensâ manu periculo eum eripit: ad alterum verò ſimile auxilium implorantem converſa ait: Non obligabis me colere; nec ego obligor te morte eximere. Hoc dicto miſerum cum morte luſtantem deſervit. Sod. Part. Sicut Mariam colis ſic te adjuvabit. Time tepori tuo & ignavia: nunquam negliges conſueta ei obſequia exhibere. Miſerum te, ſi te Maria deſerit: deſeret autem, ſi tu prior eam deſeras.*

7. Anonymus Sodalis ad peccatum à ſociis invitatus, neque precibus, neque promiſſis, neque verberibus ceſſit. Auſi ſunt impii conſtantem in propoſito juvenem ligare vinculis, per tres dies in loco tenebroſo detinere, pugione etiam intentato mortem minari, niſi obſequeretur. Sed nec ſic quidem, ut ſcleri conſentiret, induci potuit: hoc unum heroâ ſemper voce

C

re:

reposit: Malo mori, quàm scdari. *Ann.*  
 s. J. Mira certè in juvene constantia: hanc  
 tu stude æmulari; dum à sociis aut dæmone  
 ad peccatum qualecunque incitaris, non  
 cede blanditiis, non promissis, non vano  
 timori. Repete illud: Malo mori, quàm scdari.

8. B. Aloysius oculorum mortificator admirabilis; res visu jucundissimas, eis planè interdixit; ut, dum equitum lustrationi interesse cogebatur; dum Legati laponii Romanam abirent, pompam illam ne intueri quidem voluerit. *Ex vita.* Levia hæc sunt tuò judiciò: sed & in levibus his magna sæpè victoria, res Deo gratissima. Imitare, mortifica subinde oculos; dum res jucunda eis sese offert: averte oculos tuos, ne videant vanitatem, præcipuè in sexu altero. Non unus hæret inter inferos, qui æternum foret felix, si oculos suos ab objecto aliquo illicito avertisset. Videre omnia velle curiosè, primus ad peccatum gradus est, primus ad interitum.

9. Berchmannus sæpè sanctissima Confessionis & Eucharistiæ Mysteria obiit, non contentus iis vicibus, quibus per legem studiosi omnes eadem Mysteria jubentur suscipere: Fructus, quem consecutus est, hic erat, ut tantam animæ puritatem adeptus fuerit, quæ sæpè nec absolutionis materiam  
 Con-



Confessario suppeditaverit. *Ex vita.* Imitare; sæpius sacra hæc accede Myſteria non tantum poenæ ſcholæſticæ metu. Præcipue, dum feſtum aliquod ſolennius eſt, aut dies Patrono menſtruo ſacra, nunquam omite S. Communionem; Miſerum te, ſi hac in re tepere incipias! Unde accidere dices, multos eſſe è Philoſophis qui vitam prorſus diſſimilem agant illi, quam egerunt in ſcholis humanioribus? dicam; ex eo acci- dit, quia rariùs divina accedunt, aut mino- re cum devotione.

10. Viennensis Sodalis ut ſe arctiùs B. Virgini obſtringeret, votum Caſtita- tis con- cepit; ſchedulam voti teſtem è collo ſuſpen- dit; contra tentationes omnes præſentissi- mum inde remedium hauſit. *Ann. S. J.* Tantum non peto à te, hoc tamen utiliſſi- mum foret; ſi poſt maturam deliberatio- nem & conſilium, Confessarii, ad breve tempus, vel tale Caſtita- tis, vel aliud devo- tionale votum conciperes: cogitur hac ra- tione natura cæteroquin inconstans, ut o- bediat Deo, & agat bonum. Sed & hoc facile eſt, ut sæpè formulam ſodalitatis renoves, & ſic identidem te de novo B. Virgini conſecres,

11. S. Thomas Aquinas à teneris nullo ludi genere, ſed librîs ſolùm delectabatur: ſic vita ejus diſertè teſtatur. *Ex vita.* Imitare;

tare: Vocavit te, Deus singulari suo in te amore ad studia, per quæ idoneum te faceres officiis altioribus pro tua & aliorum salute gerendis. Ergò tuum est, studiis præcipuè delectari. Alloquere te sæpè, uti Bernardus solebat, dicens: Bernarde, ad quid venisti? venisti, non ut ludas, ut otieris, sed ut studeas. Fuge præcipuè lusus vetitos, in quibus non temporis solum, sed & pudoris, & innocentiae iactura non raro subitur.

12. Ingolstadiensis quidam maiorum scolariorum flagitiò in detestanda quævis scelera lapsus, eò etiam deductus est, ut dæmoni se tradere statuerit; jam schedulam scripserat, jam occasione inhiabat; cum ecce una hæc occurrit cogitatio: Hæc tu, cum Sodalis sis, audes? fregit ista impudentis animum, & mutato repente consilio ad Confessarium abit, rem exponit, deploratque. *Sod. Parth.* Hæc tu, cum Sodalis sis, audes? hæc? tam turpia? tam indecora? tam abominanda? pudeat! Sodalem te dicis castissimæ Virginis; & hæc audes, quæ vel casta auris retugiat? Sodalem dicis Virginis mundissimæ; & hæc audes, quæ & tuam & aliorum animas foedissimè deturpent? Erubescere, & hac salutari cogitatione compunctus abjice nefandas illas consuetudines; fuge peccatum hoc -- nosti quale,

quale, quàm periculosum, quàm indignum  
eò, qui Sodalem se dicit.

Placentia Sodalis sacro igne accensus statum  
Religiosum spirabat; eà apud omnes opinione  
erat, ut Mariana præfectura ei committeretur.  
Verùm sociorum pravorum consiliis à Religione,  
à pietate abductus, lascivis amoribus irretitus  
est. Puellam quandam in sano amore deperibat.  
Huius ante fores obambulans adolescentem a-  
lium videt, qui alia omnia agitans ibi con-  
sisterat. Exarsit miser et rivalem suum esse  
ratus; edico tibi, ajebat, ut illicò hinc faces-  
sas, nisi pessimè haberi velis. Excusat aliter  
factum fortuitum. Sed Sodalis impius strictò  
gladiò eum in fugam compulit: Ille fugiens  
animum revocat, stringit gladium, vim vi re-  
pulsurus, jamque ad instantem obversus pede  
fallente corruit, gladiò ante se elatò; in quem  
furore excacatus miser amator irruit, seque  
ipsum alienò ferrò transfigit; paulò post vità  
discedit. Ann. S. I. Hoc fine coronatur la-  
sciva impietas. Tua pietati, si quæ est, nolì  
fidere: quantò illa major est, tantò graviores  
demon insidias parat per socios maledictos,  
tantò ruina erit terribilior.

13. Michàél Ajatumus dum sermonem  
turpem aut paulò liberiozem à sociis move-  
ri advertit, confestim tacitè consortio se  
subducit, ne verba ad animum penetrarent,  
animam læderent. Idem in S. Marculphi

vita laudatur, quod omnia coætaneorum vaniloquia studiosè vitaverit. *Ex vita.* Amas castitatem? ama hac in re imitari. Fuge, fuge sermones vel à longè turpitudinem aliquam redolentes. Nihil castitati noxium magis. O quot adolescentum innocentia illæsa adhuc esset & integra, si verbum unum alterumve turpius, ad aures non admisissent!

14. S. Calibyta dæmonem superaturus rarâ constantiâ annos multos in domo paterna ignotus, pauper, patiens exigit; causam rei hujus ipse hîs verbis sub vitæ finem dedit; Christum meum amans, suave jugum ejus portavi. *Ex vita.* Disce dæmonem vincere in levioribus saltem: constanter exequere proposita tua ante Confessionem facta: non desere pietatis exercitia, quæ pio fervore inflammatus suscepisti. Displicet Deo stulta & infidelis promissio: displicet inconstantia.

15. Ioannes Bartirotus Castellanae princeps Sodalis, in honorem Passionis Domini diebus Veneris, flagellô in corpus suum innocens desæviit; & hoc quidem fecit annos non nisi novem natus Michaël Ayatumus eandem ob causam jejunabat Feriâ sextâ. *Ann. S. J.* Par est, ut & tu tempore, Quadragesimæ, mortificationem aliquam subeas in honorem Christi Passi. Quam verò?

verò? si jejunium & flagellum displicet,  
diebùs Veneris abſtine peccatò aliquò, ad  
quod maximè inclinas.

16. S. Paulus poſtea Virdunenſis Epiſco-  
pus, à vocatione implenda avocabatur per  
parentes, qui quæ nescio bona ei oggere-  
bant: at ille, nihil, ait, intulimus in mun-  
dum hunc, nihil auferre inde poſſumus:  
Deum ſequor. *ſpec. Juv.* Agnoviſti fortè  
vocationem tuam: Cave ulla te res ab ea  
implenda avocet. Bona mundi, digna non  
ſunt, ut eorum amore Deo vocanti morem  
gerere dubites. Deſerenda erunt tibi illa, ſi  
non antè, certè in morte. Sed & in qua-  
vis peccandi occasione Dei vocem ſequere  
non hominum: Dei vox eſt: declina à ma-  
lo, & fac bonum. Vox Dei eſt: Quasi à  
facie colubri fuge peccatum. Hanc audi.

17. Mediolanenſis Sodalis erat, qui alte-  
rius caſtitem expugnare laborabat: Re-  
ſpondit: illa: Corpus hoc, quod Sanctiſſi-  
mam Euchariftiam hodie ſuſcepit, nullo  
certè humanò contagiò violari patiar: vitâ  
potiùs quàm pudicitia cedam. Attonitus ad  
hæc verba juvenis, eadem ſanctiſſimæ Eu-  
chariſtiæ ſuſceptæ memoriâ à ſcelere avo-  
catus eſt, atque ut nunquam tale repeteret,  
frequentiùs eam ſuſcepit, frequentiùs ejus  
recordatus eſt. *Ann. S. J.* Studioſe mi ſi  
quid eſt, quod ſcleris cupiditatem repri-

mere possit, potest id memoria SS. Eucharistiæ toties susceptæ. Cogita ergo sæpè: Hodie, vel ante duos aut tres dies suscepi Christum Eucharisticum, non audeo linguam meam, non manus, non oculos violare; Christus enim membra hæc veluti sacravit.

18. Launomarus postea Abbas, de victu quotidiano à parentibus submisso, fermè indies aliquid sibi subtrahit, egenis largitur. Hoc ipsum à plurimis sanctis adolescentibus factum. Credo majore eos in morte fruitos esse solatio, ac studiosos illos, qui expensas à parentibus pecunias lusu & otio perdiderunt. *Spec. Juv.* Tu si egenis largiri non potes, preces pro eis non rarò perolve: Parentum sumptus ne frustranei sint, omni studio enitere.

*Adolescens quidam modestia omnis virtutisque exemplar, omnium in se oculos amoremque rapuerat; alienissimus ab omni vitio, in quod incauta sæpe juvenus solet impingere. Audiit ille nomen Pòëta cujusdam veteris celebrari ob versuum concinnitatem; reprehendi tamen ob impuritatem, Nihil ille moratus, Pòëtam emit solam in eo Latinitatis elegantiam spectaturus. Emptum legit, lectum probavit, probatum suis non tam versibûs, ut statuerat, quàm moribûs expressit. Sensere mutationem inexpectatam omnes & gemuere.*  
*Glades*



Clades manifesta erat, cladis causa occultā  
Apparuit deinde & ista; adhibita remedia;  
sed incassum. Præcepit animus, jugō palam ex-  
cussō, per omnia vitiorum abrupta ferebatur;  
adeo ut à Magistratu publicā infamiā notatus  
scholā & urbe proscriptus fuerit, utinam non  
& cœlo. Lechn. Tantum valet libri pestiferē  
lectio. Cautus hic esto. Occurrunt passim can-  
tilena, libri nonnisi igne & tartarō digni.  
Curiositatem eorum lectione pascere velle, res  
periculō plena est. Hæret altè infixæ memoria  
lectio pestifera; cladem excitat eam, quam in  
adolescente hoc conspeximus. Projice abs te li-  
bros tales. Cyriaci cujusdam Monachi domum  
intrare B. Virgo renuit, uti aliorum cellas  
subierat, sed severo eum vultu intuita est, eò  
quod hostem suum, ut aiebat asseruaret. Ho-  
stis ille erat libellus Hereticus, inscio Cyriaco  
domi suæ jervatus. Hunc ille ocysus expulit;  
favore dein Mariano recreatus. Talem Maria  
hostem si nutris, ejice: Maria ad te non di-  
vertet, nisi ejeceris.

19. Berchmannus singulari devotione fe-  
rebatur erga S. Iosephum, affirmans: Ni-  
hil se unquam à magno hoc sancto flagi-  
tasse, cujus compos factus non fuerit. Ex  
vita. Imitare. Elige magnum hunc Sanctū  
in Patronum tuum & frequentissimè invo-  
ca. Ut autem intercessionem ejus facilius  
tibi impetres, stude æmulari virtutes S. Ios-  
ephi.

ſephi. Primariæ erant: Amor erga Ieſum & Mariam, Caſtitas illibata. Ultimam etiam vitæ horulam ei commenda. Patronus morientium eſt, inter Ieſu & Mariæ brachia mortuus.

20. S. Thomas Aquinas à propudioſa ſæmina ad ſcelus incitatus, hîs Deum & B. Virginem vocibûs alloquitur: Ne ſinas quæſo Domine Ieſu, & tu ſanctiſſima Chriſti Mater & Virgo, ut tam immani ſcelere me obſtringam. Factâ hac oratione, titionem è foco arripit, impuram cubiculo eji- cit, clauſo dein oſtiô gratias Deo agit pro victoria. Placuit Deo generoſus animus: An- gelos miſit, qui inviçtum pugilem cingulô quodam ſacrô munirent, perfectamque à tentatione omni laſciva immunitatem largirentur. *Ex vita.* Imitare. Ieſus & Maria ſint tuum in omni tentatione refugium. A- nimô heroicô rejice abs te omne illud, à quo ad Dei offenſam invitariſ.

21. S. Caſimirus mortificationis admo- dum amans fuit. Sæpe nudâ humo uſus eſt lecti locô: sæpe noctu de hyeme nudis pe- dibûs obire ſolebat Eccleſias: cilicium hor- ridum ſub purpura ferè affiduè portabat. *Ex vita.* Horres mortificationem, Studioſe? Cœlum horres; neque enim hoc ſine illa obtineri poteſt. In levibus incipe vim tibi inferre: patere frigus leve in templo, la- bores

bores in studiis, varias quotidie occurrentes molestias lætō animō tolera. Etiam levia ista, Magnus Deus magnā mercede remunerare solet.

22. Bariensis Sodalit alteri, à quo gravissimè fuerat offensus, aiebat: Ne timeas: nihil interrumpet amicitiam nostram, quam in B. Virginis gratiam spero æternam fore: quin in posterum amiciores erimus. *Ann. S. J.* Cave vindictam spires, aut aversionem ostendas, dum leviter fortasse ab altero offenderis. Meretur B. Virgo, ut tantillum ejus amore feras.

23. B. Aloysius S. I. volens rem B. Virgini gratissimam facere, adhuc Novennis Festō Annuntiæ Virginis eidem vovet castitatem perpetuam. Idem fecit Michàél Ayatumus annō ætatis decimotertiō. Uterque hoc consecutus, ut omni turpiore motu, quoad viverent, essent immunes. *Ex vita.* Imminet festum idem magnæ Virginis. Quam tu ei rem gratam facies? Purissima Virgo est: Puritatem amat. Hoc saltem age: Propone firmiter fugere minimum quodvis periculum castitatis vel perdendæ, vel etiam lædendæ. Tale periculum est in consortiis suspectis, in sermonibus, in cibo & potu immodico.

24 Berchmannus diebus sabbathinis & in pervigiliis B. Virginis jejuniis rigidissimo

coluit purissimam Virginem. Idem fecit  
Ayatumus: idem innumeri magnæ Virginis  
cultores. *Ex vita.* Est hodie pervigilium  
B. Virginis. An amor tantæ Matris tantum  
à te non impetret, ut jejunium aliquod  
hodie suscipias, aut saltem cibò aliquò gra-  
tò abstineas. Statue quid agas.

*Juvenis blandâ alterius familiaritate à  
studiis ad otium, ab hoc ad scelera varia,  
maximè ad lascivias deductus fuerat. Sape  
errorem turpissimum deflevit; saepe manus B.  
Virgini sacratas infami tactu non ulterius  
contaminare statuit: sed relapsus semper, sem-  
per reversus ad vomitum. Intentat Confessari-  
us ulsionem Divinam inconstanti, minatur  
Tartara, frustra erat. Fuit, cum urgente  
tentatione denuò scelus repetere statuit. Ergo  
ad conclave aliud se confert, ut solus rem  
detestandam faceret. Cum ecce tibi! Mon-  
strum diabolicum ibi reperit, quod furore sum-  
mo juvenem aggreditur, fasciam è tibialibus  
repentè solvit, eam ipsius collo alligat, & è  
quadam conclavis trabe suspenso gulam strin-  
git, strangulatque licitor Tartareus. Rem to-  
tam demon ex Energumeno retulit, addens;  
quòd Angelus Custos diuturna clientis incon-  
stantia indignatus potestatem dederit demoni.  
eò rapiendi miserum, quòd rapi pridem debu-  
erat. Pexenf. Ecce abominandi sceleris, ecce  
inconstantie poenam. Ah expavesce! time, ne*

❧ Tutelar̃is tuus tuâ fatigatus impietate te  
deferat. Horre scelus omne, castitati maximè  
contrarium. Fortè primum quod audebis, ul-  
timum erit. Paratus jam jam adstat lictor  
Tartareus, ad nutum Divina Justitiæ gulam  
tibi elisurus. Si minùs intelligis, quæ dixi;  
cave inquiras curiosè. Ora Deum, ne intel-  
ligas ea, quorum scientia innumeris eternum  
obfuit. Peccatoribus hìc loquor, & eheu! ni-  
miùm ea scientibus.

25. B. Aloysius S. I. adhuc pàrvulus in  
singulis scalæ gradibus, Scalam cœli, B. Vir-  
ginem salutabat verbis illis, quibus hodie  
per Angelum salutata est: Ave Maria. *Ex  
vita.* Studiosè, dies hodierna est illa, quâ  
B. Virgo facta est non tantum Mater Dei,  
sed & hominum, & tua Mater. Congruum  
est, ut singulari eam obsequiò, filiali affe-  
ctu venereris. Formulam Sodalitatis, quâ po-  
tes devotione, renova. Et quid si Aloysi-  
um hodie ad literam imitareris? quid si  
ascendendo aut descendendo per gradus Vir-  
ginem Sanctissimam verbis Angelicis saluta-  
res? quid si per Octavam totam? Aude a-  
liquid amore Virginis. Mater tua est.

26. Parmæ Sodal̃is quidam ut se vince-  
ret, saniem ex ægri ulcere scaturientem  
generosè exugebat, novus in ætate tenera  
Xaverius. *Ann. s. J.* Ridet Mundus hanc;  
ut arbitratur, stultitiam; sed erit, cum vi-  
dens

dens hunc sodalem inter Beatos alios, dicet: Ecce hi sunt, quos habuimus in derisum: existimabamus, quòd vita illorum esset insania: & ecce computati sunt inter filios Dei. Sed quis erat, qui generosè ad eò se vicit? Sodalis erat. Nomen idem habes. Quomodo factum imitaris? qua in re te vinctes hodie? Examina, quid grave hodie tibi vel molestum possit accidere, & amore Dei tui in eo te vincere propone.

27. S. Malachias sanctè educatus dum occurrentia in sæculo salutis pericula agnoscere coepit, coepit & fugam adornare, inquit, Meus ex Deo est spiritus: Dei beneficiò vivit adhuc in me innocentia vitæ, continentiae decus, justitiæ fames. Sed nihil horum mihi tutum est sub principe mundi. Fugiam ergo, ut salvem animam meam. *Ex vita.* Sic est: segura non est in sæculo innocentia: salus, innumeris est exposita periculis. Si Divina bonitas inde evocare te dignabitur, lætus sequere.

28. S. Martinianus adhuc adolescens eremum petierat, ut securiùs salutem suam operaretur. Exactis aliquot annis ad grave flagitium à personato diabolo incitatus, cum parum jam à consensu abesset, se se recolligens ignem accendit; huic manus, huic alia membra inserit, dicens; Martiniane, si ferre hunc ignem potes, pecca audacter: si minus;



minùs; cave, quia gravius imminet infernale incendium. *Vita. PP.* Est sane hoc remedium, quod omnem peccandi voluptatem extinguere in te potest. Accede quæso subinde fornacem succensam; ignem considera; delibera, an peccare velis, & æternorum ignium periculo te exponere. Ferre si non potes ignem hunc, quomodo peccare potes?

29. B. Aloysius crucis Christi memor, tenellus adhuc adolescens aserculo sæpissimè de nocte incubuit. Moriens jussus, ut caput tegeret, respondit: At Iesus meus tecto capite mortuus non fuit. *Ex vita.* Ita quem vivens est imitatus, moriens quoque voluit imitari. Quæ tibi Christum imitandi cura? O quàm dissimilis vita tua est vitæ Christi? Tacet Iesus inter opprobria & calumnias: tace & tu inter leviora. Patitur Iesus & moritur pro salute nostra, pro peccato extirpando: age & tu aliquid pro tua salute, peccato fortiter resiste.

30. Ingolstadiensis Sodalitas videns varias à Propola quodam merces vendi, & inter eas etiam imagines turpes & cantilenas, corrogatâ pecuniâ omnes eas emit, & in flammâ conjecit; ut hac ratione plurima peccata impediret. Novit fortasse quod deinde dæmon ex obsessio aliquo factus est, cantilenas tales plures ab ipso dæmone  
compo-

compositas esse, aut dictatas alteri, ut plurimarum esset ruina animarum. *Sod. Parth* Si Deum amas, non tibi solum attende; stude & aliorum peccata impedire, si potes: potes autem sapissimè. Non moneo, imaginem & cantilenam minùs pudicam ne foveas; procul enim te ab his dæmonum illicitis abesse credo.

31. Bartholomæus Vergara ab annis primis virtutis cultor eximius fuit. Ferebatur in Beatam Virginem devotione quadam præcipua. Morbò gravè correptus devotionis hujus præmium tulit. Pridie S. Michælis, Pater ejus præter morem de nocte surgens audit gementem filium, videt sedentem in lecto; Rogat ille, quomodo se habeat? tum filius: Moriar, Pater mi: Dei Genitrix mihi adfuit, atque ut æternitati me accingerem, monuit: fac ocyus adesse, Confessarium meum. Dicente verò Patre, cras id fieri posse, nec debere Confessarium nocte intempestâ evocari, negavit Bartholomæus die altero tempus fore. Ergo ea adhuc nocte Sacramentis omnibus munitur, præsentibus Angelis duobus, & necessaria omnia adornantibus: inde B Virginis iconem complexus pientissimè expiravit. *Sod. Parth*. Sollicita est sancta Mater pro filiis suis. Tu filium te proba tantæ Matris; & morienti tibi non deerit.

*Juve:*



Aprilis.

1. **B.** Aloysius tria præ cæteris Iuventuti teneræ commendanda esse censuit. 1. amorem Castitatis. 2. Cultum B Virginis 3. Reverentiam & devotionem erga Ss. Eucharistiam. Singularia cujuslibet documenta dedit Iuvenis Angelicus. Castitatem servavit illæsam: Mariam coluit ut Matrem: Ss. Eucharistiam stupenda quadam reverentiâ prosequabatur. *Ex vita.* Imitare: Tria hæc tibi curæ & cordi sint. Examina, in quo emendatione opus sit.

2. Ioannes Barchmannus integerrimus ille adolescens morti proximus, tribus maximè rebus se delectari aiebat. 1. Quòd in Castitatem peccaverit nihil. 2. Quòd nullum deliberatum veniale admiserit; nec consuetæ pietatis exercitia omiserit. 3. Quòd totum se Superiori aperuerit, regendumque commiserit. *Ex vita.* O ingens moribundo tibi solatium, si eodem modo verè gloriari possis, & dicere: Castitas mea illæsa est: peccatum studui fugere: nunquam preces meas, nunquam sacra Mysteria neglexi: nihil non Confessario meo patefeci. In manu tua est, hoc tibi solatium procurare. Saltem ex nunc sic vivere statue, ut horum recordatio te in hora mortis consoletur.

3. Ger:

3. Germanus quidam adolescens impius æstivo tempore sese recreaturus in campos exiverat. Post confectum breve iter somnô obruitur, hæcque sibi allabi voces audit: Horrendum est incidere in manus Dei viventis. Hæc audiens totô animô territus ad B. Virginem, quam simul audire & coram intueri videbatur, confugit. Quòd dum agit, adest vox hæc altera: Putasne quòd ero similis tui? sudat ad hæc juvenis, pallet, quòd se convertat, ignorat: Revertitur ad Virginem, verùm & hæc vultum avertere visa fuit. Evigilans interea monitum cœleste amplectitur, vitam priorem Confessione expiat, novam eamque adeò sanctam exorditur, ut ab ipsa B. Virgine invisî & instrui mereretur. *Spec. Ex.* Disce timere; disce sperare. Time impendentem capiti vindictam. Horrendum est incidere in manus Dei viventis. Time & B. Virginem, si à peccasis non desistas. Avertit illa vultum à peccatoribus se emendare nolentibus. Refugium peccatorum est, sed eorum, qui converti quærunt. Conversionem auspicare cum juvene illo, & Patronam senties Mariam.

4. Adolescens Eremita cum seniore recitabat Officium. Speties somno obruebatur senior: septies abutum parabat junior, ut somno dare se posset: vicit se septies, nec  
nisi

nisi oratō Officiō recessit. Paulō post sedem in cœlo septem coronis illustrem parari vidi: Senior, quas Iuniori ob totidem victorias de somno relatas destinatas intelligit. *Ex vit. PP.* O quot tibi mense uno invides victorias, si in surgendo te vincere recusas. Nullam inertiae tuæ coronam parat dæmon; parat Deus victoriæ tuæ. Berchmannus datō ad surgendum signō vocari se à Deo credebat, & illico lectō se proripiens dicebat: Domine, quid me vis facere? Vocat & te Deus per regulas scholasticas aut Marianas, cur obsequi tardas? cur primitias diei dæmoni sacrificas? Rides jam ad ista, tanquam levia aut scrupuli essent; sed timeo ne aliud sit tuum in morte iudicium. Religioso alicui moribundo dæmon horam unam obiecit, quam licet sanus otiosō somnō perdiderat. Tibi quot quæso horas objiciet? Statue generosē te hac in re vincere.

5. B. Aloysius vocationem agniturus hæc egit. 1. Puritati vitæ magis ac unquam antè studebat, ut tantō facilius gratiam à Deo obtineret. 2. Septimanis singulis devotione maximâ SS. Eucharistiam suscipiebat. 3. Libros spirituales & Confessarium consulebat. 4. Opem B Virginis enixè implorabat, à qua etiam festō Assumptionis ante altare ejusdem orans, ad Societatem IESU perceptibili

ptibili  
mitare  
Res  
in te  
jam  
& gr  
est.

6.  
seph  
præte  
tæ te  
sermo  
vita.  
gini  
nare  
à B.  
propi  
obtin  
daciis

Ju  
dian  
turpi  
ritus  
dies  
invisi  
visum  
Ego  
quem  
nis pr  
ille: J



ptibili voce vocari meritus est. *Ex vita.* Imitare: Si necdum deliberaſti, age eadem: Res momenti maximi eſt vocatio. Si quod in te eſt, agis, Deus non deſerit. Si verò jam deliberatum eſt, conſtantiam poſtula, & gratiam id implendi, quod è ſalute tua eſt.

6. S. Hermánnus, jubente B. Virgine, Ioseph dictus ob mores longè caſtiſſimos, præter virtutes alias habuit, quod toto vitæ tempore mendacium nullum, nullum ſermonem minùs honeſtum protulerit. *Ex vita.* Rara laus, ſacratam Deo & B. Virgini linguam rebus ejuscemodi non inquinare. Non miror favores ſpeciales, quibùs à B. Virgine donabatur. Vis & tibi eſſe propitiam Virginem? ecce modum hoc obtinendi: Cuſtodi linguam: cave à mendaciis: à verbis indecoris.

Juvenis erat qui abominando cuidam ſcleri diu totum ſe dederat. Demum agnitâ ejus turpitudine, aterna damnationis periculo territus, Confèſſionem generalem peragit. Octo dies ſine peccato conſueto exigit. Inde plateam inviſit, ubi ſclerum conſors habitabat; Qua viſum adoleſcentem ſuaviter invitans ait: Ego illa ſum: non ſalutabis me? veni, loquemur tantum: exhibis ſine peccato. Juvenis primùm voces illas reponit: Ego non ſum ille: ſed victus tandem domum ſubit, conce-  
pto

ptō primūm firmō non peccandi propositō, paulatim verō fallacibūs inductus blanditijs statuit peccatum repetere: Surgit è loco in quo haſerat, peccatum patrat: & ecce! momento eodem terra inferne aperta miserrimum absorbet. Audita ſunt mox voces hæ: Maledicta hora, quā te noſſe cœpi! propter te æternūm perii. Otonelli Expaveſce! non luditur in cœlo Deus. Odit inconstantiam in ſanctē propositis. Diſce peccandi occaſiones devitare. O ut tu maledices hora illi, qua noſſe cœpiſſe os, per quos te abduci à pietate jam advertiſſi niſi nunc nefando conſortio maledicas. Time locum, time perſonam illam accedere. Ita propositis tuis, Ultor ſequitur à tergo Deus.

7. Monachiensis Sodalis Confeſſionem paraturus enixē obteſtatus eſt B. Virginem, hanc ſibi ut à Deo impetraret gratiam, quā illuſtratus peccata omnia ritē agnoſceret & conſiteretur. Oranti, cadens è ſubl mi ſchedula apparet, in qua occultum aliquod peccatum notatum erat: hoc jubebatur cum cæteris conſiteri, & pœnitentiam de eo agere. Patuit prodigium etiam ex eo, quod nullus præter juvenem illum legere potuerit peccatum in ſchedula illa exaratum. *Ann. S. 3.* Imitare. Confeſſionem paraturus ſolicitē invoca Virginem Matrem: adhibe diligentiam, ne peccatum ullum omittatur, majorem adhibe circa dolorem de peccatis.

Licet

Licet peccata levissima afferas in confessione, dolor tamen serius adsit necesse est. Hinc tragicum illud narratur de juvene, qui damnatum se æternum fuisse, apparens amico suo dixit; eò quòd venialia tantum peccata confitens non multum de dolore fuerit sollicitus. O studiose, disce, Confessiones singulas tanquam res momenti maximi tractare: nunquam eas nisi præmissâ debitâ præparatione perage; alias Remedium nostrum fiet Diabolo triumphus, ut ait S. Ambros. Horrendum est, quod S. Theresia dixit, nullâ aliâ occasione plures damnari homines, quàm confessionibûs perperam factis. Tu curam rei hujus posthac habe tantam, quantam salutis tuæ.

8. B. Stanislaus quàm rarum Innocentiæ, tam inauditum Pœnitentiæ exemplar extitit. Grave peccatum admisit nullum: pœnitentiam tamen eam egit, quàm à peccatore maximo vix expectares. Cilicia, flagella, jejunia, lecti asperitas quotidianæ ei deliciæ videbantur. Lacrymarum materia fuerunt sex menses, quibûs Vocationem suam tacuerat. *Ex Vita.* Si hoc iustus & innocens agit, quid mihi, quid tibi agendum? perit fortè, pro dolor! innocentia nostra! pœnitentia ubi est? Iungamus lacrymas: peccata præterita deploremus: contritionem sæpius eliciamus: mortificationes

ones amplecti non dubitemus. Grave tibi nomen mortificatio? gravius erit: discedite à me maledicti.

9. Genuæ Sodalis gravi affectus injuriâ primo æstu ultionem parabat: mox sanctiore cogitatione retractus templum subit, Crucifixo advolvitur, ejus amore hanc injuriam patienter ferre proponit. Alius lapides, quibus petitus per injuriam fuerat, ad Crucifixi pedes deposuit. Alius inimico ante mortem advocato condonat injuriam per vulnus lethale inflictam, dicens, velle se imitari morientem salvatorem suum. *Scd. Parth.* Quæ & quanta victoria! quid tu amore Crucifixi Iesu?

10. S. Hermenegildus Regno potius terreno se cessurum esse affirmabat, quàm fidem perderet, uti re ipsâ fecit. Daniel stylita à vita Sanctiore avocatus ait: Potius moriar, quàm retrorsum avertar. Alius Anonymus ad peccatum tentatus: si vel Tartara aperta viderem, insilire malle, quàm peccare. *Spec. Juv.* Ille Regnum, iste vitam, tertius & cœlum mavult perdere, quàm Dei gratiam, fidem, constantiam in bono. Quanti ista æstimas? quàm levis res est, quæ te à constantia avocat; ob quam Dei gratiam perdis! voluptas brevis, aut commoditas est, aut solatiolum è consortio, lusu &c. speratum. Pudeat stultæ aded com-

commutationis & mercaturæ.

11. S. Evergeisilus, postea Episcopus, nunquam repertus est de die nisi aut legens, aut orans, aut aliô modô laborans. S. Ludgerus lusus pueriles ut pestem vitabat; aliis ludendo se recreantibus, librosolvebat, aut precibus vacabat. Idem Berchmannus egit, addens: nullam rem æque vitare de-beo ac otium, tristitiam, familiaritates *Ex vita*. Imitare. Fuge otium. Pulvinar diaboli est. O quam Deo rationem dare cogitur studiosus de tot horis, quas indies otiosè consumit! de lusibus quid sentis? pestem vocabat S. Ludgerus, & innumerorum originem malorum. Experientia veritatem testatur. Lulibus vetitis cave assuescas; rues in peccata gravissima.

12. Tolosæ in Gallia juvenis ex frequentiori impiorum congressu mores induit longè teterrimos, adeò ut & ipse de Dei unitis existentia dubitare non horruerit. Exinde in scelera horribilissima lapsus est. Adultâ ætate in campum progreditur, deponit pileum, chlamydem exuit, stringit gladium, quasi singulari certamine hostem petiturus. Facinus audet, quod commemorari absque horrore non potest. Deum ipsum lingvâ nefandâ ad pugnam provocat; cum hoc, si quis in cœlo sit, congrédi statuit. Horret calamus blasphemias recensere voces. Fulmi-

D

na ex:

na expectasses, aut aperta tartara, aut si  
quid his terrificum magis. Aha omnia. La-  
bitur e cœlo schedula, in qua exaratae hæ  
voces erant: Misere mei Deus! legit Scri-  
pturam impius, & illico in alium mutatus  
intimis se præcordiis ad agnoscendum De-  
um placandumque moveri sensit: exoscula-  
tur millies literas, ponit genua, funditur  
in lacrymas, solvitur in gemitus, ingemi-  
nans unum illud. Peccavi: Misere Deus!  
Sic noctem totam exigit: Inde vitam im-  
piam expians, sanctam inchoavit; nullam  
abire horam passus, quâ non infinitam Dei  
in se bonitatem extolleret. *Pexen.* Verè ubi  
abundavit delictum, superabundavit & gra-  
tia. Misericordia infinita quem non ad  
pœnitentiam excitet? non desuere fulmina,  
quibus impietatem tuam mulceteret Deus,  
misericordia prohibuit. Huic laudes cane:  
huic gratias age: huic vitam, quam adhuc  
vivis, totam debes. Poterisne infinitam hanc  
Dei in te bonitatem posthac etiam offen-  
dere?

*Nostrâ* ætate in urbe quadam Germania ad  
locum supplicii eductus fuit Adolescens octo-  
decim circiter annos natus. Assueverat is jam  
à syntaxi peccato probrosissimo, quo ut secu-  
rius frueretur, alium rei conscium trucidavit:  
eò scilicet infelix paulatim delapsus fuerat.  
Memorabiles erant voces, quibus suam deplo-  
rabat



rabat miseriam, dum templum Societatis prateribat; paulo post carnificis manu occidendus: O. S. Ignati! clamabat, O quàm fidelia mihi quàm frequentia per tuos dedisti monita! O utinam iis obtemperassem! ah jam saltem ne me deseras. Ann. S. I. Casus tragicus totius urbis luctu & lachrymīs spectatus. Sed eò res delabitur, dum contemnuntur monita; dum adhæretur pravo consortio. Studiose lector, obsequere tot illis, quæ jam dantur, monitis: fuge consortia; ne sero nimis si non in hac, certè in altera vita cecitatem desleas.

13 Berchmannus hoc fecit indiesque renovavit propositum: Etiam parva magni faciam: etiam pro parvis defectibus magnas mihi pœnitentias injungam. *Ex vita.* Idem tu statue. Qui spernit modica, paulatim decidet. Noli dicere: leve est otium: leve quid somnus superfluous: leve quid irreverentia in templo. Leve quid fuit è quo æterna salus S. Theresiæ pendebat. Leve illud nisi cavisset, periisset.

14. Aloysius adhuc quinquennis inter milites versari coactus varios audit sermones liberiores, & ignarus eos didicit. Semel ideo a Moderatore reprehensus, & sermonum illorum malitiam edoctus, horruit innocens, & toto vitæ tempore ne vel verbum simile repetere auditus est, præterquam quod terribilem ideo pœnitentiam in

se suscepit, Idem erroris alicujus, quem tamen non admiserat, monitus flexis genibus deprecabatur, gratiasque pro monitione agebat. *Ex vita* O si pari animo superiorum monita exciperes, pari studio expleres! Noli ægrè ferre seu monita, seu minas, seu pœnas. Tuo bono sunt. Legi de Sodali, qui post mortem superiori antea suo apparens gratias eidem habuit, quod severius habitus fuisset, addens: se hac ratione à via damnationis abductum fuisse.

15. S. Stanislaus, postea Cracoviensis Episcopus, Timeo ajebat, concessa mihi talenta abscondere: statum illum eligam, in quo ea ad Dei gloriam multamque aliorum salutem impendere possim. *Ex vita.* Non absque causa hæc tibi talenta Deus concessit. Rationem exiget Deus: vide, ubi, aut quomodo impendere tutò eadem possis: indies Christum Eucharisticum alloquere verbis S. Pauli, quibus usus est Perusinus quidam deliberans: Domine, quid me vis facere? Audiit iste has in animo voces: Permite te dirigi. Et tibi dictæ hæ sunt: Permite te dirigi.

16. Anonymus Sodalis Dei Matrem sibi conciliaturus ante aram ejus Voto Castitatis se obligat: dein venam aperit, profluente cruore formulam voti sui exarat, eamque in Lipsanoteca, ceu sui in Mariam amoris

amoris monumentum conservat. *Lechn* Ad-  
mirare amoris Mariani ingenium; non imi-  
tare, nisi in hoc saltem, ut statuas rem B.  
Virginis maximè gratam, castitatem scilicet  
ejus amore illibatam conservare.

17. In Aragonia Sodalis dñum impiam  
ingressus, ut peccaret, vidit in angulo effi-  
giem B. Virginis: subito peccandi volup-  
tatem perdit & ad fæminam conversus: Quo-  
modo, ait, audes o propudiosa coram tam  
pura Virgine tam impura flagitia perpetrare?  
dixit, neque ullis blanditiis ad scelus moveri  
se passus est. *Sod Parth.* Tantùm valuit u-  
nus unius imaginis intuitus. Intueri tu to-  
ties potes B. Virginis effigiem, neque inde  
ad fugienda peccata incitari? eâ etiam in-  
spectante audes proposita violare? loqui  
turpia? otiari &c. quò aliquando eam o-  
culò intueberis? Cogita quæso: B. Virgo hæc  
videt; non audeo.

18. S. Hermannus dum alii ludo aut va-  
nitatibus aliis se recreant, ad templum a-  
bit, B. Virginis aræ advolutus preces per-  
solvit. Placuit hoc adeò Virgini pretiosæ,  
ut Hermannum sæpe ad lulum cum divino  
suo filio invitare, ejus paupertatem oblatâ  
semper pecuniâ levare voluerit. *Ex vita.*  
Rari favores initium sumpsêre ex una mor-  
tificatione; quâ recreationi se subduxit, tem-  
pus illud precibus dedit. O quos tibi fauo-  
res

res Virgo eadem exhiberet, si pari animo otium, & consortia suspecta fugeres; ad studia, ad pietatem te conferres. Imitare.

Juvenis quidam amore alea & ludi insaniens, vespere quodam ortâ inter socios lite, agebat pejerans, invadat me demon, nisi res ita se habeat. Mox cubiculum totum intremuit, & tetra umbra ante oculos sociorum oberans circum parietes, apparuit. Metu propè exanimis in terram cadit juvenis noster. Ad se rediens B. Virginem invocat, vota varia concipit. Nihilominus tetra effigies per cubiculum volitabat; cui crucifixi effigiem & sanctissima nomina apposuerunt omnes: fugam arripere non poterant. Ergo sic timore & pavore trepidi in lucem usque pugnant; tum enim audiô Angelica salutationis signô fatalis umbra evanuit. Attonitos omnes & prope exangues relinquens. Bonif. Non semper vana sunt pejerantium voces: Cave eas; hinc & lusus vetitos cave, quibus annexa semper scelerum multorum, præcipuè blasphemiarum, perjuriarum, mendaciarum catena. Hoc etiam observa: si larva unius stygia umbra tanto audacissimos illos implevit terrore, o quis sustinere poterit innumeras in styge terribiles vim formæ! Illa scilicet societas excipiet societatem pravam, cui iuvenes plurimi sunt impliciti. Monstra stygia si habere in socios horres, horre suspecta consortia.

19. Ingolstadiensis mortificandi sui cupidus cum cilicium non suppetere urticas & spinas ejus loco adhibet. Neapolitanus, uti & ante annos paucos Moguntinus, nonnisi cilicio indutus mori voluit. Antverpiensis Xaverianum factum æmulaturus, lumbos arctè funibus constrinxit. *Sod. Parth.* Ubi-que & semper in Sodalibus ardor sese mortificandi extitit. An & in te? an delicatula natura horret? Regnum cœlorum vim patitur: violenti rapiunt illud, non delicatuli. Cilicia, flagella, jejunia arma sunt, quibûs defenditur castitas, expugnatur cœlum. Quid ages deinceps?

20. S. Gregorius Nazianzenus ne jurandi consuetudinem contraheret, firmissimam sibi nunquam jurandi legem sanxit, votû etiam firmavit: observavit. *Ex vita.* Modus extirpandi consuetudinem est, votum devotionale facere ad breve saltem tempus. Utere hoc si serium tibi est te emendare; non tamen nisi de Confessarii consilio.

21. Moguntinus Sodalis erat, qui vesperi de more conscientiam examinans, & admis-  
sa per diem peccata detestans aiebat: o Deus, prævides fore tempus, quò te Deum meum vel semel adhuc offensurus sum; potius jam me permitte mori in gratia tua, quàm ut infelix illud tempus vivendo attin-  
gam. Ratum habere visus est Deus hoc pi-

iffimi juvenis desiderium: Pauculas post hebdomadas piiffimè moritur innocens *Ann.* S. J. Vitam minoris ducere ac peccatum; mori malle quàm peccare signum veri amoris est. Quanti tu peccatum facis? an paratus es mori potiùs? verbò dicis forrtal- sis; sed non factò. Si serium tibi est cur non fugis consuetudines illas, otium illudetur.

22. S. Ioannes Damascenus jussu Tyranni dexteram manum in defendendis imagini- bus occupatam amiserat: sed eandem am- putatam dum B. Virgini, coram cujus sta- tua orabat, exhibet, mirabiliter recipit sa- nam & incolumem: Quò motus prodigiò majore fervore Dei, & B. Virginis cultum promovit. *Ex vita.* Amat B. Virgo eos & prodigiosè etiam protegit, qui membra honori Mariano impendunt. Cui tu manum tuam impendis? an pietati an sceleri? taceo, quære conscientiam. Linguam cujus honori donas? pedes? oculos? examina te, & à Maria si vis protegi, noli membrâs tuâs a- deo probrosè abuti. Statue hodie emenda- tionem.

23. Oenipontanus Sodalis Cœtum Mari- anum more suo accessurus à focus aliàs ami- cis advocatur. Negat, ut par erat, hoc se fa- cturum. Minantur illi, nisi obsequeretur, a- mici loco non habendum esse ulteriùs: tum verò hic dignam Sodali vocem hanc pro- tulit:



tulit: Ergo tantò impensius Mariam colam?  
ut, si vos me deseratis illa me defendat.  
*Sod. Parib* Quàm vellem intelligerent hoc  
omnes & imitarentur! Imitare tu; desere,  
contemne amicitiam hominum si hæc haberi  
non potest aut conservari, nisi offendatur  
Deus, deseratur B. Virgo, aut aliquid ex  
utriusque cultu minuatur. Dei, B. Virginis  
amicitiam quære, adeundo sollicitè cœtus  
Marianos, fugiendo peccata, assistendo sa-  
cris &c. Unius Virginis amicitia plus tibi,  
ac universi mundi favor proderit.

24. Adolescens Machabæus alter è septē  
illis, de quibus scriptura habet, ad legem  
Dei violandam invitatus, propositis licet tor-  
mentis terrificis renuit inquit Antiocho:  
Rex mundi (Deus: defunctos nos pro suis le-  
gibus in æternæ vitæ resurrectione suscitabit.  
*Ex lib. Machab.* Constantiam hanc futuræ  
mercedis memoria impetravit Et tibi merce-  
dem eandem concedet Deus. Constans itaque  
esto in propositis.

*Adolescens sanctiorem vitam acturus cœno-*  
*bium intraverat. Accidit, ut cuculum crebrius*  
*extra cellam suam cantantem audiret. Vices*  
*interrupte vocis memorat viginti duas: ex his*  
*cotidem se annis victurum adhuc esse stultissi-*  
*mè auguratus! eja inquit: cur tanto me*  
*tempore mortificem? viginti annos deliciis da-*  
*bo; duos postremos Deo & pœnitentiæ. Dixit, &*  
*saeculum repetiit, nullo non deliciarum vetita;*

rum genere fruiturus. Verum ô fallaces impi-  
orum spes? Annos duos necdum expleverat, &  
justo Dei judicio in ipsis, quibus fruebatur de-  
liciis, morte repentina raptus ad eternitatem  
infelicem. Pexent Vade & longevos tibi annos  
pollicere; emendationem differ. Studiose forte  
& tu spe simili lactaris; cur enim alias liberè  
adeo viveres? mitte queso spem istam pessimam;  
qua jam innumeros deturbavit ad stygem.  
Spes ejus ait scriptura frustrabitur eum, &  
videntibus cunctis precipitabitur Multos tibi  
annos spondes, & quis scit, an vel unus su-  
perfit, fac autem superesse & multos: an di-  
gnus non est Deus, cui mille etiam annis ser-  
vias? Incerta est atas futura, elige quod cer-  
tum est; Jam vive bene; jam emendationem  
auspicare. Fortis licet & vegetus sis; nulla sa-  
tis magna securitas, ubi periclitatur æternitas.

25. Petrus de Morono sæpe sic matrem  
suam allocutus est: bonus Dei servus esse  
cupio. Sæpe B. Virginis statux adhuc pue-  
rulus advolvitur: sæpe Angelos habuit in-  
structores: si quid puerili more cum sociis  
peccaverat, ab iisdem Angelis suaviter cor-  
reptus procul ab errore illo repetendo ab-  
fuit. Ut pericula peccandi fugeret, eremū  
petiit: tentationes castitati adversas ciliciis  
& jejuniis oppressit; ideòque ab Angelis  
frequenter alloquiō & cibis recreatus. Spec.  
Juv. Innocentia, amor castitatis, odium  
peccati

peccati B. Virginem & Angelos tibi conciliant. His stude hodie præsertim.

26. Ingolstadii Sodalis æger Religionis votum concipit. Redditus mox sanitati implere tardat. Sub mensis initium in schedula Patroni Menstrui hæc ei obtingit sententia: Quid tardas ipsum, quem jam dudum conceperas spiritum parturire salutis? quomodo vivere audes, ubi mori non audes! tibi hoc dictum ratus votum implet, Religionem ingreditur. *Rösignol.* Imitare in hoc, quæ tibi obtingit sententia, divino obtingit consiliò. Eam imple. Displicet Deo tardare in implendis propositis. Quære etiã ex te, an mori in statu hoc velis? si non? quomodo in eo vivere audes?

27. Dilinganus Södalis ad comedendas die prohibito carnes invitatus, memor divinæ legis fortiter renuit. Dicenti verò alteri, rem parvam esse, respondit: nec sanè pomum grande fuit, ob cujus esum primæ parentes paradiso expulsi sunt. *Zechm.* Nihil scilicet levi censuit contemnendum, cum è levi etiam sæpe gravissima oriantur. Cave, cave unquam inducas in animum leve quid esse, quod à Deo prohibitum est. Ad interitum rectà tendis si levia contemnas.

28. Iosaphat Regis Indorum filius gravissimè contra Castitatem tentatus, antequam consentiret, deliberabundus hæsit: ad ora-

D6

tionem

tionem confugit: mox sopore opprimitur: obicitur ei in somno è parte una hortus amœnissimus omni deliciarum genere plenus; ex altera barathrum infernale: expectatus omnem turpitudinis voluptatem advertit extinctam. *Damasc.* Infernus in somno repræsentatus adolescentem hunc à peccandi proposito maximè absterruit; ferro duriores, si iste te non moverit. Ut ut vehemens sit tentatio ad peccatum quodvis, cogita tartara certò subeunda: & peccati voluptas evanescet. Time tartara!

29. In Hispania juvenis vitam omnibùs sceleribùs contaminatam vixerat: eò impietatis delapsus, ut id studiosè ageret, quod Deo maximè displiceret. Nullam ille cogitationem de vita in melius mutanda suscipere, nullam sustinere monitorem, nullam cœli aut inferorum mentionem ferre. Toto impetu ruentem ad Tartara, Mater misericordiæ sustentabat, pauculùs impii obsequiis (quotidianâ salutationis angelicæ recitatione) devincta; uti ipse postea fassus est, nihil à se aliud sanctum piunique factū esse. Maria igitur de nocte quiescenti impio apparet, conjectisque in eum oculis admirabili modestiâ, & miserationis affectu plenè interim evanescit. Ex uno hoc oculorum perstrictu totam vitæ præteritæ rationem clarè adeò distinctèque perspexit, ut

ex

ex peccatis numero, & gravitate penè infinitis, ingentem & animo dolorem, & oculis fletum cieret! Confusionem & pudorē generosē vincens primo mane sacerdotem adit, peccata vitæ totius in ejus sinum, & aures deponit, mirabile exinde solatium hauriens, vitam totam in laudanda Matris Virginis, Deique optimi clementia, consumpsit. *Ann. S. J.* O illos tuos misericordes oculos, & ad te convertat clemens, pia & dulcis Virgo Maria! roga, ut id faciat. Si jam fecit, gratias age; & matri clementissimæ totum te offer ut mancipium. Nullus abeat dies, quo eam invocare & honorare non fatagas.

30. Adolphus adolescens in primo flore moriturus, horrendas patiebatur in suprema illa hora angustias: ergo ad B. Virginem quam in dies antea coluerat, conversus, ferventissimè ejus opem inclamat. Adfuit illa, & suavissimīs verbīs eum compellans aiebat. Adolphe quid times? mater tua sum. Cessit timor omnis, quietissimè exspirat. *Man. Sod.* O voces amabiles! Mater tua sum. Desideras eas aliquando audire mi studiose? esto jam Mariæ filius, & erit illa tibi mater. Filius honorat matrem, abstinet ab iis quæ displicent matri. Hoc fac: abstine ab illa consuetudine &c. Erit mater tua; Morieris felix.





# Majus.

1. **J**Oannes Berchmannus notæ innocentiae adolescens, sub cujusvis mensis initium diem sibi elegit, quem totum sacrae Recollectioni dabat; examinans vitam elapso mense actam; notans, quæ sequenti mense vitanda, quæ agenda forent; quæ devotiones persolvendæ; renovans fervorem erga B. Virginem & Sanctos. *Ex vita.* Si ullum est salutis medium, quod præter alia commendatum tibi cupio, hoc certè est. Utere illo, fructus existet ingens. An nimium est diem unicui mensis Deo dare & animæ?

2. Idem piissimus adolescens duo sibi studioso spectanda esse asserbat: primum, ut proficeret in virtute; alterum ut in literis. In duo hæc toto animo incubuit. *Ex vita.* Imitare. Væ tibi, si relictis istis quæ nescio alia moliaris. Quam Deo rationem dabis, qui alia omnia spectas?

3. Anonymus Sodalis anno ætatis quinto in scelus aliquod lapsus fuerat. In eo ad decimumoctavum usque hæsit infelix: emendationis consilium omne abjecit. Suasit ei interea sacerdos quidam, ut B. Virgini se indies commendaret. Fecit quo potuit affectu. *Secuta est emendatio admirabilis;*  
Fastus

Fassus postea fuit sacerdoti, totum hoc se B. Virgini debere. Ex quo enim, aiebat, venerari B. Virginem cœpi, & medicinam pro consuetudine mea rogare, adverti homines illos, quorum consuetudine gaudebam & scelere, mei planè pertælos. Consortiô hoc liberatus facilè consuetudinem emendavi, peccata ritè confessus constans permansi. *Ann. S. J.* Ecce emendari potest consuetudo, licet diuturna; modò adsit voluntas seria. Cole B. Virginem; eam roga, ut scelerum tuorum agnitionem impetret & horrorem: Orationi laborem iunge & conatum. Hæc si negligis, quam aliquando excusationem afferes ad tribunal iudicis?

4. S. Rupertus principum sanguine oriundus, intelligens, quanta è pravo consortio damna orirentur, statuit B. Alexii exemplo domum paternam deferere, in qua necessariam cum aliquibus conversationem timebat. Placuit Deo servandæ cura innocentiae. Contentus enim pio juvenis consilio maturâ & suavi morte tot periculis eum exemit, atque ad securitatem beatam evocavit. *Spec. Juv.* In hoc imitare. Fuge consortium suspectum. Actum est de innocentia tua, si in hoc negligens es. O quæ audivisti! quæ locutus es! quæ didicisti aut fecisti, quorum ne cogitatio quidem à te fuisset habita, si à malo

à malo illo socio abfuiffes. Sape damno tuo.

5. B. Fanciscus Regis S. I. nunquam vel leviter in lubrica licet ætate primâ mentitus fuit. Tanti autem mendacium leve æftimabat, ut cuidam Domino diceret: Domine, nec pro totius mundi bono oportet vel leviter mentiri. *Ex vita* Impetret utinam tibi sanctus ifte tantum peccati hujus & ejusvis alterius horrorem! O quantillum eft sæpe, cujus gratiâ non unum, fed plurima proferre audes mendacia. Et utinam non ut leve quid ea contemneres! Alius Sanctorum fenfus hæc in re extitit. Imitare, & ex hodierno die novum concipe propositum mendacium etiam leviffimum ferio fugiendi.

6 Septimus è Machabæis illis parvulis heroibus à matre animatus, ut cœlum refpiceret, mercedem constantiæ cogitaret; fortiffimè renuit obfequi Tyranno impio ad violandam Dei legem inducere volenti. Voces ejus erant: Non obedio præcepto Regis, fed præcepto legis, quæ data eft nobis per Moysen: Tu verò (fic Antiochum allocutus eft) qui inventor omnis malitiæ factus es, non effugies manum Dei. Nondum omnipotentis & omnia infpicientis Dei judicium effugifti. Pari animi magnitudine mortem obifti. *Ex L. Mach.* Constantiam difce, quâ refiftere debeas fociis ad peccatum te invitantibus, aut dæmoni tentanti. Verba ulti-

ma attende, quibûs se parvulus Heros excitabat, memoriâ scilicet præsentis ubique, omnia videntis, omnia punientis Dei.

Studioſi duo magna interſe familiaritate conjuncti vivebant: quorum alter detracti-  
bus mirum aſſuetus, varias variorum nomini-  
bus maculas aſperſerat, quin eas delere denuo  
laboraret. Morbo fatali proſtratus nullam  
pœnitentia mentionem fieri voluit, ſed infelix  
nullô ſacramentô munitus è vita migravit.  
Paulo poſt, ſocio ſuo apparens aternùm ſe da-  
mnatum eſſe aſſeruit, eo quòd multa anima,  
quarum fama detraxerat, coram tribunali  
divino vindictam petierint & ultionem; qua-  
rum vocibus commotus divinus judex aterna  
tulerit damnationis ſententiam Flor. Exemp.  
Breve, ſed revera tragicum exemplum. Time  
tam noxium, quàm familiare vitium detra-  
ctionis. Sed & intellige, quos aliquando accu-  
ſatores habiturus ſis coram tribunali divino.  
Anima illa. quas jam ſive verbò ſive exem-  
plò ad peccatum inducere non exhorreſcis, ô  
quam vindictam à juſto judice petent! ille,  
ille erunt qui adverſum te inſurgent, contra  
te clamabunt, te ad ſtygem depoſcent. Time,  
obſecro, dum vivis, time alium quovis modo  
ſeducere. Vox Dei eſt: ſanguinem ejus de  
manu tua requiram. Res tremenda eſt, alium  
ſeducere.

7. S. Caſimirus rariſſimum virtutis omnis,  
quam

quam in juvene deiderat Deus, exemplar  
duo habuit media, quibûs impetravit, ut  
inter Regales delicias : sic Ecclesia loquitur)  
& mundi illecebras illæsus persisteret; con-  
stans nempe mortificationis studium; con-  
stantem B. Virginis cultum. Hanc in dies  
manè colebat hymnô illô à se compositô:  
Omni die dic Mariæ &c. huic se commenda-  
bat in dies. Hunc imitati sunt innumeri.  
Berchmannus in dies formulam Marianam  
renovabat, ut & pium erga B. Virginem  
animum testaretur, & ejus præsidium in  
tentationibus exoraret. Oenipontanus qui-  
dam manè excitatus frontem signabat cru-  
ce, ne quid cogitaret nisi de Deo; labia,  
ne quôd loquerentur, quo Deus offenderet-  
tur; pectus, ne amaret nisi Iesum & Mari-  
am. *Ex vita & Ann. S. J.* Sic manè mu-  
niti Sancti & Pii juvenes in Arenam pro-  
grediuntur, feliciter cum dæmone pugna-  
turi; quia tanto confisi patrociniô. Imitare.

8 Fuldæ Anno 1608. Adolescens memo-  
riæ parum felicitis, suadente ita Magistro ad  
B. Virginem confugit, vota in ejus honorem  
varia concipit; & ecce breve intra tempus  
non sine aliorum stupore miram memoriæ  
felicitatem expertus est, & progressum in  
scientiis. Velokirchensis quidam studiosus  
dum studia nil quidquam sibi è voto suc-  
cedere advertit, pudore actus & desperati-  
one

one in campum egreditur, dæmonem Orco evocaturus, ut ferret auxilium, quod aliunde non suppetere videbatur. Iam in campo comparuerat, jam locum sceleri idoneum quærebat: cum ecce hæc repente adest cogitatio: Cur ad Mariam te non confers? hæret ad hoc nonnihil, & interno actus spiritu ad urbem redit, Confessario rem exponit, B Virginem implorat, à qua quem optabat progressum brevi obtinuit. *Ann. S. J.* Præses studiosæ juventutis, sedes sapientiæ est Maria: hanc in studiis invoca. Laborem orationi junge. Exaudiet te, nisi salus tua aliud postulet.

9. B. Aloysius in minimis etiam rebus se vincere laborabat. Hinc florem vel aliud odoriferum quid nunquam manutenere notatus fuit, Cibos delicates aut ne tetigit quidem, aut studiosè amariores reddebat: pharmaca tardè sorbillans sumebat, ut tantò diutius sua esset gustui molestia *Ex vita.* Sic sancti in omnem occasionem Deo placendi, suamque augendi gloriam intenti sunt. An similes tibi occasiones desunt? quid illa florum, illa odorum vanitas? An bolum unum alterumve magis arridentem gustui prohibere res dura nimium? Hodie vide, qua in re te vincas.

10. S. Petrus Damiani consideratâ honorum, quos sibi parari viderat, vanitate sic secum



secum: Quid ago? an ego caducis his & perituris perpetuo inhæream? quin potius iis valedicens sola cœlestia sector? B. Stanislaus S. I. ideo mundum à se deferi, Religiosum verò statum eligi aiebat, quia solatio esset recordari in morte, quod desertis mundi gaudiis Deo fideliter servierit; cum simile nihil ab obsequiis mundo præstitis possit expectari. *Ex vita.* Quousque vanitate mundanâ delectaberis? An non tempus est, ut ei valedicas, & divino te mancipis obsequio? Agnosceres hoc utinam & expenderes! quælo te, responde: Quale tibi erit solatium, si recorderis aliquando deliciarum, fortè etiam cum Dei offensa quæsiturum? Si cogites obsequia mundo & hominibus præstita quale solatium? Timeo, ne cum illo Caroli V. famulo ingemiscas: O me infelicem! cur tot annos mortali Domino servivi! O utinam Deo meo servissem fidelius! Studiose mi: Stanislaum imitare, ea jam age, quæ tibi in hora morris possint esse solatio.

11. Divionensis quidam Sodalis grave peccatum in Confessione diu tacuerat. Adesse ei in somnis visus est dæmon jamjam rapturus ad inferos: tum æstulare miser & opem anxius circumspicere. Offert se illi B. Virgo, & periculo liberat, eâ tamen lege, ut peccatum quantocyus confiteretur,

& 11b

& ab eo deinceps abstinere. Sancta omnia promisit & fecit, totus j'm factus ad nutus liberatricis suæ. *Lechn.* Tu ubi esses, Studiose mi, nisi Mariana clementia te servasset. Benedictæ cuidam Florentinæ dixit B. Virgo: Filia, multi sunt damnati, qui minus peccaverunt, ac tu; imò qui unicum tantum peccatum perpetrarunt. Et hodie, aiebat, miles ob primum contra castitatem peccatum damnabitur: damnabitur & civis in filiorum correctione negligens: damnabitur Parochus in suorum instructione piger: duæ item ex scelerum sociabus hodie à dæmone trucidabuntur. Quin & Puer octo tantum annos natus hodie ob peccatum turpissimum submergetur, damnabitur. Sic B. Virgo locuta est. Expende hujus in te clementiam, & gratias age. Verum vult illa, ut peccato illo abstineas. Quid ages?

12. S. Tiburtius Martyr in Christianum hypocritam sic investus est: Hunc tu Christianum credis, qui caput ornat superbius; scapulis molliter gestit; qui fluxum gressum improbo visu distendit; qui scæminas intuetur curiosius? nunquam tales pestes Christus dignatus est habere servos suos: Christum imitari, Christianum esse est. Ego imitabor, ut Christianus sim sic ille. Imitatus etiam fuit tum vitâ sanctâ, tum morte generosè obitâ pro fide. *Spec. Juv.* An Christianus es,  
 Studiose

Studiōse mi? an? socialis magnæ Virginis?  
Hodie quære conscientiam tuam. Vide qua  
in re Christum aut Virginem Matrem imi-  
tari posthac velis.

In Aragonia juvenis à vita impia abductus  
domum impiam à Confessario prohibitam acce-  
dere ausus est. Vix primo in limine pedem fi-  
gere cœpit; quo nescio pacto testam corruit,  
juvencem gravissimè lasit. In valle Arnen-  
sichorearum & lusuum petulantia per Missio-  
narios fuerat coercita, & præpè sublata juve-  
nis nonnemo eam denuo sui similibus die quo-  
dam persuasit. Temeritatem secuta est eo ad-  
huc die mors, inimici manu illata. In Urbe  
Panamensi fuit, qui è via salutis, quam te-  
nere cœperat, ad scelera reversus. sapius à Con-  
fessario, ut caveret, monitus est. Interroga-  
tus ab hoc semel, quo loco res ejus essent?  
respondit mendax: optimo. Necdum elapso de-  
in octiduo in ejus ipsius persona, quacum im-  
piè vixerat, sinu, animam scelestam evomit.  
Ann. S. I. Duo disce. 1. Non vana semper  
sunt Sacerdotum monita, non irrita mina.  
Contemptum vindicat Deus, cujus Vicarios  
agunt. Et audebis posthac repetere domum il-  
lam, occasionem à Confessario interdictam?  
audes consuetudini illi turpi inherere? Time!  
sudor ille Concinnatorum, Confessariorum la-  
bor, Magistrorum cura vindictam clamabit  
contra te. Neque voces has contemnet Deus.

2. Abomi-

2. *Abominatio est coram oculis Dei homo à vita sancta ad impiam reversus. Qui transgreditur à iustitia ad peccatum, ait Scriptura, Deus paravit eum ad rompheam, hæc est, ad vindictam, ad tartara. Habes cur timeas, si ex eorum numero es, qui facta vix Confessione ad ejurata modo peccata revertuntur. Pepercit tibi hætenus Deus, & tot pepercit vicibus: dedit veniam: fortè, cum primum peccabis, in furore te puniet.*

13. Dolanus quidam sodalis morbô per septimanam domi tenebatur. Aderat dies, quo Sodalitas consueta celebrabatur. Tum ille: Egone, ajebat, cæteris ad colendam Virginem confluentibus hic decumbam & otia labor iners; hæc dicens vires colligit, surgit, ad cætum Marianum abit, morbô omni liberatur. *Sod. Parth.* Placuit B. Virgini fervor in adeundo cœtu Mariano; displiceat igitur necesse est tepiditas. Ne dubita, gressum omnem remuneratur Virgo. Ex dæmonis sensu loquitur, qui cætûs Mariani accessionem dissuadet. Lovanii certè cum Sacerdo, quidam dæmonem in obsessio adjuraret, ei; Mariano nomine armatus liberè insultaret; sic ex obsessio dæmon loqui auditus est. Nimis tu quidem audax es: nimios tibi spiritus Domina tua (B. Virgo) facit, quod ei duodecim annos servieris. Scio tamen, quod anni septem sint, cum tu voluisti

luisti excedere Sodalitio: & utinam fecisses!  
Ecce quid optet, quid suadeat dæmon:  
Non suaderet, nisi sibi proficuum, homini  
noxium esse sciret.

14. S. Gregorius Nazianzenus studiis va-  
cans teste S. Basilio, duas tantum notas ha-  
buit vias, unam ad templum, ad scholam  
verò alteram. *Ex vita.* Aliæ utinam viæ  
tibi ignotæ essent; præcipuè illæ, quibûs  
itur ad cauponas, ad domos suspectas, lo-  
ca illieita, consortia mala; hoc est ad pec-  
catum, ad perditionem, ad Tartara. Lata  
est hæc via: multi ambulant per eam, hinc  
multi pereunt. Tu fac declines à semita e-  
jusmodi, cujus novissima ducunt ad in-  
teritum.

15. S. Richardus postea Episcopus à va-  
nis & ludicris spectaculis adeò abhorruit,  
ut nullis sociorum precibus ad ea se deduci  
passus sit. Tantò autem ferebatur discendi  
desideriò, ut nullam ferme corporis curam  
haberet, cætera neglexisse omnia videretur.  
*Ex vita.* Duo habes, quæ imiteris. 1. Pro-  
fana spectacula cave accedas. Rarò absque  
læsa conscientia reditur. Experti luxerunt  
multi. Alipius, teste S. Augustino, specta-  
culo uno totus à se mutatus domum rever-  
sus est. 2. Studiis animum seriò applica.  
Exigit hoc vocatio tua: exigunt Parentum  
sumptus. Time terribilem quam Deus exi-  
get,

get, rationem. Vindictam clamabit Superiorum labor, Parentum cura & sumptus, vindictam petent innumeri alii, qui hac occasione melius usi fuissent, si eis concessa à Deo extitisset.

16. Recineti sodalis ab inimico pessimè mulctatus, licet hortarentur alii, ut vindictam sumeret, id tamen constanter recusabat. Præsidi ajebat: fuit vehemens animus ulciscendi, sed una Dei Matris charitas me retinuit. Huic ego injuriam dono: exuo apud te ferrum in conciliatæ gratiæ signum, & contemptæ ultionis indicium. Alius Valisoleti similem passus injuriam, sic secum loquebatur, sceleribus meis graviora debentur; interim hoc feram. Marsalensis saxum jam sustulerat, ut illatâ injuriam ulcisceretur: cum hæc occurrit cogitatio: Christiani officium est accipere potius, quàm facere injuriam. Mox pedibus inimici advolvitur, eosque exosculatur. *Sod. Parib.* Quæ tua est in rebus levissimis patientia? non is certè es, cujus sceleribus graviora non debeantur. Patere ergo quæ occurrunt levia. Primum juvenem divinæ Matris charitas retinuit à vindicta. Retineat & te à peccato illo.... à consuetudine illa & domo... si vehemens est tentatio, B. Virgini hanc dona victoriam. Tertium Christiani officii memoria movit. Quid non efficeret in te

cogitatio



cogitatio hæc: Officium Christiani. Studi-  
osi, Sodalis, aliud requirit: aliud exigit offi-  
cium hominis, qui vel unius peccati gravis  
à se admissi meminit. Hæc cogita, dum  
tentaris ad otium; ad consortia, ad peccatū.

17. S. Stanislaus & B. Aloysius Patrum  
suorum cæcitatem sæpe doplorabant: Ille  
quidem, quòd Patrem haberet pulus de  
propagatione stemmatis, ac cælo & salute,  
ut videbatur, sollicitum. Iste, quod peritu-  
ra æternis anteponi, multum temporis lu-  
dendo perdi à Parente suo, videret. Uterque  
varias in se mortificationes suscepit, ut Di-  
vinam averteret iram, & aliam à cælo  
mentem obtineret. *Ex vita.* Deplora & tu  
non tam aliorum, quàm tuam ipsius hac  
in re cæcitatem, Statue salutem tuam cu-  
rare ferventiùs: de præteritis autem Con-  
tritionem frequenter elice.

18. S. Antonius postea Abbas audiens ex  
Evangelio illud Christi: Si vis perfectus esse,  
vade, vende omnia, quæ habes, & da pau-  
peribus, & sequere me. Sibi hoc dictum  
putans abiit, & ad literam Christi volunta-  
tem implevit. *Spec: Juv.* Quod in Concio-  
ne, in Evangelio, in monitionibus audies,  
tibi dictum puta illud implere satage.

*Thomas Cantipratanus refert fuisse adole-  
scentes duos Studiosos, qui non modò corre-  
ctiones Magistri detestabant, sed & alios ad*

inobedientiam & consueta alia vitia instigabant. Cum ecce tibi! congregatis vice quadam omnibus in medio schola demon apparet; truci-que vultu in binos illos adolescentes insurgens, virgâ, quam manu tenebat horrificam, mortem eis intentans evanuit. Impii duo pavore in rabiem acti post dies pauculos obierunt, experturi supplicium longè tetrius, & quidem sempiternum. Dauro!t. Fidemne apud te invenit historia hac? Audi quid author hanc narrans subjungat: Ex his, ait, Scholeres nostri Divinum advertant iudicium, Magistris suis discant subesse; discant correctionem meritam non recusare; ne eis contingat sub virga ferrea postea vapulare. Ita ille. Contemnis tu proculdubio insolentias tales, aliaque in scholis perperam fieri solita: non contemnis Deus. Vindictam hic sumet de injuriis Magistro illatis, de execrationibus, quas in eum evomis, dum fortè necessariam correctionem adhibet; de insolentia aliisque similibus. Disce jam correctioni humane te subicere, ne subjici cogaris Divina. Quam Magister adhibet correctionem amor salutis tue, non verò ut dicis, odium aut aversatio extorquet. Erit dies, cum videbis, pter te plus dilexerit, an Magister errores tuos clementi severitiâ corrigens; an parens tuus a-ut tua, errores crudeli clementiâ condonans.

19. B. Stanislaus terrena omnia generosa mente fastidjens, solum fini ultimo obtinendo

btinendo intentus, sæpe exclamabat: Non ad terrenâ, sed æterna natus sum: his vivam. *Ex vita.* Imitare: Animum tuum sæpe ad cælum eleva: illuc labores tuos scholasticos dirige, illud spectet deliberatio tua.

20. Thomas Kempensis à teneris B. Virginem ut Matrem venerabatur indies. Paulò post fervor iste multum remittere cœpit & languere. Nocte quadam dormienti hæc offertur visio: Media in schola sibi cum cæteris versari videbatur. Delapsa cælo Virgo Sanctissima suavissimo vultu singulis arridens, tenerrimè unum ex alio amplexabatur. Patrem & sibi favorem pollicitus est Thomas. Sed ad hunc cum Virgo respiceret, severa hac voce eum compellabat: Frustra meum tibi complexum spondes, qui consuetudinis pristinæ immemor nihil fervoris pristini retines. Quo abierunt preces illæ tuæ? ubi fervor? ubi pietas, quâ me ut Matrem colebas? dixit hæc, & averso atque indignante vultu discedens, addit: Abi, & tali te solatiò indignum scito. Vidit hæc Thomas in somno, & ad se reversus toporem excussit, mundo valedixit, priore fervore B. Virginem coluit, vixit sanctè, sanctè mortuus. *Ex vita.* Si B. Virginis favorem frustra expectat ille, qui tepidus solum in cultu ejus deprehenditur, quid ille speret, qui offendere etiam audet toties; toties membra

in ejus honorem oblata quo nescio modo inquinare? Renova fervorem tuum: peccata fuge, ne morienti tibi dicat: Abi; auxilio meo indignus es.

21. B. Franciscus Regis contubernales suos ad frequentem libri spiritualis lectionem permovit, etiam tempore prandii; ne sermonibus aliis locus esset. Berchmannus indies mediam horam dedit Lectioni sacrae; qui conversionem suam adscripsit lectioni vitae B. Aloysii. *Ex vita.* O si tua à te hoc impetraret utilitas ut diebus Festis saltem & Dominicis quadrantem unum rei adeo sacrae impenderes. Quantum quæso temporis datur legendis fortè iis, quæ nec utilitas approbat, nec castitas! tempus deesse diceres? Francisco non defuit: mille aliis non deest hodieum? quin nec tibi pro lusu, pro ambulationibus deest. Scilicet vacat tibi, ut Philosophus sis, non ut Christianus; ajebat S. Paulinus. Vacat tibi, ut ludas, ut otieris, garrias etiam impia; ut animam cures, non vacat. Sed quid ad hoc conscientia tua? A Francisco etiam discce cautus esse tempore prandii in loquelis.

22. S. Rembertus postea Archiepiscopus Bremensis pueriles omnes lusus devitabat, & mirâ modestiâ omnibus præluens eo legitur jam primis annis incubuisse, ut ad mortem sanctam se disponderet. *Spec. Juv.*

An præmatura hæc tibi cura videtur? Er-  
ras, Studiose mi: semel morimur: tota vi-  
ta præparatio esse deberet ad negotium hoc  
momenti maximi. Vivis fortè, quàm ne-  
scio longævam tibi ætatem promittens, &  
præparationem pro felici morte in futuros  
annos differens; & quis novit, an non an-  
nus postremus tibi fluat? quam tibi mor-  
tem spondes? Fuit juvenis, qui vanitati to-  
tus immeritus, dum die quodam vestes in-  
duit amicos visitaturus, repente apoplexiâ:  
tactus expiravit hoc unum ejulans: Misella  
anima quò ibis? Quo ibit tua, si nulla adsit  
præparatio? Obsequere quæso: sollicitus esto  
pro hora mortis: sæpiùs jam elice actus,  
quos tunc optas elicere, ut iis assuescas.  
Agitur tota æternitas tua.

23. Mexicanus adolescens inter Sodales  
adlegi rogabat. Distulit diu Præses; demum  
ait: Non decere inter Sodales spectari cin-  
cinnatulum (Vanitatem in cincinnis nutri-  
verat adolescens) mox ille: si hoc unum  
obstat, facilè, impedimentum tollam. Tum  
flectit genua cincinnos tantopere dilectos  
refecat *Sod. Parth.* Hoc egit, ut totum se  
Virgini consecraret Nihil superesse voluit,  
quod signum esse posset, se necdum perfe-  
ctum esse B. Virginis famulum. Tu inter  
Sodales es adlectus, multa fortè habes & a-  
gis, quæ Sodalem dedecent. Reseca: ejice,

Quid illud? fortè liber illicitus; cantilena; familiaritas cum altero nimia. B. Virginis Sodalis non es, si hæc à te non projecis. Quid verò ad factum Mexicani sæculum nostrum? ridet, nunquid risus aliorum & dicteria non sibi curanda censuit Sodalis? & bene. Miser es & æternùm eris, si ex aliorum dicteriis & dictaminibus vitam instituas. Contemne. B. Franciscus Regis, dum ludentibus aliis ad templum abibat, ut scrupulosè anxius ridebatur: Turbari se non passus est. Quid Deus dicat & sentiat, vide; non quid mundus.

24. Anonymus quidam pertinacem adeo in scelere quodam consuetudinem contraxerat, ut monenti Patri spirituali diceret: Pater, si reseratos ante me inferos viderem, abstinere peccato hoc non possem; tantùm me vis acerba trahit. Ubi verò Patris consilio obsecutus frequentius sacra Mysteria obire cœpit, & B. Virgini se indies commendare, tantum sceleris ejusdem horrorem in animo suo sensit, ut diceret: Pater, si apertam ante me stygem cernerem, & eam peccati hujus admissione declinare possem; in stygem insilire mallet, quàm horrendò adeò flagitiò Deum denuò offendere. *Ann. s. J.* Ecce paravit Deus media, quibus peccati horrorem concipere possis & conservare; tuum est ea amplecti.

*Evoca;*

Evocabatur à Patribus nostris nonnemo ac-  
moribundum adolescentem; advolat confestim,  
sed jam funus exanime reperit. Ergò ad pre-  
ces pro defuncto fundendas cum presentibus  
convertitur. Vix inceperant preces persolvere,  
moveri in lecto cadaver, levare in altum caput,  
tragicâ & horrifonâ prorsus voce hac verba  
intonare: Heu quàm gravi errore deceptus  
sum! atque hoc alterâ, & tertiâ vice factum  
est; quo presentium horrore quis exprimat?  
Quid verò illud fuerit, in quo deceptus sit,  
certò sciri non potest. Existimat Author hæc  
referens, deceptum esse adolescentem hunc in  
eo, quòd modica & familiaria adolescentibus  
vitia contempserit ut levia, exinde ad graviâ  
ora deductus, perierit. Seelham. Oô si tantum-  
unius hæc essent in inferno voces, Studioforum  
plurimorum esse eas credo: utinam utinam non  
sint aliquando tuæ! hac si horâ moriendum  
esset, an non ingemisceres, heu quàm gravi  
errore deceptus sum! credidi levia esse quæ ad-  
misi peccata; otium, segnittem, jacturam tem-  
poris, &c. heu quàm gravi errore deceptus  
sum! credidi fore tempus quo Deo servirem  
sanctius, hinc hætenus adeò fui inconstans: sed  
ohu!

25. S. Emericus nullò se negotiò impe-  
diri passus est, quin officium B. Virginis in  
dies persolveret. Huic ut similior fieret:  
Virginitatem ardentissimè coluit, Coactus  
Es. inire



finire nuptias, finito nuptiali epulō ad templum se confert, consuetum B. Virginis Officium recitaturus. Ubi ad verba illa pervenit: Tota pulchra es amica mea: Videt præsentem miræ pulchritudinis Virginem duobûs stipatam Angelis, quæ sic eum allocuta est: Si aded pulchram me fateris, cur alteri me postposuisti? cur amores divisisti? nunquid desideris tuis non sum dignior? Ad hæc Emericus: Fateor, ajebat, pulchrior es, erravi: pænam merui. Sed quid agam? Reposuit Virgo: Si animus tibi non deest, amore mei nuntium illi, cum qua tibi res est, remitte. Obedit Emericus, aulam & sponsam deserit, Italiam petit, vitam monasticam amplectitur. *Spec. Juv.* An non idem tibi Virgo justius exprobet? cur me alteri postponis? cur amorem dividis? præ Maria placet tibi socordia, tepor, amicitia prava. Quid ages? agnosce errorem: Deo & Mariæ famulare. Observa illud: Nuntium ei remitte, si animus tibi non deest. Nuntium remitte illi otio, illi consuetudini, illi.... si animus Marianus non deest..

26. B. Aloysius acceptō mortis nuntiō lætus exclamabat: Te Deum laudamus! Imus lætantes! cupio dissolvi. *Ex vita.* Sic loquitur conscientia bona. Huic cœlum patet. Nemo, nisi tu tibi. cœlum claudere potes. Vive cum B. Aloysio, & ejus innocentij

nocentiam imitare, si mori cum eo desideres. Bene enim dixit Berchmannus cuidam dicenti: Moriatur anima mea morte iustorum. Vivat anima tua vitâ iustorum, & morietur morte eorum. Mori cum Aloyſio non poteris, si cum Epicureo vixeris.

27. Berchmannus acceperat Patronum menstruum cum sententia illa Christi: Videte, vigilate, orate, quia nescitis, quâ horâ Dominus vester venturus sit. Illicò hoc sibi tanquam è cœlo dictum accepit, & sanctè ad mortem se paravit. *Ex vita.* Quas legis in schedula Patroni tui sententias tibi ab Angelo tuo Tutelari dictas crede, & vitam illis congruam age. Non unum modò hac ratione monuit Deus.

28. S. Thomas Aquinas variè tentatus, ut propositum Religiosi statûs abjiceret, eò se induci nunquam est passus, licet vincula, famem, persecutiones diuturnas sustinere cogeretur. S. Stanislaus Patri carceres & vincula minanti, nisi vocationem desereret, reposuit: Et vincula & mortem patiar potius, quàm datam Deo fidem fallam. B. Aloysius inauditam prorsus adversus machinas quascunque constantiam in negotio vocationis ostendit. *Ex vita.* Agnovisti fortè vocationem tuam satis apertè; tuum est, nullis ab ea rationibûs avelli: ne dicat tibi Deus: Vocavi, & renuisti? in interitu tuo Eò ridebo,

videbo. Constantiam etiam quotidie in eo exhibe, ne datam Deo fidem fallas. Fidem Deo dedisti, quoties in Confessione vel examine emendationem promissisti præcipue circa fugam consortii illius, vel domus. Oflende tandem serium tibi fuisse, & constans esto.

29. S. Bernardinus Senensis die quovis Sabbathino in honorem B. Virginis jejunabat; neque ab hac consuetudine, quoad vixit, recessit. Mariam non alio, quam Amicæ nomine nuncupabat; illam sæpissimè invisebat in sacello; illius statux advolutus ferventissimè preces persolvit. *Ex vita.* An etiam tua amica est Beata Virgo? an ejus amicitiam quæris? quod ejus das indicium? ubi Orationes tuæ quotidianæ? visitationes templorum? jejunia? vel maximè ubi peccatorum fuga? si hæc in te signa non notas, noli amicam vocare: si notas, esto constans.

30. Friburgensis Sodalitas tentationes inhonestas victurus in crudi senticeti aciem abjectum corpus ad cruorem usque volutabat. Alius rigente hyeme in cumulum nivis se conjecit. Bruntrutanus lurconem ad illicita tentantem inflicto etiam vulnere abegit; ortas verò exinde tentationes superaturus, flumen frigidum ingreditur, collo tenus se aquis immergit; è quibus post duas horas aliorum manibus ereptus, domum semianimis relatus

est Oenipontanus impuram ardente titione  
abegit exemplo D. Thomæ: Monacensis  
verò alapâ & fuste castigavit. Landishutanus  
periculum evasurus è fenestra alta in plateam  
desiliit. Moguntinus semetipsum vulnerando  
socios in fugam & horrorem conjecit. *Ann.*  
*s. J.* Quid aliud olim in Iosepho, Bernar-  
do, Benedicto, aliisque magni nominis  
Sanctis venerata est Ecclesia? Habet scilicet  
(Laudes immortalis Deo) habet ætas nostra  
Iosephos, habet Bernardos suos, habet in-  
victos pro castitate athletas; quibus una ca-  
stitas in amore & cura est; quam vel peri-  
culo & jacturâ vitæ tueri gloriosum judicant.  
Cur toties de hac materia? Cuperem tibi,  
Studiose mi Angelicæ virtutis amorem im-  
primere & singularem, & perpetuum. Scio:  
nulli virtuti æquè insidiatur dæmon, ac Ca-  
stitati. Hanc si juveni eripuit, jam propè  
triumphum canit. Tu nullam majore studio  
conserva. Nullum mortificationis genus re-  
fuge. Castitas res est, cujus pretium terra  
ignorat. Hanc si servas, novum Angelis  
gratulabor socium: salvaberis.

31. Dilinganus quidam sanguine & virtute  
nobilis, lue lethali correptus, quâ potuit  
curâ ad luctam supremam se disposuit. Facta  
Confessione generali, totum se ad imploran-  
dum B. Virginis patrocinium convertit, e-  
amque, ut supremæ horæ Præses esse digna-  
retur,

retur, rogavit. Adfuit hæc ei, nomenque ejus & aliorum quorundam sodalium libro vitæ aureis insertum characteribus exhibuit. Quo visô aliisque non sine singulari animi exultantis solatiô narrato, suavissimè expiravit. *Sod. Parth.* O quàm felix foret mors nostra, si par nobis polliceri possemus Mariæ patrociniûm. Quid agimus? accedamus cum fiducia ad thronum gratiæ, ut misericordiam inveniamus in tempore opportuno. Imploremus quotidie clementissimæ Domine opem pro hora mortis nostræ.

*Adolescens genere nobilis, vitiis, præsertim lasciviâ, familiari Juventutis malo; infamis, hoc tamen indies Deum rogabat, ut nonniſ de morte præmonitus moreretur: Tunc enim ad mortem satius ut se præpararet, tempus fore creg didit. Vana non fuere preces. Apparet Angelus oranti, promittit eum sine mortis nuntio non moriturum, animum, tantum benè adverteret. Sed miſer cum securitate audaciam hausit, in omnia jam scelera præceps, de certa futura pœnitentiâ sibi blandiebatur. Contigit, ut non diu post dolor caput oscuparet, inde febris corpus premeret. Suadent amici Confessionem; quibus ille: Inſirmitas hac non est ad mortem; crescente morbo rursus Confessionem ingerunt: ager non abnuere quidem, sed differre tamen voluit, dum convalesceret. Auſto gravissimè morbo monent denuò, sed is vim doctorum*

lorum causatus tempus magis commodum expectandum esse asserit. Hæc agens, coram videt Tutelarem suum; hic diem horamque mortis denuntiat; jam migrandum esse clamat; esse horam ut Tribunali Divino se sistat juvenis. Attonitus ad fulmen hoc Juvenis, ejulare, vociferari, fidem sibi datam, violatam esse, conqueri. Angelus vero; morbus ajebat, mortis erat prænuntius, nuntius erat & amicorum monitio. Nunc abeundum est, nihil tibi induciarum conceditur: vita finis est. Desiit Angelus dicere, & Juvenis infelix vivere; æternum inter inferos spem suam & presumptionem & procrastinationem deploraturus. Pexenf. O spes vita longioris! ô mortis oblivio! pœnitentia dilatio quot adolescentum ruina exitistis! ducunt in bonis dies suos futurorum obliti, mortis immemores & in puncto morte repentinâ abrepti, descendunt ad Tartara. Noli spe vita longioris peccare aut differre pœnitentiam: spes fallax est. Monitum Spiritûs sancti est: Memento Creatoris tui in diebus juventutis tua. Bene vixisse ab ætate prima, moriens deflevit nemo. Iam bene vive; serum est tunc velle incipere, cum desinendum est. Ne dicas, ait Scriptura, miseratio Domini magna est, multitudinis peccatorum meorum miserabitur. Misericordia enim & ira citò ab illo proximant, & in peccatores respicit ira illius. Dicis quod Augustinus in persona juvenis: Homo juvenis  
sum;





diffimo continuat; & licet animô deficeret, corpore obrigesceret, nunquam tamen consuetas preces omisit. Orantis verò mira erat modestia. Orationis tempus deliciæ ejus unicæ. Assueverat orationibus adeò ut in angulis sæpè repertus, tantùm angulis diceretur colloqui. *Ex vita.* Multa habes, quæ hic imiteris præcipuè hæc: 1. Matutinas & Vespertinas preces nunquam negliges. 2. Nunquam tædii ullius vel molestiæ metu omittes preces consuetas. 3. Modestiæ sub precibus memento.

3. Miles Adolescens jurandi execrandique consuetudinem contraxerat: Monitus ut eam corrigeret, id sibi impossibile esse respondit. Ergo Sacerdos possibilitatem ostensurus ei ostendit nummum aureum hunc ei promittit, si horâ unâ abstineret ab execratione. Et revera spe nummi hujus abstinuit, licet per castra sociorum militum ductus non unam habuisset execrandi occasionem; agnovit ipse dein nullam suam fore coram Deo excusationem, nisi se emendaret: emendavit. *Segneri.* Agnosce & tu, nihil tibi coram judice tuo, superesse excusationis. Asuevisti peccato alicui! contrariâ consuetudine bonâ corrige.

4. Neapolitanus quidam Sodalis injuriam fratris occisi neque privatim vindicare, neque publico judicio persequi voluit; sed amore

more B. Virginis ita remisit, ut adlegi inter Sodales vellet illum, a quo offensus erat; ne scilicet facilè adeò ad peccandum alliceretur. *Lechn.* Hoc iste egit amore B. Virginis. Potens hoc fuit remedium etiam durissimos peccatorum animos emolliendi. Poteritne & tutum emollire? quid ages amore B. Virginis? an nimium peto, si peto ut amore hujus Patronæ tuæ condones levem fortè injuriam? ut superes molestiam aliquam in surgendo, orando, studendo occurrentem? non amas sanè B. Virginem si hoc ei deneges.

5. Coloniae juvenis infano puellæ cujusdam Lutheranae in uxorem ducendæ desiderio tenebatur. Hac cum nonnisi desertâ fide frui posset, pactum nefarium inire non horruit, fidem se deserturum promisit: Ad tantum scelus per minora deductus fuit. Ex quo enim lascivo amore ardere cœpit, devotione omni relictâ, matutinas etiam & vespertinas preces negligere, Sacramenta rariùs frequentare cœpit. Pacto illò nefariò initò domum rediens in B. Virginis effigiem de muro pendulam oculos conjicit, & mirum dictu! tristitiorem solito advertit Virginis vultum, quin has percipit in animo voces: Ergone matrem tuam hucusque cultu præcipuo amatam deseres, jam deinceps miser? Pupugit miserum vox ista: Sed  
aderant,

aderant, qui decretas urgerent nuptias. Bis statuta erat dies, quâ suam ad sponsam contenderet: bis disponente ita Deo aquis latè stagnantibus prohibitus fuit. Interea voces eadem à B. Virgine in animo repeti advertit; quare ut hac se monitrice liberaret, imaginem cubiculo excludit. Sed nec sic exclusa indignissimè Dei Mater, ab impio monendo terrendoque prohibita. Repetebat illa voces suas, remedium etiam addebat: Vade, confitere! & expugnavit denique obstinati animum, commovitque, ut peccata omnia expiaret, rescissio pactò nefariò salutis rationem haberet majorem; nunquam sine lachrymis recordans matrem adeò clementem turpiter adeo à se despectam. *Ann. s. J.* Dubita si potes, an Maria salutem juvenum quærat: etiam contempta, etiam deserta, monet, urget, instat, emendationem postulat. An non eadem circa te & animam tuam egit! quas ei gratias referes? An & deinceps matrem tuam hanc deseres? illud etiam age, B. Virginis imaginem ob oculos pone, illam in dubiis consule, illi obtempera. Demum observa: à B. Virgine est vox: Confitere; à Dæmone est: Tarda, differ, morare? cui tu obsequeris? Exemplo alio docuit B. Virgo omnia non modo peccata, sed etiam tentationes & pericula aperire confessorio. Hanc tu doctrinam animò tene.

6. B. Aloysius librum spiritualem legebat indies, statim imitatione laborans exprimere, quod legerat. *Ex vita.* Imitare saltem in hoc: dies festus, dies dominicus nullus abeat, quo non quadrantem unum des lectioni spirituali. Idem age pridie S. Communionis. Tot horas rebus aliis inutilibus impendis, cur non tantillum animæ tuæ?

*Ptolomeus* adolescens divino actus spirituum petierat: exactis aliquot annis pravò consiliò abductus vitam sanctè cœptam deserit, indulget genio liberè, tempus omne conviviis, lussibus, otio consumit, Monitiones aliorum contemnit, inspirationes internas, quas sensit crebras & vehementes, aspernatur. Tulit Deus impietatem per menses aliquot: inde protervior factus *Ptolomeus*, in omne iam scelus preceps cœpit ruere, nihil non audere; sed quam distulerat pœnam Deus, tandem inflixit valde terribilem: Dum scelus novum parat infelix, adest carnifex stygius, miserum. que frustra cœlos inferosque execrantem praefectum, rapit ad Tartara. Spec. Ex Hunc sortita finem est inconstantia. O studiose, quem tua sortietur, an non & tu cum Deo lusisti abunde! An semper ludere te posse credis? Time, time. Differt non aufert pœnam Deus.

7. B. Aloysius singulari oculorum modifiâ enituit: per tres annos Imperatricem in dies invilere coactus, nunquam tamen faci-

em ejus intuitus est. Demissos semper tenebat oculos, adeò ut quis oculorum ejus color esset, à domesticis etiam nesciretur: quod ipsum etiam de Berchmanno legitur. *Ex Vita.* Oculorum custodia castitatis præsidium est, cave hos in aliorum, præcipuè foeminarum, vultu defigas. Mors per fenestras has, sæpissime intravit. Tentationes innumeras incautus unus oculorum jactus non raro excitavit.

8. Mexicanus Sodalis post diuturnas quas à muliere passus fuit, tentationes, dulciaria quædam ab ea accipit munusculi loco, Admittit imprudens, eorum pulchritudine captus jamjam ori admoveere parat, cum ecce occurrit cogitatio: diem Sabbathi esse, quo in honorem B. Virginis jejunare solebat. Vicit amor B. Virginis: dulciaria in diem alterum servanda ciuitati includit, die altero ea sumpturus advertit venenò infecta, jam vitiata, hoc enim quæsierat mulier impudens, ut vitam extorqueret hac ratione ei, cui pudorem extorquere non poterat. *Sod. Parth.* Perisset miser, nisi amore B. Virginis gulam frænasset. Vicit is se amore Virginis. An non & similes tibi sunt occasiones, in quibus gulam mortificare possis? jejunium enim suadere vix ausim, ut suscipias: quod tamen ab Aloysio, Stanislao, & omnibus fermè Mariæ clientibus susceptum scimus.

9. Aloy-

9. B Aloysius ut agnitam vocationem tantò  
 feliciùs obtineret, duo hæc adhibuit reme-  
 dia. 1. Assiduam & quotidianam devotio-  
 nem erga B. Virginem. 2. Mortificationes  
 in jejuniis. flagellationibus etiam cruentis.  
 His ille mediis Deum & Patrem in vota  
 sua flexit. *Ex vita.* Imitare. Non satis est  
 agnoscere vocationem: implenda est. Ut  
 impleas, recurre ad B. Virginem, adhibe  
 preces, mortificationes, &c. Cave, cave  
 communem illum studiosorum errorem quo  
 decepti licere sibi credunt omnia antequam  
 vocationem suam obtineant, Religionem in-  
 intrando. Non unus hâc ratione periit.

10. Murciensis sodalis acerrimè tentatus  
 in castitate, ut cogitationibus se liberaret, in  
 campos exiit. Adest Dæmon personatus:  
 causam mœroris quærit. quâ intellectâ ait,  
 nullum se legisse medium præstantius, quam  
 vitam sibi met rapere, offert laqueum, ut  
 tædiorum finem faciat, hortatur. Adolescens:  
 priùs, ait, Confessarium oportet consulere:  
 tum fremere Dæmon, minari varia, deni-  
 que evanescere. Sodalıs ad Confessarium  
 abit, tentationes, & rem omnem edocet,  
 liberatur. *Sod Parth.* Tentationes si quas  
 pateris sincerè aperi. Timet Dæmon mani-  
 festari. Pereat pudor, salvetur anima.

11. Adolescens invitis parentibus ad Re-  
 ligionem abierat, revocatur à Patre, eò quod  
 delicatè

delicatè nutritus Religionis asperitatem ferre non posset. Ille sapientissimè reposuit: vel eam ipsam ob causam Religionem intravi, quia delicatè nimium nutritus tormenta inferni ferre non possum, quæ tamen subire cogar, si inter tot sæculi pericula periero: hinc eligo ferre leviora in religione, ne cogar graviora in orco. *Platus* Salubris cogitatio. Studiosè mi; mortificationes horres, quia delicatus es! Ah amplectere eas ut evadas tormenta Tartari. Delicatus si es, quomodo feres terribilia illa, & nullo unquam fine concludenda?

12. Juvenis quidam de vitio aliquo superando desperabat. Errorem correcturus Deus ostendit ei in somno gigantem immanem, quem jubebatur ab Angelo aggredi, & vincere: Cùm verò juvenis terrore perculsus victoriam sibi esse impossibilem diceret, respondit Angelus, invaderet generosè, se mox auxiliatrices manus esse juncturum; quod & fecit: junctis ergo viribus monstrum oppugnatum, victum est, ut disceret juvenis paratum semper esse Dei auxilium, cui si cooperari homo vellet consuetudinem omnè facile posse extirpari: *Vit. PP.* Studiosè mi, noli terreri à scelerum vel multitudine, vel enormitate vel diuturnitate, Magno animo aggredere: Extirpabitur consuetudo. Non potes tu solus? at gratia Dei tecum potest: huic



huic junge robur tuum, & laborem. In Deo meo transgrediar murum, ajebat David.

Tragicum orbi studioso exemplum factus est Ernestus, Ephebus Herbipolensis Principis. Speculum innocentia ab initio erat; seductus à consanguinea, detestanda didicit, fecitque. Ipsi etiam Damoni demùm se devovit, Magia & Veneficiis vacans. Accusatus & emendationis futura spe traditus Patribus Societatis, dein & Franciscanis, spem singulorum sefellit, semper abjectis jacris lipsanis ad dilectas adedò artes magicas conversus. Accusatur denuò, fertur sententia, ferro addicitur, quod & infelix excepit, nullo prorsus doloris editò signò. Fusè lamentabilem eventum refert Pexenfelder. Usque eò deducine potest studiosus & quidem innocens ab initio? usque eò ut nullà habità ratione temporalis aternaque pœna à peccato non desistat? abhorresce, & pietati tue, si quam habes, non confide; unus socius pravus deturbare te potest in abyssum scelerum & tormentorum.

13. B. Aloysius etiam adhuc puer indies ad aram facienti sacerdoti assistit, nec sine lachrymis, quas tanti consideratio mysterii expressit. Ex vita. Imitare. Statos habes dies, quibus tale Deo Eucharistico obsequium exhibeas, sed reverentià eà, quæ tantum decet mysterium.

14. Godefridus postea Bambergæ & Herbipoli

bipoli Episcopus jussus à moderatore certam domum adire, in qua antea tentatam per improbos castitatem suam noverat, potius moriturum se affirmabat, quàm locum illum repeteret; promptum se in cæteris omnibus fore, in hoc uno non posse. *Drexel.* Imitare constantiam in fugienda occasione peccandi: scis locum illum pietati, castitati inimicum; expertus es ibi tentationes; noli repetere. Amans periculum peribis in illo. Idem judica de socio, quem expertus es loquentem turpia, inhonesta suadentem, invitantem ad loca illicita. Aliud si agis, parum abes à lapsu, parum ab interitu.

15 S. Vitus adolescens à Patre ipso ad Christum deferendum tum promissis tum minis invitatus. Ego ait, Dæmonibus non assentior; neque sculptilibus venerationem impendo; flocci facio regnum & divitias tuas. *Spec. Juv.* Vox immortalitate digna! tua sit eadem ad socios pravos, ad Dæmonem, aut si quis alius te à Christo, à pietate, à templo à studiis avocat. Nota etiam. S. Vitus ipsum adeò Patrem vocat dæmonem, quia ad peccatum invitando, Dæmonis officium fecerat. Dæmon est & Dæmone deterior ille tibi adeo dilectus Sodalit, quocum otiosi, ludere, versari in cauponis, loqui inhonesta, peccare soles.

16. Juvenis peccator in campos exierat,

F

con;

consuetæ suæ vacaturus libidini: Occurrit ei in via Dæmon, cujus nescio speciem mentitus, & ad generosè ita pergendum animavit. Paulo post & Christus Salvator ei videndum se exhibuit, ostensisque sanctissimis vulneribus, ut à peccato abstineret, monuit; addens paratum jam esse dæmonem, qui collo infracto animam ad infernum raperet, si peccatum tale denuo perpetrare præsumeret. Motus Salvatoris bonitate impius, humi prostratus veniam rogat, vitam priorem deflet, cœnobium petit, constantius Deo serviturus: Sæpissimè Dei in se clementiam laudans & extollens. *Spec. Juv.* Lauda & extolle & tu non minorem Dei in te clementiam: Quod necdum hæreas inter inferos, quòd in peccato illo, in illa consuetudine mortuus non sis, Dei clementia est: non vult mortem tuam; habes, quod gratias agas in dies. An verò & agis? examina vitam tuam. Quid obsecro fecit Deus tuus, ut protervè eum adedò offenderes? Clementia ejus ad vitam bonam te non movet? Iustitiam time, monet, interiùs in corde tuo clementia Dei, ut abstas à loco illo, caupona illa, consortio, peccato illo: pergere si audes; aderit iustitia divina: hæc jam stygium paravit fortasse latellitem, qui te in scelere primo obtruncatum ad ignes perpetuos dejiciat. Time.

17. Apud

17. Apud urbem Tabaentem fratres duo pro fide torquebantur: primus dum alterum supplicio frangi videbat, & ad defectionem inclinare; sic eum allocutus est: Noli, noli frater hoc agere, non ita juravimus Christo: accusabo te, cum antethronum eius terribilem venerimus. Hīs vocibūs animatus alter, tormenta forti animo ad finem sustinuit. *Spec. Juv* Imitare constantiam: iisdem ego te verbis compello: Noli, noli frater ita vivere, non ita promisisti Deo. te ego coram tribunali divino accusabo, si tot labores meos & monita nihil in te profecerint.

18. Sodales tres in campum se contulerant animos quō nescio modō recreaturi. Paulum temporis abierat, subito densari nubes aër obtenebrescere, mugire cœlum, frequentia inter alternos boatus fulmina discurrere; resonare vox tragica! Feri, feri! cadit fulmen: elisō è sociis unō reliquos omnes metu consternat. Nova inde exaudiri murmura, resonare vox nova: Feri! feri! cadit fulmen, alterum exanimat juvenem. Tertius similia sibi eventura ominans, erectis in cœlum oculis: voce supplici Virginem invocat, clamat: sub tuum præsidium, &c. Vix finierat, auditur tertia vox tragica: Feri! feri! Sed aliæ auditæ voces: Non possum quia ad Mariam confugit. Servatus igitur illæus, Matri Virgini totum se dedicavit, vitam

coepit sanctissimam. *Pexenf.* An minorem tibi causam esse credis vitam vivendi sanctiorem! O quoties divina intonabat Nemesis: Feri! feri! jam parabatur fulmen impio tuo capiti: Mater gratiæ prohibuit. Age gratias, vitam, quam ei debes, totam ejus nutui consecra.

*Adolescens Anonymus animum ad ordinem religiosum adjecerat, sed mundi vanitate abstractus, de die in diem sanctiora consilia distulit. Huic in somnis apparuere Christus Judex, Sancti Apostoli, Petrus & Iacobus. Judex voce hanc terribili auditus alloqui sanctum Petrum: dele illum de libro vite. Et deletus esset, nisi sanctus Iacobus adolescentis patrocinium suscipiens, ob cultum quo à juvene honorabatur singularem, iratum iudicem à sententia dimovisset. Vidit hic in somno juvenis & inconstantiam deplorans conceptum vite sancte propositum implere festinavit. Spec. Exemp. Dele illum de libro vite Vox tremenda! time hanc, si in propositis implendis tardus es & inconstans. Abominabile est in oculis Domini promittere & promissis non stare: proponere & fidem non servare. Ne in te terribilis adeò feratur sententia, constans esto.*

19. Stephanus quidam studiosus multos in sceleribus annos vixerat, Dei hominùmque contemptor: id unum in eo pium remanserat, quòd speciali affectu S. Magdalenam  
profe-

prosequeretur, cujus festum devotè colebat  
 pridie jejunando, &c. Et hoc salutis occa-  
 sio ei fuit. Apparens quippè S. Magdalena  
 seriò ad expianda scelera hortata est. Obse-  
 cutus Adolescens vitam deinceps sanctam  
 egit: moriens à S. hac Patrona sua invisì &  
 confortari meritus. *Spec. luv.* Sanctorù cultum  
 cordi habe, sed eum scito esse optimum,  
 qui conjunctus est fugæ peccati. Amas Pa-  
 tronos tuos? eorum opem desideras? amo-  
 re eorum fuge hoc aut illud peccatum tibi  
 magis familiare.

20. Josphus Spinellus Adolescens B. A.  
 loysio devotissimus præter alia in honorem  
 hujus pridie festi B. Aloysii jejunare solebat.  
 Præmium tulit amplissimum. Totò morbo-  
 rum examine obrutus, lingvæ, pedum, ali-  
 orumque usu destitutus, ad B. Aloysium con-  
 fugit. Hic sæpiùs eidem apparuit, sanavit  
 eum, stupentibùs omnibùs. Notabile est,  
 quod lingvæ usum ei restituens dixerit: Io-  
 sephe, vult Deus ut honori suo tuam con-  
 secres lingvâ laudando eum & benedicen-  
 do; Cave illâ abutari in ejus offensam.  
 Quotidie renova propositum tendendi ad  
 Sanctitatem. Petit etiam ut post S. Com-  
 munionem mediam horam impenderet ora-  
 tioni. *Ex Actis.* Tantillum obsequium pla-  
 cuit B. Aloysio. Quid tu ages? gratissimum  
 ages, si data ab eo documenta observes.

21. B. Aloysius raram adeò castitatis gratiam consecutus fuit, ut ipse ejus conpectus in aliis tentationes contrarias extingueret. Hinc præcipuus castitatis Patronus, uti & deliberantium de statu vitæ, agnitus est hætenus. Talem experti sunt plurimè uti in actis Sanctorum videre est. Blandæ erant voces Patroni hujus, quibus allocutus est Wolfgangum ab Asch clamantem: OB. Aloysi! an nunc me deserēs? voces inquam hæ: fili non deseram te: Neque deseruit, ipse factus spectabilis Dux in itinere dubio. *Ex Actis* Invoca hodie beatum hunc, fiducia quâ par est à te coli Patronum studioforum. Commenda ei castitatem & vocacionem tuam.

22. S. Hermenegildus hanc protulit dignam immortalitate vocem: salutem meam rebus cæteris potiozem habeo, pro qua, si res feret, paratus sum sanguinem, vitamque profunderè, Simile est quod B. Aloysius suis famulis valedicens dicebat: Statuo animam meam curare; Vos similiter agite. *Ex vita* Tu similiter age, senti, loquere. Negotium hoc tuum unicum & summum est: Salus tua, salus animæ tuæ, quid spectant studia tua? quid labor? tua vitæ ratio, quam tenes, an ea est, quæ animæ curam indicet? Si animam curas, cur non emendas ea; quæ animæ nocent? an non saltem hodie emendabis?

23. A.



23. Adolescens Italus, nobilis in rixa gra-  
ve vulnus acceperat. Plaga pecuniæ multum  
consumpsit, nec tamen obducta est. Ergo  
ad Mariam confugit Adolescens, vovet Lau-  
retanum iter & emendationem, si convale-  
sceret. Convaluit, sed voti & emendationis  
immemor, vixit. Tacita ei vox allabatur.  
Lauretum vade: Votum exsolve. Obedit  
ergo: Lauretum adit, offert munera, sed  
confessionem horret, ne emendare se coge-  
retur. Ergò conscientiam stimulante nunc tem-  
plum, nunc tabellas votivas contemplari;  
nunc Confessionale inspicere, nunc templo  
egredi, nunc ad illud redire. Triduò totò  
sic exactò, dum Milsæ sacrificio interest,  
vocem rursus è cælo percipit, cunctationem  
increpantis: Confessionem jubentis. Paruit  
tandem, confessus est, è luto foedissimo e-  
mersit, poenitentiam amplexus rigidissimam.  
*Turpel.* Quàm Sancta B. Virgini obtulisti de-  
sideria? quàm sancta promissa? ubi execu-  
tio? ubi impletio? an non eadem vox tibi  
allabatur: Votum exsolve: Sta promissis: a-  
ge poenitentiam. Quousque ergo tardabis?  
Cur temetipsum angis? Excute moram, ad  
Deum convertere.

24. In Lusitania Adolescens Ægidius & san-  
gvine & scelere nobilis extitit. Ut sceleribus va-  
caret liberius, artem medicam dilcere statuit  
Hinc Parisios abit. In via obvium habet dæ-

monem personatum, à quo ad antrum prope Toletum deductus, edocetur artes magicas, ejuratis ante sacris omnibus. Exacto ibi Septenniò totò, Parisios abijt, de scelerare in scelus ruit. Objicitur ei aliquando Eques Cataphractus, vibratâ lanceâ formidabilis (Angelus erat à B. Virgine submissus) qui terribili eum hac voce affatur: Desine tandem hanc vitam moresque tuos. Redi ad mentem. Concussus paululum, sed mox ad flagitia redit. Redit eques, voces repetit, & tandem emollitus, exclamat: Dedo me, faciam quidquid jussieris. Sic Saulus alter ad meliora compulsus vitam cœpit sanctam, utque constans esset, religionem adiit. Chartam, in qua perfidus dæmoni se obstrinxit, à dæmone recepit per B. Virginem *Hort. Mar.* Desine tandem hanc vitam moresque tuos, ô Studiose: Sic B. Virgo imperat: Desine, fac quod Maria, quod constantia jubet.

*Breve, sed tragicum est, quod narro. Adolescens detractionibus, sermonibus impuris, & similibus lingua vitiis assuetus, dum ad extrema deductus est, & ut seriam ageret pœnitentiam monitus, frustranea ista omnia esse clamabat. linguam manu designans: ista, ajebat, lingua pessima me damnavit, quò dictò mortuus est impœnitens. Flor Exemp. Ista lingua pessima me damnavit. Ah! Ah!*

*si re.*

*si referari contingeret inferos, quot Studiosorum  
lamenta eadem audiremus? O lingua pessima!  
ô sermones impuri! quot adolescentum ruina  
exitistis? Tibi, tibi, ne ruina sint & exiti  
causa, attende. Ita rogo te per animam tuam,  
sciens & nimium sciens quàm communis hac  
sit, quàm perniciosa labes juventutis studiosa.  
Time linguam tuam: Time: sermo unus tur-  
pis damnare te potest.*

25. B. Aloysius difficultatem in studiis sen-  
tiens illicò ad orationem convertitur. Con-  
cionem paraturus ad Venerabile confugit:  
hac ille ratione præsensem in studiis opem  
expertus est. *Ex vita.* Experireris & tu si  
eodem modo studia tua fusciperes: quid  
prohibet, quin occurrente aliqua in studiis  
difficultate ad orationem, ad B. Virginem  
confugas, eam verbis illis inclames, qui-  
bus S. Ignatius solebat: Monstra te esse Ma-  
trem. Verè dixit Berchmannus: Observa  
tu Deum, & Deus observabit te. Invoca  
Deum, opem Sanctorum, & tu laborem  
aggredere; felix erit.

26. Anonymus Adolescens Ægyptius se-  
riam & constantem acturus pœnitentiam,  
tumulo vivum se incluserat. Molestissimè in-  
tulit dæmon; ergo ad Patrias ædes revoca-  
re laborabat: fraudes varias, denique &  
vim, verbera, plagas, inferebat. Sed petita  
infracta juvenis mens, hoc unum reposuit:

Malo mori, quàm vobis obsequi. Vicit hac ratione dæmones turmatim tentantes, qui non sine fremitu in fugam agebantur ululantes. Vicisti nos? vicisti nos. *Spec. Ex.* Solam timet constantiam dæmon. Bona proposita, Confessiones non timet. Ad priora consortia, loca, occasiones conatur revocare, facilem sibi deinde promittens victoriam. Quid tu? Imitare: Sit hæc tua ad dæmones, ad consuetudines, ad socios vox: Malo mori, quàm peccatum hoc repetere, hoc violare propositum. Et præstat certè constantiæ immori, quàm ab ea deflectendo vindicem Dei manum provocare. Statue.

27. Ioannes Baptista innocentiam conservaturus, patriam deserit, eremum petit, vinò abstinet. *Ex vita.* Ecce remedia servandæ castitatis & innocentiae. Imitare in hoc. Fuge socios suspectos: abstine deliciis: fræna iugulam: fuge vinum immodicè sumptum: Hæc si agis, aderit Divina bonitas, castitatem proteget.

28. B. Aloysius licet ex natura ad iram & impatientiam pronissimus, nunquam tamen vel asperiore verbulo allocutus est alterum, nunquam cum ullo notatus est contendere. *Ex vita.* An leve hoc tibi videtur insitam à natura passionem hac ratione compescere? Ergo tantò facilius erit imitatio. Vide hodie, quæ in te dominetur passio? quæ inclinatio?

natio? & in ejus extirpationem totus incum-  
be. Una passio indomita cœlum tibi occlu-  
dere potest.

29. Wolffgangus ab Asch speciali devotio-  
ne B. Aloysium prosecutus plurima & raris-  
sima ab eo accepit beneficia. Iter faciens à  
latronibus sex invaditur; invocat B. Aloy-  
sium verbis supra relatîs, & audit: Fili non  
deseram te Apparet Aloysius, defendit contra  
latrones, & paucis verbis: an noverint Chri-  
stianos se esse; in fugam agit. Vitam totam  
cum Wolffgango peragit, instruit, oculorum  
sanctatem, memoriæ firmitatem mirabilem  
eidem elargitus est. Quod & alius ferè in-  
numeris fecit. Uni pravam socium sequen-  
ti ait: Cave ab homine isto, qui te ad interi-  
tum ducit, me venerare. *Ex vita.* Omnia eo  
finè adduxi, Studiotè mi, ut speciali affectu  
Sanctum hunc sequaris: præcipuè pete ab eo  
quod P. Corbinellus: Beate Aloyſi ora pro  
me, ut bene moriar. Latrones te morien-  
tem circumdabunt: Viam ignotam ingredi  
cogeris: roga B. Aloysium, ut tibi adsit, te  
defendat.

30. Bisuntinus sodalis quidam ad extre-  
ma deductus, multis, gravibusque à dæmo-  
netentationibus agitato, suum non peccan-  
di propositum identidem renovabat; inqui-  
ens: Non te offendam Domine: non te of-  
fendam Domina. Deinde ad B. Virginem con-

versus. Opitulare, ait, Domina; opitulare!  
& opitulata est sanè B. Virgo, tentationes  
discussit, eum consolata suavissimè; adèd ut  
paulò post felix exclamaret: Victoria! Vi-  
ctoria! hanc scilicet de styge retulit invictus  
pugil ope Virginis. *Man. Sod.* Optas & tu  
similem moriens referre? ad B. Virginem  
convertere; hujus opem inclama. Ut au-  
tem securè inclames, sit illud jam tuum pro-  
positum: Non te offendam Domina; non  
offendam: Statue non offendere magnam  
hanc Dominam per peccata tua; & opere  
ipso exequere: Domina clementissima non  
deerit.

*Terribilem peccati unius malitiam propono  
& tremendam consuetudinis prava vim: A-  
dolescens Roma turpi assuetus flagitio vixit,  
quod à sociorum uno didicerat. Sape confessus,  
sape relapsus Vim sibi ad extirpandam consue-  
tudinem inferre noluit. Adest vindex Deus  
gravem corporis morbum immittit Juveni. Et  
profuit sanè: nam juvenis seridè jam detestari  
vitam prateritam coepit, sancta omnia propo-  
nere, confiteri dolore contrito peccata omnia.  
Munitus Sacramentis omnibùs circa Vesperum,  
moritur de nocte. Confessarius die altero Sa-  
crum lecturus pro eo, vi occultà prohibetur, &  
tandem ab infelici adolescentis animà monè-  
tur; cessaret orare, actum de se æternum. Cau-  
sa hac erat: Expiatà bene conscientià, occur-  
rebat*





ante ejus effigiem orandi, castitatem sollicitè custodiendi.

2. Berchmannus. hīs verbīs, quō esset in Mariam animō, testatus est: Mille corda si haberem, mil enī B Virginem amarem. Item: non sum securus, nisi verum & filialem erga Beatam Virginem habeam amorem. *Ex vita.* Idem dic & senti. Securus non es, nisi Mariam verè & filialiter diligas. Sed quid hoc est? filius Matrem diligens cavet ab omni, quod matri displicet. Cave & tu ab eo, quod Mariæ displicet. An verò displicere ei non credis orium tuum, tepiditatem in oratione, Confessione, &c. Con-suetudinem illam pravam &c hæc amove, & Mariam filialiter diligis. Mille vitas & corda ei debes; unum cor, vitam unam ei impende, statue hodie, id facere deinceps.

3 B Aloysius ad verbum turpe ab aliis prolatum mox rubore perfunditur, demittit oculos, aut tacens dum monere non audet; aut carpens liberè; uti senem septuagenarium acerrimè propterea insectatus est. *Ex vita.* Imitare: Castitatem amantibus singulis res hæc cordi esse debet. Parum abest ab opere, qui linguæ suæ & auribus omnia permittit. Et utinam non post multos etiam annos verbum turpe, diu antè casu auditum, effectum habuisset longè foedissimum, habuit certè sæpe, & eò induxit adole;

adolescentes, cæteroquin piissimos, quò nullus dæmon inducere poterat. Fuge tu, potissimum, qui toties dicis, nihil te dicturum esse contra honorem Virginis. Fuge sermones tales.

4. S. Alexius primâ nuptiarum nocte spon-  
sam deserit amore castitatis: per septemde-  
cim annos contans est in perferendis con-  
vitiis & injuriis plurimis in ipsa adeò domo  
paterna, quam ignotus incoluit. *Ex vita.*  
Sanctè incipere parum est; perseverare &  
quidem per tot annos hoc enim verò coelo  
dignum est. In hoc imitare S. Alexium, con-  
stanter observando proposita facta; quod ut  
fiat, pete hodie à Sancto Alexio gratiam.

2. Viennæ in Gallia Sodalis innocentissi-  
mus ab impio seducitur ad scelera maximè  
horrenda, ipsam adeò Magiam. Duobus in  
vita tali exactis annis petitur à dæmone ab-  
juratio Dei per adolescentem facienda. Hic  
diem deliberationi impetrat. Die illo territus  
Lugdunum abit ad Magistrum quondam su-  
um, In via variè à dæmone tentatur, ne  
pergeret, mors etiam intentatur. Juvenis  
invocata Beatâ Virgine pergit; quærens ex  
dæmone, cur ergo tam diu mortem mihi  
non intulisti? hoc accepit ab eo responsum:  
Nec voluntas mihi defuit, nec conatus;  
prohibuit Domina tua, cujus te clientelæ  
commileras. Stupet juvenis amorem B. Vir-  
ginis,

ginis, abit Lugdunum, confitetur, iemenda-  
tur. *Ann. S. J.* O Studiose, ubi esset anima  
tua, nisi B. Virgo obstitisset? animet te hoc,  
ut incipias esse alius, & devotius famuleris  
magnæ Matri. Disce etiam, quò detestan-  
dum consortium deducat.

6. Adolescens nobilis Romæ concioni in-  
terfuit: dixerat Concionator noster, reme-  
dium contra peccata omnia, præcipuè lasci-  
viæ, optimum hoc esse: indies semel salu-  
tationem Angelicam recitare cum hac ora-  
tione: O Sancta Virgo, dono tibi oculos  
meos, aures, os, manus & cor meum: juva  
me, ne unquam offendam Deum ac te: cum  
fuero tentatus, statuo dicere: Sanctissima  
Virgo sum tentatus, succurre Domina: ego  
sum Iesu & Mariæ, quibus me donavi. Au-  
diit hoc adolescens, & quia turpissimam in-  
lascivius consuetudinem contraxerat, reme-  
dium hoc amplexus est. Emendatio secuta  
est mirabilis & constans; adeò ut in tentati-  
one fateretur, ne posse se quidem peccare,  
post preces tales; adeò manifestum B. Vir-  
ginis, auxilium se sentire. *Segneri.* Facile,  
efficax remedium: Obtulisti te Deo & B.  
Virgini; offer te eidem indies; offer linguam,  
oculos, manus tuas: invoca in tentatione  
Dominam tuam: opem senties.

*Antonius quidam in Italia nimum per an-  
nos aliquot egerat, successu si corpus spectes*  
(ipso

(ipso saltem Iudice) felici; si animam infelici.  
 Focis enim etiam turpibus, vita libera assue-  
 tus, de pietate prima parum retinuit. Vixerat  
 jam annis aliquot vitam hanc; Cum die quo-  
 dam in Theatro cecum agit non sine intuenti-  
 um plausu, cecitate à Deo Iudice punitur.  
 Abductus à Theatro sortem suam infelicem  
 considerat. Et ecce adest Matrona quaedam (ta-  
 lem enim vox manifestaverat) qua hīs eum  
 verbis alloquitur: Satis datum est nugis. Satis  
 servitum oculis profanis; nunc ut te inspiceres,  
 oculis te Deus orbavit. Agnosce Dei iudicia;  
 relictis ludicris saluti consule. In patriam &  
 ad Deum reverti vis? veni, dux ero. Dixit,  
 & ad Laurotanam domum, ubi consisteretur,  
 deinde in patriam reduxit, saluberrimis mo-  
 nitis instruxit, qua & ipse ad mortem usque  
 constans implevit. Pexenf. O quoties Ducem  
 vite novae se tibi obtulit eadem Virgo! quoties  
 tibi inclamavit: Satis datum est nugis: saluti  
 tuae consule. Tu quid egisti? despexisti Ducem  
 hanc. Antonius ille si despexisset, an non actum  
 de salute eius fuisset? fuisset certe. Time ergo  
 & saluti tuae, nisi obsequaris. Inclamat de-  
 nuo: Satis datum est nugis: satis otio: satis  
 consuetudini illi: consule saluti tuae. Tu obse-  
 quere.

7. B. Aloysius Patri à vocatione imple-  
 da abstertere volenti dixit: Etiam si mun-  
 dum totum promitteres, non id impetrabis,  
 ut Dei

ut Dei voluntatem non sequar. Ad objectas  
verò difficultates reposuit: Si in Religione  
servire tantum gulæ vellem & otiosi, cœ-  
lum non sperarem. *Ex vita.* Constans esto  
in vocatione ea, quam vides amplectendam.  
Nulla te res absterreat. Sed & in rebus aliis  
nullo promisso ab implenda Dei voluntate  
arceri te permittas. Quantillum verò est,  
quò subinde arceris. Paululum quietis in  
otio est: paululum voluptatis in consortio,  
in cauponis, in lusu: & Deum deseris: De-  
um offendis? Aliud statue.

8. Friburgi erat, qui omnium monita pro-  
tervè respuebat, corporis cultum formamque  
solicite nō mis quærebat, de anima nihil solici-  
tus Sacellum Beatæ Virginis vice quadam in-  
gressus, post preces pauculas ad B. Virginem  
fusus totus in alium fuit mutatus. *Ann. S. J.*  
Mutareris fortassis & tu, si ferventiores ad B.  
Virginē preces funderes pro emendatione tua.  
Roga B. V. enixè, impetrabit tibi à Deo gratiā.

9. S. Vincentius Ferrerius refert fuisse  
juvenem, qui eò usque in sceleribus deve-  
nerat, ut gloriæ sibi duceret esse impium.  
Irritæ aliorum monitiones & minæ erant.  
Cælesti opus fuit remedio. Nōc te dormien-  
ti, Christus apparet stipatus Angelis, & vul-  
tu ad Angelos converso ait: Et quid facit  
*hic* audax & facinorosus? tanto tempore  
meā abutens patientiā in peccato vivit ob-  
stinatus:

stinatus: aut vitam mutet, aut quamprimum ad meum hoc tribunal evocetur, ut debitas scelerum suorum poenas luat: Hīs dictīs somnium evanuit: Evigilavit juvenis, adeo territus, ut prae horrore incanuerit. Sed non capillos solum, verum & vitia mutavit: Confessionem seriam peregit: vitam emendavit. *Segneri.* Utinam hunc ipsam effectum in te haberent tot Concionatorum, Confessoriorum monita, tot inspirationes internæ, quibūs ad vitam meliorem impelli te sentis! Recordare verborum illorum: Aut mutet vitam, aut ad tribunal evocetur. Memoria iudicii extremi te à peccato absterreat; ad bonum impellat. Time offendere Iudicem tuum.

10. S. Udalricus adhuc puer mirè delectatur lectione vitarum Sanctorum, & studet ea, quæ per ætatem poterat imitari. *Ex vita.* Cultus Sanctorum optimus est, eos imitari. Si ad manum non sunt vitæ Sanctorū, saltem quotidiana hæc exempla imitare constanter. Tot tibi in coelo Patronos concilias, quot virtutum exempla imitaris.

11. Taurini Sodalitatis ab equo calce petitus grave vulnus accepit. Pudor & verecundia, quod nollet permittere partes læsas à chirurgo tangi, rem celaverunt. Inde terribiles exorti dolores, quibūs coactus, rem Confessario aperit. Iubet is confestim aperiri Medico;

dico; sed eò jam deducta res erat, ut remedio locus non esset. *Ann. S. J.* Admirare pudoris tenacissimum adolescentem: in eo etiam imitare; In verbis & operibus verecundiam fac semper præseferas singularem: Hæc enim Castitatis comes & custos est.

12. In Austria Infimista quidam Officium B. Virginis etiam æger ex libello recitare non omisit: recitans illud obiit, pertinaciter adeò hærente intra digitos libello, ut vi nulla avelli posset; hinc cum eo ceu sui in Mariam amoris Tesserâ sepultus est *Lechn.* Studiose, an non malles cum hoc apparere coram tribunali Iudicis, quàm cum illis, qui tenentes manu folia picta oppressi à domo corruente, ad æternitatem abrepti sunt, suæ in regulas inobedientiæ signum secum deferentes? Vivens ergo imitare Sodalem illum; constanter Virginem piissimam venerare.

*Adolescens in Gallia lusu & potationibus tempus omne transigere solitus, dum vice quâdam de more in caupona versatur, sermone de animarum immortalitate exorso, sic impiissimus auditus est garrire: Me quod attinet si quis animam meam emere vellet scilicet ille lepretio cum pro convenirem; pretium omne a me potu exponerem & communi lætitiâ Ingressus paulò post demon mercatorem mentitus, pretium petitum solvit impio. Estur interea, potatur, luditur; Vespere facto demon impium ibi-*



lum cum corpore & anima (fratrum veluti cum equo, uti in similitudine proposuerat) stupentibus omnibus rapit ad Tartara. Spec. Ex. O iniquum animæ astutorem! Animam Christus tanti fecerat, ut ineffabiles pro ea dolores sufferre non horruerit; & impius uno alterove floreno vendit! Dignum styge flagitium. Studiose, an tu simile non perpetrasti! Augustinus dicit: Peccator animam suam vendit diabolo, accepta tanquam pretio, dulcedine temporalis voluptatis. Quoties peccasti graviter, toties animam vendidisti: pretium erat voluptas fœda & brevis. O turpe facinus! an repetes posthac? Adverte etiam, quò deducat inconsilia illa ludendi potandique consuetudo. A cauponarum visitatione & potu, ad quales eben sermones. ad quas blasphemias quales lusus, quas furias, quas lascivias, ad quæ Tartara ruunt precipites iuvenes cæci? Ne patiaris te seduci ad cauponas etc. actum est de innocentia, de castitate, de beatitudine tua.

13. Neapolitanus Sodalis, in via scelera-  
tum aliquem offendit, blandè eum allo-  
quitur, ad templum deducit, habere se in-  
quiens quod loquatur; rogat emendationem.  
Sceleratus facilem se ostendit fore, modò  
lucrum ex peccato habitum compensaretur.  
Tum Sodalis: Pone metum, ait; quinque  
denarios meo labore indies parare possum;  
tu duos accipe. Movetur alter charitate hæc,  
& emen-

& emendat se. Duacensis erat, qui omne tempus à studiis reliquum, dabat erudiendis parvulis. *Ann. 8. J.* Quid tu pro salute animarum aliarum? quid ad impedienda peccata hodie ages? an non datur occasio peccatum aliquod impediendi? vel alterum ad opus aliquod bonum excitandi?

14. S. Laurentius Iustinianus tempore calidissimo ad levandam sitim incitatus, ait: Quomodo feremus purgatorii calores, si parvam sitim ferre non possumus? Hinc aquâ abstinuit, sitim toleravit, ut calores æternos evaderet. *Ex vita.* Frequens fortè occasio est imitationis hujus: Dum siti premeris, cogita, quæ illa damnatorum futura sit sitis. Et hanc ne pati cogaris, elige mortificare gulam tuam; non tantum superfluas potationes in canpons &c. sed etiam subinde necessarias subtrahendo, aut differendo.

15. S. Hermannus Ioseph tritabatur aliquando; quòd ob labores plures orationi vacare diutius non posset: sed erigebatur. à B. Virgine, jubente, ut labores generosè peragat, hos enim, aiebat, sibi gratiores fore. *Ex vita.* Studia tua si intentione debitâ suscipiantur à te, res Deo & B. Virgini gratissima sunt. Hæc, si negligantur, ne ipsæ quidem preces Deo placere possunt.

16. Anonymus Sodalis B. Virginis effigiem præteriens eam semper colere solitus fuerat;

fuerat; hoc dum die quodam ex more agit, audit vocem: Confitere. Eandem die sequenti repeti advertit. Ergo integram de tota vita confessionem paravit. Vix peracta erat, & in platea obambulans globô trajicitur, moriturus morte improvisâ, nisi hac ratione B. Virginem colendo, speciale hoc beneficium obtinuisset. *Ann. S. J.* Imitare; transiens B. Virginis effigiem cole eam verbis paucis: Ave Maria. Placet hoc B. Virgini; hinc S. Bernardum id agentem resalutare dignata est Virgo inquit. Salve Bernarde.

17. Oeniponti Sodalis Incredibili cerasorum recentium desiderio tenebatur: jam hortum petierat, ad arborem cerasis onustam accesserat, satisfactus libidini intemperanti. Adest cogitatio de victoria sui, etiam in rebus minimis Deo grata. Ergo ut tantò major illa esset, in arborem enititur, per horas duas ibidem versatus preces B. Virginis honori persolvit. Consideratione cerasorum & occasione his fruendi, irritata summo opere fuit orexis, & libido intemperantior; sed altiore vincendi sui studio accensus adolescens, oculis omnia, gulæ nihil concessit; ex arbore velut trophæo sui erga Deum & B. Virginem amoris invicti descendens, domum lætior rediit, ac si animum explevisset, cibò desideratò fruens: Rarissimos

mos cœli favores hæc ei victoria attulit. *Sod. Parth.* Leve hoc tibi videtur? ergo facilius imitari poteris. O si scires, quantô Deus præmiô rem hanc judiciô tuô levem remuneretur in cœlis! Vincite te! vince in occasionibus similibus plurimis, quæ tibi in dies occurrunt. Tot tibi coronas nectis in cœlo, quot refers de te hac tatione victorias.

18 B. Stanislaus intimè rerum humanarum naturam penetrans agebat. Nihil in mundo amore nostro usque adeò dignum est. Ipse totum se ad amandum Deum convertit fervore tanto, ut sæpe frigidâ exteriori levare debuerit calor internus. *Ex vita* O quàm tepet tuus in Deum amor! quod signum amoris divini in te? Creaturam illam, voluptatem illam in otio, lusu, &c. tantopere amas: Deum tuum quando amabis? elice hodie ferventes aliquot actus amoris.

*In Belgio quidam è Patribus nostris ad carcerem evocatus, ut adolescenti necdum vicesimum primum ætatis annum egresso, ad mortem condemnato adesset; ubi carcerem intrat, vehementer commoveri reus, herere, gemere, ejulare, demum in Patre hoc Magistrum quondam suum fateri. Stupuit Pater mutationem mirabilem; sciverat enim eum piissima vite exemplar totô quinquenniô extitisse. Sed adolescentens vitam omnem referens, totam perdit.*

onis causam pravorum consortio adscripsit.  
Conscientiâ ritè expiatâ, dum carnifex carcerem subit reum educturus; novo adolescens horrore concuti, altum inclamare in carnifice suum quondam condiscipulum, & illum Magistro gratum, agnoscere. Quo omnium stupore quis dicat? Finit vitam mortalem adolescens manu carnificis condiscipuli, assistente suo olim & carnificis Magistro. Pexenf. Spectaculum verè lugubre. Et quò non deducit societas prava? O quàm chari suo Magistro discipuli paulò post in profligatissima vita mores ruunt hodieum, utinam non ex his ad tartara. Obstrue fontem: Time societatem omnem suspectâ.

19. Saffaritanus Sodalitii provocatus ad duelum excusabat se dicens, gladium suum esse obtusum. Stringe, ajebat alter, quid enim geras? ego, reponit iste, ego ut stringâ nequeo; nâ sodalitii Præses jam diu gladium meum vaginæ affixit, ut convellere non possim. Egerat Præses de materia hac in concione quadam; hinc ille utilitatem hauserat *Lechn*. Quam tu è tot concionibus utilitatem hauris? an opere ipso implere laboras, quod in eis inculcatur? Recordare divini oraculi: Scienti, & non facienti, peccatum est. Satage hac septimana implere, quod in exhortatione postrema propositum est.

20. S. Procopius eodem prorsus modo, quò olim S. Paulus, conversus, totum se  
G Christo,

Christo, & ejus obsequiis immolabat, miram inter horrendos cruciatus fortitudinem præferens agebat; Quid jucundius quàm pro Christi nomine pati? *Pexenf.* Qundo tutandem converteris? quando te totum Deo immolabis? quando inter tentationes fortitudinem Christianam exhibebis? si pati pro Christo jucundum est, an non & vivere? Christo vive; hoc est, ex ejus nutu, voluntate & imperio vive; Sathanam desere; ejus tentationes vince; præcipuè in re hac.,

21. Juvenis erat sub instructione Hugonis Abbatis Bonæ Vallis, qui à primo fervore multum remittens vitam impiam repetere cogitabat. Hugo hîs eum verbis allocutus est: Fili mi miserere animæ tuæ. Si hic manseris, promitto futurum, ut societatem in cœlo cum Sanctis omnibus habeas. Pauculis dictis animatus juvenis constans in pietate perrexit, à Sanctis ipsis ante obitum visitari meritus. Paulò ante mortem gratias egit Hugoni pro consilio & monitis, periturum se aliàs in inconstantia sua affirmans. *Spec Exempl.* Imitare iisdem verbis, te ipsum ad perseverantiam hortare. Erit, cum agnosces & gratias ages iis, qui jam non sine tua molestia, te monent. Hodie spe mercedis æternæ non repete peccatum hoc....

22. Sodalis die aliquo summo mane ad Collegium Germanicum Romæ accurrit  
seque

seque ad conscientiam expiandam Dei Matris & S. Iosephi ope tandem esse permotum affirmabat, addens: Nocte illâ oblatum sibi sive somnium esse sive visionem; in qua à stygiis spiritibus sibi videbatur detrudendus ad orcum, eò quod à confessione jam diu abstinuisset; ne tamen eò detruderetur, opem à B. Virgine & S. Iosepho allatam esse: certū sibi jam esse edixit, vitam eam agere, quæ tali periculo deinceps liberetur, & constantes Liberatrici Virgini & S. Iosepho gratias persolvere. *Nadasi* Habes & tu Studiose, cur easdem persolvas gratias. Hæreres, ne dubita, jam inter inferos, nisi Virginis clementia te servâisset. Posthac vitam age aliam: Cave, Mysteria sacra diu negligas: negligendo enim hæc, innumera salutis media tibi subtrahis. Sed quâ ratione tantum beneficium obtinuit Sodalis ille? id quidem historia non refert, refert de viro per sex annos sacrilegè confesso, dein decem annis continuīs Sacra omnia retugiente, qui unâ concione ad vitam suam miseram deserendam motus, gratiam servatæ hætenus salutis adscripsit jejuniis sabbathino, quod in B. Virginis honorem observaverat. Scilicet minima etiam remuneratur Virgo clemens. Noli in hujus cultu tepescere: jejuniis sabbathinum, preces quotidianæ, & similia signa sunt alicujus saltem erga Virginem tantam affectūs.



23. Adolescens quidam Religionem deserere cogitabat, ut matri succurreret: jamjā abiens Christo Crucifixo valedicit, & audit voces has: Magis te alui ac mater tua, ne me ejus causa deseras. Hīs commotus mansit constans. *Spec. Ex* Idem tibi dici cogit, dum à socio aut dæmone ad scelus aliquod, hoc est ad deserendum Deum invitatur: Magis te alui, majorem tibi charitatem exhibui, ac socius ille, ac dæmon: Noli ergo me offendere, me deserere, noli hoc peccatum facere, ut illi obsequaris, ut illius amorem conserves. Statue hodie fortiter rejicere petitiones aliorum iniquas; non deserere Deum ob gratiam hominis.

24. Adolescens à prima ætate tenerrimè B. Virginem colere solitus, quotidie devotionem suam formulæ repetitione instaurabat. A condiscipulo amicitiae specie invitatus, primò tantum ad colloquia, dein ad ambulatiunculas, ad lusum, demum ad magica in sylvis spectacula: Obsecutus est cæcus; nomen etiam suum dæmoni tradit, variis à dæmone spectaculis recreatus: domum redux scelus agnovit, Religionem petit. Socii irati dæmonem in eum immittunt, à quo per dies quatuor obsessus est juvenis. Spem unam in B. Virgine posuit: formulam sodalitatis in charta exarat ringente dæmone: & dum scribit: Suscipe me &c. Adest Virgo respondet

respondet: Fiet: Liberatur deinde dæmones  
recipit schedam dæmoni datam; B. Virgini  
vivit noviter obstrictus. *Pexenf.* O confor-  
tia quò deducitis! formulam Sodalitatis fæ-  
pè renova.

*Posonii Sodalis Sanctissima Sacramenta tan-  
tùm obiter frequentare, nihil à consuetudine,  
in qua vivebat pessima, remittere solitus, in  
somnia aliquando noctem cogebatur exigere;  
post conscientie querelas & morsus ante Dei  
tribunal sibi stare visus est, & coram tormen-  
ta inferni intueri. Rationem reddere jussus de  
tepidiitate sua, cum non haberet, quod respon-  
deret, obmutuit. Denique ad B. Virginem &  
Sanctos, quos videre sibi videbatur, conversus,  
eorum intercessionem flagitat, emendationem  
sponder; dilationem sententia à Christo Judice  
aliàs pro tota aternitate ferenda impetrat, no-  
ctu adhuc ad nostros veniens animam expiavit.  
Nada si. Sodalis si tuis in auribus resonaret ho-  
die vox illa: Redde rationem de vita tua, &  
præcipuè de sanctissimis Misteriis tanto tepore  
susceptis, quis tibi animus esset? quid proferre  
posses, quò damnationem averteres? Nota,  
quod dixi: Adolescenti illi imminebat damna-  
tio, eo quod sapè quidam Sacramenta suscipi-  
ens, nihil tamen de consuetudine pristina re-  
miserit. An non & idem in te reperies? qua  
emendatio tua post tot confessiones? quàm timen-  
dum hoc, ne confessiones plures, verò destituta*

sint propositò, adeoque sacrilega, damnationem tibi. non salutem allatura. Terribile est, quod legitur de Patre, qui 30. post obitum suum anni: apparens filio suo, preces ab eo postulans. ei indicabat, confessiones omnes hoc tanto tempore ab ipso factas sacrilegas fuisse; eò quod non ex animo serio, sed tepiditate suscepta, propositò firmò consuetudinem malam eradicandi fuerint destituta. Timeo, timeo ne plurimum Studioforum confessiones sint similes, eorum scilicet; qui tantum poena metu, tantum ex consuetudine, obiter, negligenter, eas peragunt; parum de emendatione solliciti Tu curam impende summam negotio huic, de proposito & emendatione esto sollicitus.

25. Panormi Sodalis per speciem colloquit evocatus à foemina, non obscure positas Castitati insidias adversi. Li et ergò negotia urgerent, nunquam tamen vel transire per plateam illam voluit. *Lechn.* Imitare: Occasionem peccati fuge fuge cauponas, domos suspectas, consortia illicita, in quibus non semel tantum offensam à te Dei maiestatem nôsti. Ipsa occasionum repetitio displicet Deo: hinc P. Segneri refert de viro, qui accesserat domum antea sceleris adjutricem, factò quidem firmò propositò peccati non admittendi; vi tamen quadam occultâ abreptum se inde advertit.

26. In Aragonia juvenis vitæ liberæ a-

mans, Concionem aliquam intraverat: audit  
has inter alias Concionatoris voces: Trien-  
nium jam est, quô Divina bonitas passa est  
moras tuas: Cave ne sine mora, illius iram  
experiaris. In se hæc divinitus dicta credit;  
nam tanto tempore vitam impiam egerat:  
igitur pœnitentiam incepit, ad vitæ finem  
continuavit. *Lechn.* Incipe tandem & tu.  
Iam diu te tolerat Divina bonitas. Time, ne  
in furore iusto te perdat. Incipe hodie eju-  
rare vitam præteritam: hodie esto alius.

27. Adolescens fuit, qui cum per Matrem  
à Religione adeunda avocaretur, ad objecti-  
ones omnes, unum hoc reposuit: Volo sal-  
vare animam meam. Ingressus religionem  
vixit in ea tepidè. Videre sibi nocte quadã  
visus est Matrem coram Tribunali Divino,  
se verò inter damnandos. audit has à Ma-  
tre voces: Fili, ubi sunt voces illæ: volo  
salvare animam? quomodo eò infelicitatis  
delapsus es? Experrectus, totus à se mutatus  
est: causam interrogatus, ajebat: Si vultum  
Matris increpantis ferre non potui, quomodo  
vultum iusti Iudicis feram? *Specul.* Ecce ti-  
mor Iudicis à peccato cohibet. Memor esto  
& tu Iudicis illius; & time eum offendere:  
hoc.... peccato.

18. Fulco adolescens vanitati addictissimò  
nocte quadam jacebat insomnis: diem o-  
ptabat, ut vanitati vacare posset. Sed orta-

in animo cogitatio hæc est: quid si bienniò integrò inter tenebras jacere, in lecto hoc licet suavi cogereris, quò aurò non redimeres supplicium hoc? & quomodo agetur inter inferos cum damnato? Commotus hæc cogitatione ordinem religiosum ingressus est, vitam vivens sanctissimam. *Drex.* Commovereris & tu, studiose mi, si vel semel seriò hoc cogitares, quid sit, æternum jacere inter inferos! coelites! quàm terribilis, quàm potens est æternitatis memoria! poterisne tu æternum in incendio illo terribili perseverare? poterisne? ecce lecto molli ne vel unâ nocte quietus, potes incumbere, & rogo gehennali possis! O studiose, studiose! memento veritatis terribilis: æterna sunt inferorum supplicia. Fuge fuge, quidquid eò te potest dejicere.

29 B Aloysius die S. Communionis, quã angelicâ proisq̃ modestiâ suscepit, die inquã toto omne hominũ consortiũ vitat; nonnisi orationi vacans, & Lectioni sacræ. *Ex Vita.* Imitare: discet tempus adeo sanctum benè impendere. Inexcusabilis est malitia tua, si eodem die peccata tua repetas, linguam Christi cruore purpuratã contamines, quibũs nescio loquelis & narrationibũs; si pedes manè Christo inflexos, quò nescio dirigas. Stude hac in re B. Aloysium imitari: lege librum spiritualem, plus temporis orationi consecra. Ostende id  
die

die proximo, quò sine dubio in Magni S. I. gnatii honorem, devotionem tuam perages.

30. Adolescens Anonymus tentatus à muliere, renuit obsecundare primùm: dicente verò muliere: Sacerdos te statim absolvet; inquebat: solvi quidem à Sacerdote possum, sed ego me scelere obstringere non possum, nec debeo. *Ann. S. J.* Cave unquam pecces ideo, quia facilis est remissio; facilis confessio. Peccatum terribile est: præsumptio de misericordia Dei. Horres ad rem hanc? ah utinam rara adeò inter studiosos esset, quàm terribilis est!

31. Coloniensis quidam B. Virgini à puero devotus, ejus imagini advolvi indies consueverat, & preces pro felici morte perolvere. Morbò gravì prostratus totus ad B. Virginem confugit, hanc unam in corde, hanc in ore habebat assidue, pridè mortis matri affirmat, visam à se esse Deiparam, à qua ad cælum invitaretur: ergo expiatâ rursus conscientiâ, in amplexu B. V. expirat pacatissimè. *Ann. S. J.* Non est auditum quenquam à Maria derelictum, qui eam constanter & seriò invocaverit. Tum maximè adest, quando omne humanum deest auxilium. Vis ut adsit tibi in morte, cole eam in vita. Infelicem crede diem illum, quò eam non honoraveris per preces consuetas.

*Adolescens lascivus Lusitanus, puellam castissimam ad scelus immane sollicitare ausus est: vi armatâ irruumpens in cubiculum ejus; cum nihil precibus, & donis profecisset, gladium stringit, aut consensum, aut vitam extorturus. Non cessit virgo, paratam se mori potius quàm Deum offendere ingeminabat; opem fixis in coelum oculis à Virgine Virginum flagitabat: Masculos repente spiritus concepit, collecti quæ viribus aggressorem invadit, domo protrudit. Letalem plagam, suomet divinitus ferrô infligitam, sensit impius; pudore & dolore plenus domum revertitur. Sanato utcunque vulnere (ô insaniam! ô impudentiam!) ad Virginem revertitur, repetit preces & minas: Virgo obem Maria denuo invocat. & ecce prodigiosum supplicium! juvenis manu invisibili feriente gravissimè vulneratus oculis caligine pressis, cubiculo pedem effert, moxque necessariis Sacramentorum subsidiis destitutus repentinâ morte temeritatem luit. Nada si. Mors infelix, Stipendium peccati! Resipiscere debuerat impius poenâ primum inflictâ; sed quò non rapit passio excacata? studiose, ne dixeris peccavi, & quid accidit mihi triste? Altissimus enim est patiens redditor. Nondum punitus es majorum forte scelerum reus? agnosce & lauda Dei clementiam. Peccare etiamnum vis? exhorresco justitiam. Eò te momentò mors potest obruere, quò peccatum audes perpetrare.*



[illegible]

Anni Sancti Mensis Octavus  
Augustus.

1. **S.** Ludovicus, postea Galliae Rex, mihi sic studebat puritati conscientiae: adeo ut nullā graviore noxā eam unquam inquinaverit. Hunc fervorem in eo excitaverat pia Mater Blanca, quæ sæpe hīs eum verbis affata fuit: Mallem te mortuum videre fili mi, quàm peccantem. *Spec. Jur.* Imitare: Quasi a facie colubri fuge peccatum: puritatem conscientiae quære, & conservare labora: nihil in ea maculæ, nihil labis adhæreat.

2. Berchmannusliberiores quosvis sermo-  
nes adeo tuit exosus, ut non modo tales pro-  
ferret nunquam, sed & eo veniente abrum-  
perentur ab aliis; velut ad novi Bernardini  
conspectum erubescerent. *Ex vita* Imitare:  
à spurcitiis talibus non solum ipse abhorre-  
as, verum & te præsente nemo eas profer-  
re audeat. Palam te, hostem suum sciant,  
qui impia effutire non verentur. Cur risus  
eorum times?

3. Udo Adolefcens piffimus, poftea Archie-

chiepiscopus Magdeburgensis scelestissimus; hebeti & obtusô erat ingeniô. Erubuit ad continuas aliorum irrisiones. Ergo vice quadam templum S. Mauritiî ingreditur, intensissimôque affectu feliciorẽ in studiis successum à B. Virgine flagitat. Apparet hæc ei, blandè consolatur, spondet & profectum felicem, & Episcopalem dein Insulam: hoc tamen monitum addit: Vide ut bene utaris scientiâ tuâ; aliàs gravissima tibi pœna imminet. Eventus respondit promissioni: Mox enim eminere in schola Udo, cæteris omnibus præcellere, omnibus esse in honore cœpit: post aliquot annos in Episcopum electus. *Barzias*. Usque huc tutò imitare: ad B. Virginem confuge in studiis tuis: bene utere talentis & scientiâ tuâ; aliàs pœnagavis imminet, sicut Udoni. Hic enim factus Episcopus vitiis se dedit: monitus de nocte his verbis: Udo satis lusisti: cessa à ludo! non cessavit: hinc terribilî suppliciô de nocte è scelere dicam? an lecto abstractus, miserè periit. Time exitum similem. Sed & has voces altum animo imprime: satis lusisti: cessa à ludo.

4. Berchmannus videns canem aliquem jubente Domino in aquas licet profundissimas salientem, & pro panis frusto mirè se fatigantem. ait; An Domino Deo obedire par non sit pro tanto præmio, quantum cœ-  
lum

lum est! *Ex vita.* Sic est: Res quæ ruborem incutiat: bellua pro frustulo panis nihil non agit; nulli non periculo se committit: spondet Deus cœlum, & laborare renuis? statue spe tanti præmii nullum laborem refugere. Spes eadem consoletur molestias in studiis occurrentes.

5. Franciscus Mastrillus postea in Iaponia Martyr, tempore incommodo à sene & moroso aliquo sacerdote rogatus, ut ad aram facienti assisteret; vehementem in animo reluctantiâ expertus est; tandem eam Dei amore vincens abit, ministrat: & ex eo tempore mirificis à Deo gratiis se locupletari advertit; quas gloriosa demum mors pro fide obita, coronavit. *Ex vita.* Quantillum est, ex quo ingens Dei in nos favor, imò salus nostra pendet! una sæpe victoria est in re levi v. g. in surgendo in superando, respectu vano, in adeundo templo, &c. Huic ergò victoriarum generi frequenter stude. Forte è tali salutem tuam dependere voluit Deus. Imprime tibi duo illa axiomata P. Lancicii S. I. Nihil leve, quod summa æstimat Majestas: nihil exiguum, quod summa reprobatur sanctitas.

6. B. Aloysius convivio interesse coactus fuerat: eò solutò ad choreas à puella nobili invitatus. Exhorruit castus animus Aloysii, & pudore suffusus clam se fugâ proripuit, jurejuran;

iurejurando affirmans ad talem se occasionem nunquam rediturum, *Ex vita*. Disce choreas & vanitates similes (atque utinam tantum vanitates) horrere, velut castitati minus amicas. Disce fugere occasiones, ubi vel à longe periculum animæ tuæ imminere advertis.

Juvenis. quidam jœdissimo contra Castitatem vitio assuetus venerat ad Thomam Cantipratanum. Monuit isle, vim ut sibi inferret; peccatum adeò periculosum caveret. Rediit ille identidem eodem inquinatus scelere. Festò Paschatis iterum seriò à Thoma monetur: intentatur ira divina, qua tandem vindictura esset injurias adeò frequentes divina illatas Majestati Abit ille, sed eodem adhuc die peccatum idem. infelix repetit. Adest ultor Deus, & adoplexiâ tactum ad tribunal divinum evocat. Una morietis vox erat: vindicta Dei super me! vindicta Dei super me! Th. Cantip. Relapsus in eadem peccata gravia metue: Vindictam Dei formida, qua frequenter in ipso peccato oppressos deturbat ad supplicia eterna. Disce in propositis constans esse, ne ultor Deus inopinantem te obruat. Vereor certe, ne si hac ratione pergas vivere, sub finem exclames lugubre illud. Vindicta Dei super me.

7. Landishuti in Germania juvenis cum heterodoxis familiarior, hæsitare in fide coeperat. Adest ei noctu Virgo Mater duobus stipata

stipata Angelis: uterque stricto gladio interitum minitari videbatur: alter has voces addidit: Hoc ego te ense è vita ad inferos deturbabo, si à fide desciveris. Experrectus juvenis hæsitare desiit, majore Virginem Deumque fervore venerari incœpit. *Ann.* S. J. Maria Virgo quàm sollicita est pro salute nostra! terret, monet, hortatur. Mater est: filiorum amat animas. In Germania ad sacerdotem sacrilegum, Virgo Mater mulierem sanctam ablegavit. quæ hïs eum verbis moneret: Finem tandem libertati pone: periclitatur anima: instat interitus sempiternus: damnandus jam fuisses, nisi dilationem supplicii pro aliquo adhuc tempore impetrasset. Hæc Mariæ monitio fuit. An minùs in te benignam expertus es Mariam? An similes ad cor tuum voces illa non protulit? Ubi esses si mater illa clemens non fuisset? sed adverte: Impetravit ut supplicium differretur, non ut auferretur. Libertati finem pone: redi ad matrem: age gratias: novo nomine obstrictam ei vitam, consecra.

8 Fuldæ Adolescens nobilis cubitum jam concesserat, somnum jam auspicatus fuerat: cum boni Angeli instinctu excitatus, neglecti eo die Rosarii recordatur. Vincit se, è strato surgit, preces persolvit. Interea superior lecti tabula magno impetu ac pondere in lectum decidit, certò juvenem exitio

tiō oppressura, nisi pius in Mariam affectus eum lecto evocasset, & discrimini hac ratione subduxisset. *Ann. s. J.* Imitare: Constantis esto in colenda Virgine. Constantiam amat & remuneratur. Non temporalem solum, verum etiam æternam perniciem à clientibus suis, pia mater sæpe avertit.

9. Viennæ in Austria Adolescens lautè educatus, ab ipso Præceptore edoctus est artem surripiendi parentibus pecuniam illam, quā in ganeis ac lustris prodigere posset. Hanc ille pecuniam in suburbano abscondebat; inde quantum necesse erat, vicibûs singulis deprompsit. Accesserat aliquando locum illum, & ferme vacuum videns, de novo subsidio deliberat. Dumque huc illuc animum versat; umbram loquentem audit & videt, quæ pecuniam ex voto amplam spondebat, si juvenis se ei devoveret. Quærenti verò juveni, unde esset? reposuit; post datam prius fidem rem à se apertum iri. Nolo hoc, subjungit juvenis; jam scire cupio, qualis aut unde sis. Hæc dicens velut æstrō infernalis genii percitus, inconditè clamare cæpit: Rapi se, auferri à dæmone, jugulari. Accurrunt vicini, domum referunt, vinculis alligant: Patres Societatis advocant, à quibus amuletis sacris instructus nonnihil quiescere cæpit. Postridie domo exiens sensit se vi arcanâ repente in vallem abditam

ab atro

ab atro cane deductum; sensit offerri sibi  
hîc cultrum, ibi gladium, quô necem sibi  
conscisceret. Anxius recurrit ad PP. S. I.  
rem omnem ordine exponit, confessione ge-  
nerali conscientiam expiat, priorem quie-  
tem recipit, Deo servire incipit ferventiùs.

*Ann. S. J.* Postremum imitare, non priora.  
Quietem conscientiaë amas? Confessione  
generali conscientiam emunda. Magno hæc  
erit in morte solatio. Fuge consilia prava,  
cujuscunque sint ea. Noli ganeas & caupo-  
nas diligere; plurimorum enim criminum  
occasiones in illis reperies. Unde furta, ra-  
pinæ, lites, discordiæ, blasphemiaë, otium,  
tepor in studiis, neglectus pietatis, tristitia  
parentum, ira demum & vindicta Dei ter-  
rifica, nisi ex domuum ejuscemodi accessi-  
one deliberata & frequenti? Principiis hic  
obsta; nec aliorum exempla impia sequere.  
Anxium te, aut scrupulosum appellent; ride.

10. B. Stanislaus S. Laurentium accepe-  
rat in Patronum menstruum cum sententia  
hac: vigilate & orate, &c. Accepit has tan-  
quam è cœlo voces; ad mortem sanctè o-  
beundam se disposuit, Patroni sui pro ulti-  
ma horula præsidium enixè imploravit.  
*Ex vita.* Non casu semper sententiæ in Pa-  
tronorum schedulis obtingunt. Sæpe vox Dei  
est. Obsequi nunquam nocet. Memento e-  
tiam cultûs Patrono tuo debiti: eum pro  
hora



hora mortis tuæ invocare, sedulò labora?

11. Berchmannus eâ exteriore modestiâ preces suas in templo persolvit, ut tanquam ad Aloysium alterum (sic enim vocabatur) multi concurrerent; qui mirabili illâ orantis compositione intimè se commoveri fatebantur. *Ex vita* Outinam non scandalo aliis sit tua in templis conversatio! Res execrabilis; in conspectu Angelorum, atque adeò ipsius Iudicis Dei ea agere, quæ nec præsentis Patre aut Magistro tuo auderes! facessat quæso à te omnis garrulitas, irreverentia, libera oculorum evagatio, & quidquid domum Dei dedecet Templum accessurus actum fidei elice: Vivit Dominus, in cuius conspectu isto, dicebat Propheta. Cogita coram quanto Domino vilis vermiculus compareas, & non poteris vel minimum tantâ præsentia indignum admittere.

12. Ildephonsus deinde Toletanus Episcopus à puero duabus præcipuè rebus studuit, castitati nimirum, & tenero erga B. V. affectui. Singulari cultu semper venerabatur Virginem in cœlos assumptam, ad quod festum diu ante se præparare consueverat. Præmium speciale tulit factus jam sacerdos. Nam cum festo illò preces suas manè in templo persolvisset, apparens ei B. Virgo Casulam manu cælicâ elaboratam attulit, atque ad continuandos pro honore suo labores animavit

animavit. *Ex vita.* Imitare. Festum proximè  
secuturum præcipuâ quadam devotione  
perage. Dies enim ille est, quò teste S.  
Bernardo Advocatam præmisit peregrinatio  
nostra in cœlos, efficacius pro nobis inter-  
cessuram.

*Pultoviensis quidam Sodalis festo Assumptæ  
Virginis neglecto sacro & communione, cuius  
nescio negotii causâ, iter eques suscepit. In via  
subito velut sumine tactus, equo excutitur,  
humi proster nitur, per sex horas jacet quasi  
exanimis: Domum ad se rediens, culpam pœ-  
namque neglecti Mariani cultûs agnoscit. &  
palam ceteris proftetur. Iaroslaviensis quidam  
graviter ab alio, die quodam vulneratus: En  
ait, primâ vire hodie omisi preces meas ad B.  
Virginem & omnia infelicitè cedunt Ann. S. I.  
Amat B. Virgo exhibita sibi obsequia, odio  
habet & castigat negligentiam. Tu cave, die  
ullo consuetas preces omittas: cave festum B.  
Virginis abire patiaris, quò non devotione de-  
bitâ divinum epulum suscipias. Castigare novit  
negligentiam Virgo potens.*

13. Berchmannus moriturus apprehendit  
imaginem Crucifixi, Rosarium quod è collo  
semper tulerat, & libellum regularum. Hæc  
tenerrimè amplexus, exclamat: Hæc tria mi-  
hi charissima sunt; cum his libenter moriar.  
*Ex vita* Et quis non cum his libenter mo-  
riatur? tam pretiosi cultûs tenens testimonia  
quis

quis non libenter ad iusti licet iudicis tribunal abeat? Nunquid & tu in horum amplexu mori exoptas? Vive cum illis, & morieris cum illis. Sint tria charissima tua, Iesus Crucifixus Iesus Eucharisticus, Maria Virgo, & individua hujus comes, castitas. Hæc jam amplectere; & in horum suavi complexu ad beatam æternitatem emigrabis.

14. B. Aloysius pridie S. Communionis jejuna; de sanctissimo altaris sacramento vel loquitur cum aliis, vel cogitationes eò omnes dirigit, potissimum ultimas vesperti, & primas manè. *Ex vita.* Imitare. Suscipies eras, non dubito, eundem quem suscipit Aloysius: O utinam eadem cum præparatione! majores profectò gratias à Christo Eucharistico experireris. Res horribilis, simul mirabilis: una communio sanctum efficere hominem potest, teste S. Theresiâ. Et nos post tot SS Communiones in eadem peccata relabimur; iidem sumus, qui antè. Unde hoc præparatio deest. Hujus memento! In primitiva Ecclesia acclamabatur communicaturis: **Accedite cum fide, tremore, & dilectione.**

15. B. Stanislaus ubique in B. Virginis præconia vigilans fuit: semper titulos, nova nomina excoxitabat, quibûs eam laudaret. Filiali planè fiduciâ incitatus literas ad eandem scribit, quibûs incensa animi sui desideria exponebat. Præter miras gratias à B. Virgine obtentas

obtentâs, bis ab ea inuisti meritis est, semel etiam divini Filioli amplexu beari. *Ex vita.* Renova hodie devotionem tuam erga B. Virginem. Fiduciâ magnâ eam implora pro hora mortis tuæ; ut inter amplexum Iesu, & Mariæ, valeas expirare. Commenda ei hodie & vocationem tuam. B. Aloyfius hoc die enixè rogans B. Virginem pro felici vocatione, voce perceptibili ab ea ad Societatem Iesu vocatus est: ingredi, aiebat, Societatem Filii mei.

16 S. Iustus septennis sponte ad Martyrium properabat, ut pro Dei gloria pati aliquid posset. S. Pastor ejus socius aiebat: Corpus hoc licet tenerum, in holocaustum offeram Deo. *Spec. Juv.* Obtulisti te sæpe in holocaustum Domino Deo, & B. Virgini: sed si holocaustum est, totum Dei, totum B. Virginis est: nihil ex eo tuum. Cur ergo corpore tuo abuteris, ac si tuum esset? cur linguâ, cur manû abuteris? obtulisti te Deo, non ampliùs tuus es. Si verò rapis ista ex holocausto, time vindictam Dei dicentis: Ego Dominus, odio habens rapinam in holocausto. Propone membra tua, præcipuè linguam, manus, pedes non adhibere ad offensam Dei.

17. Basilus puer Constantinopolitanus moriens ad præsentem sibi Angelos dixit: Expectate, dum decem obulos solvam; ne habeat

beat princeps tenebrarum, in quo me accuset. *Parad. Puer.* Timuit innocens ille rem tantillam: an tu majora non times? Vereor, ne multa sint, quæ morituro tibi dæmon sit exprobraturus. Quid ages? sic res conscientia jam compone, ut dæmonis objectiones metuere non debeas. Aut nihil admitte, cujus te pœniteat, aut admissum ritè expiare festina.

18. In Bohemia Sodalis æquo propensiorrem se sensit ad potationes immodicas. Serium emendationis desiderium ostensurus primùm vinò abstinere per B. Virginis octavam: dein examine particulari ipsam vitii radicem aggressus est. Quoties errorem à se admissum vespere in examine reperit, toties acri flagellatione in semetipsum læviendò vindictam de eo sumebat. Atque sic emendatio velox & solida secuta fuit. *Ann. S. J.* Consuetudo quævis ut firmas egerit radices, expugnari hac ratione potest. Utere ergo hīs mediis. Quis aliàs seria esset dicet proposita toties in Confessionibus facta? Examen particulare tibi commendo, si quæ potentior in te passio viget.

*Landelinus adolescens piissimè à S. Ausberto educatus fuerat. Annos jam aliquot sancte exegerat: cum parentes ipsi & amici à virtute abducere eum cœperunt, & ad agendam è seculi legibus vitam impellere. Obsecutus impia parentum*

rentum voluntati Landelinus, vitam coepit pri-  
ori prorsus dissimilem; demum malorum  
confortiō, & exemplō ad ipsa furtā, & latro-  
cinia exercenda delapsus est. Destinata nox  
quadam fuit, quā cum sociis divitis cujusdam  
domum in villa aliqua expoliaret iam manus  
impio operi ab omnibus gnarviter adprodebantur.  
Subitō quo nescio casu, sociorum quidam apo-  
plexiā tactus humi exanimis prostermitur. Terri-  
ti reliqui desistunt à consilio impio Landelinum  
tristis mortis adeò repentina species assidue agi-  
tabat: augebatur terror, dum in somno vi-  
dere sibi videbatur socium paulo antè mortuum  
ad aeternas inferorum flammās à dāmonibus  
raptari. Terrore sic undique perculsus adflare  
sibi Angelum custodem videt, atque hīs ab eo  
se vocibūs compellari audit: Impie, an & nunc  
quoque istorum socius esse desideras? vides sce-  
lerum prēmia? emenda mores: instat vindicta  
Iudicis. Nec mora. Landelinus in se rediit, pe-  
riculum agnovit, vitam sceleratam deseruit,  
pœnitentiam ad vitæ finem usque egit rigidissi-  
mam. Pexenf 1. Societas detestanda quò non  
deducit? Juvenem sanctè à viro san o edica-  
tum ad tam tetra flagitia? & tu non times?  
2. Sociorum unus perit. servantur alii. Vene-  
rare & time judicia Dei. 3. Moritur infelix in  
scelere suo. Quæ nunc misero utilitas ex furtis,  
ex latrocinis? An tu mortem in peccato non  
times? Eò momentō (imprime queso tibi veri-  
tatem

tatem hanc) Eò momentò, quò peccas, mori potes: damnari potes. 4. An & nunc socius istorum eris? quarit Angelus. Credis plures habere inter inferos ob eadem peccata, quæ tu perperas: & non times ne socius sis poenarum, qui socius es scelerum? 5. Agit Landelinus poenitentiam viso alterius interitu. Age & tu. Aut enim poenitendum, aut ardendum!

19. Berchmannus nocte ultimâ graviter tentatus hâs vocibûs horrorem peccati, quem semper habuerat, testatus est: Egone te offendam Domine? O Maria! ego non offendam filium tuum? absit à me: non faciam. Malo centies mori. *Ex vita.* Voces auro & cedro dignæ! O si tuæ hæ essent! O si frequentes essent! in hoc ostende an ames Deum, & B. Virginem; ut tentatus ad peccatum, fortiter & constanter resistas. Repete in tentationibus voces has: O Maria, ego non offendam filium tuum: malo centies mori. Sic placebunt Virgini cætera obsequia.

20. S. Bernardus mulierem incautè intuitus tentationes exinde concepit: has ut domaret, in lacum frigidum collotenus se demergit. Dilinganus Sodalis tentationes similes extincturus nudo corpore se volutat in nivibus; ad cruorem usque se flagellat. *Ex vita.* & *Ann. S. I.* Tantum à te non peto: leviores tamen mortificationes ut pro Castitate suscipias, & suadeo & hortor. Liliū Castitatis inter



inter spinas pulcherrimè efflorescit.

21. Sodalis quidam Neapolitanus certorum Religiosorum consortium omni studio cavebat, ne pro sua, ut aiebat, arte dicendi, Religionem illam facile persuaderent. Aliquando has sibi audiit allabi voces: Non est, quod de me conqueraris in extremo die iudicii. Religioni huic nomen dandum esse prædixi, salutis viam ostendi. Territus adolescens, ingressus est Religionem illam ipsam, quam tantopere horruerat. *Lechn.* Fortè eadem sunt Angeli tui voces: Sit eadem tua obedientia: Imple vocationem tuam.

22. Monachii Sodalis admonens alium officii sui, pugnò ab eo percutitur: sed memor concionis de frenanda ira habitæ, alteram etiam maxillam exhibet: Audacior alter, & huic colaphum infligit. Defertur res per alios ad Præsidentem, citatur uterque: Jubetur alter alterius pedes osculari. Tergiversatur lædens: Læsus paratissimus ruit humi, parat osculum, sed prohibetur à Præsidente, volente tantum hoc actu virtutem coronare. *Lechn.* Quot hic vides victorias? imitare in hoc: Recordare tot exhortationum, quæ in scholis habentur: Imple monita, quæ paternò prorsus animò suggeruntur.

23. Iapon quidam Adolescens ad deferendam fidem incitatus, intentatâ etiam morte, nisi Imperatoris ita iubentis imperio obediret,

respondit: Æquum est, ut corpus fructibus Iaponiæ sustentatum Imperatori dem; faciat is de hoc, quod videbitur: Animam meam Deo transcribo, quem offendere nolo: & minimè æquum est id à me fieri, ut homini Regi placeam. Observa voces ultimas & animo tuo imprime; Minimè æquum est hominis gratiâ Deum offendere. Veritas Christiana est, cui tu toties contrariaris, quoties petente socio, homine quocunque, aut dæmone, Deum offendis; pietatis exercitia negligis. Propone aliud deinceps agere.

24. S. Thomas Aquinas adhuc parvulus sæpè quærit: Quid sit Deus? datâ verò explicatione aliquâ, mirè in ejus amorem exardescit. *Spec. Juv.* Utilior hæc cupiditas sciendi est, ac nonnullorum nescio quæ scire cupientium. Quàm multa petiisti fortè scire ex condiscipulo, ex socio illo, quæ ne cogitare quidem tutò potes! stude deinceps cognitioni rerum divinarum. Si Deum nosces, Deum non offenderes. Si infernum nosces peccatum exhorresceres. Dic cum Augustino: Domine noverim me! noverim te.

*Parisiis* Juvenis vixerat moribus integerri-  
mīs, subitaneo eoque gravi morbo correptus  
terribilem agonem sustinuit, Interea horrenda,  
& terribili voce exclamat, O miserum me! ut  
tinam natus nunquam fuisset! paulò post ait  
Iustâ lance age! post aliquam moram addit

Appone

*Appone aliquid de meritis Christi. Demum subjungit: Iam bene habet. Redditus sibi ajebat: Vidi, ah vidi in tremendo Dei judicio strictam adeo rationem exigi de verbis, de rebus etiam minimis; tam accuratè librari omnia, ut salutem meam impossibilem crederem. Revixi tandem per Christi merita; jam latus morior. Pædag. Tragicum expectâsti exemplum, & latum tibi proponi inquires, Studiose: Falleris: hoc ipsum, si expendis, admodum tragicum est. Adolescens omnium judiciò innocens terribilem adeo agnitionem sustinet; tremendam adeò justo Iudici rationem dare cogitur: Quid tu tibi polliceris? Ah non credis, non credis, quàm stricta de minutis omnibus reddenda sit ratio. Time, time rationem terribilem, quam reddere cogeris de tot annis malè impensis; de tot Parentum sumptibus, &c. Sic vive, ut justo Iudici respondere queas.*

25. Berchmannus ajebat: Quo ad Mariam diligo, de salute mea certus sum. Hujus amore indies Rosarium & Officium persolvit. Ad successum verò felicem rei alicujus impetrandum, Statuæ ejus schedulam aliquam affigit, in qua sic scripserat: Si obtinuero hoc beneficium, orabo tot Rosaria; peragam tot SS. Communiones &c. *Ex vita.* Cliens Mariæ nullus æternum perit. Sperare de salute tua optimè cogor, quamdiu Mariam à te verè diligi video. Imitare, quotidie pensum

H2

Mari;

Marianum solve. Pro successu felici rei aliqujus ad Mariam abi.

26. S. Agapitus Martyr annô ætatis decimo quintô, cum fidem ejurare nolle, igni addieitur comburendus: Carbones ignitos ipse capiti imponit dicens: Non est magnum, si caput hoc coronandum in cælis, ardeat in terris. *Ex vita.* Spe præmi animabat se ad toleranda tormenta. Tu cur longè leviora nauseas, cum idem tibi à Deo præmium sit promissum? Renova propositum laborandi pro cœlo.

27. In Polonia Adolescens quidam diutiùs ex tepiditate & rerum sacrarum tædio abstinuit à Misteriis sacris; hinc mores contraxit eos, quos in ejuscemodi adolescentibus prò dolor! indies intuemur. Adest ei de nocte Cuitos Angelus, & manu designans locum in Tartaro, spectrîs & ignibûs horribilem, ait: Si moram adhuc facis, mox detruderis. Expergefecit hoc luvenem in sua socordia stertentem, atque ad frequentius suscipienda sanctissima Mysteria incitavit; unde vitam sanctiorem vivere exorsus est. *Ann. S. J.* O quoties idem tibi per inspirationes internas loquitur Angelus! exhibet damnationis periculum; designat orcum, si tardes converti ad Dominum. Tu quid agis? an eô modô obsequeris quô adolescens ille? incipe saltem hodie, & seriò convertere ad Dominum:

num: Relinque occasiones illas peccandi: Cave ullum unquam te tædium capiat sanctissimorum Myſteriorum; cave ſtatuto tempore negligas. Vox Dei eſt: Qui ſe elongant à te, peribunt.

28. Apud Panamenses Iuvenis poſt annos non paucos in ſcleribus exactos, unam de æternitate concionem amicitie cauſâ acceſſit; eâ ſic commotus eſt, ut eò adhuc momentò vitam priorem correxerit. *Lechn.* Imitare: Conciones accede non quidem amicitie, ſed ſalutis cauſâ. Una læpè ſententia fuit, quæ obſtinatiſſimos peccatorum animos emollire potuit. Cave ergo imiteris eos, qui concionibus ſe ſubducere clanculum ſolent. Vox Chriſti eſt: Qui ex Deo eſt, verba Dei audit.

29. Iuvenis quidam Perilluſtris, Viennæ, Patri Carolo Muſſart narrabat, quos jam gradus honorum eſſet aſſecutus, & quos adhuc ſperaret. P. Carolus poſt narratos ſingulos aiebat: Et poſtea quid? deinde quid? in fine demum ſubjunxit: Denique mors, mors demum ſequetur. Hac voce, & mortis meditatione in alium à ſe converſus Iuvenis terrena omnia valere juſſit; eò ſe contulit, ubi certiùs honores perpetuos daretur obtinere. *Ann. S. J.* Mori memento. Cogita: Poſt hæc quid? poſt gaudia tua; poſt otia; poſt dies & annos genio datos quid? quid

H3

ſequetur?

sequetur? Mors. Hæc te saniora docebit consilia: hæc ad vitam sanctam impellet: hæc in ea te conservabit. Conservavit præter innumeros Liffardum quendam. Is vitam sanctiorem pertæsus, reditum meditabatur ad sæculum. Noctu visus ei est Angelus; surgere cum iussit, & se præeuntem sequi: ducebatur ab Angelo ad cœmiterium, & cadaver unum ex alio intueri jubebatur. Ostensio unò recenter sepultò agebat Angelus: Vides hunc hominem? citò talis eris. Cumque ad alia rursus cadavera ducere Liffardum vellet, reposuit iste: Parce mihi Domine, parce; non enim possum illa videre. Cui Angelus: Si non potes hoc, quod citò eris, videre, cur vis de portu salutis recedere; si vis, ut parcam tibi, promitte mihi, quod non recedes ab hoc loco. Promisit illicò, & fervore novo vitam sanctam inchoavit, neque ab ea unquam destitit. Memento mori. Fortè in propinquo est mors? cur vitam sanctè coeptam deseris?

30. Berchmannus quæsitus in morte, an rationes suas sic composuerit, ut mortem non timeat: Respondit: Si tempus in mea potestate esset, per aliquot dies facerem exercitia; si autem hoc non daretur, tamen libenter morerer. Quæsitus, an nullâ re angatur, nullius peccati sit memor? reposuit: Paratus sum mori. *Ex vita.* Felicem te, fatales

si tales esse possint tuæ in mortis articulo voces, ut esse possint. Compose tuas cum Deo rationes per confessionem generalem, dein per quotidianum examen, & confessiones ordinarias serias. Uti solum peccatum in morte angit, ita solum solatio est conscientia emundata. Huic ergo stude.

31. Guilielmus Adolefcens in Aquitania gravem morbum contraxerat, quem patientissimè toleravit. Die quodam duo Angeli, Tutelaris alter, alter Sodalitatis eum inviscabant sic dicentes: Guilielme, bono animo esto. A Deo & Dei Matre missi sumus, ut tibi morienti solatio simus. Placuit Deo integritas tua & exacta legum observantia, præcipuè circa accuratam SS. Mysteriorum susceptionem. Animam tuam Sabbatho proximò cælis inferemus. Narravit hæc Iuvenis, & statuto die lætus obiit. *Man. Sod.* Ecce remuneratur B. Virgo exactam legum observantiam, & integritatem; hanc cole, & B. Virginis favorem certò tibi conciliabis. O quæ felicitas tua in morte, si à B. Virgine tale tibi concederetur solatium. Vivit adhuc eadem clemens Mater; invoca eam.

*Orentius Iuvenis festò S. Thecla è templo re-  
dux, dum Ecclesia ceremonias aliaque similia  
pradicari ab aliis audit; ipse; Mihi verò, age-  
bat, una mihi res perplacuit; una oculos meos  
rapuit ut cateris in templo omnibus omis-  
sis huc*



solū cogitationes meas dirigerem; rogabam  
etiam S. Theclā, ut huius unius venustate  
frui mihi liceret. Nefandas & audiendas in  
orco preces! abiit dies inter jocos turpes & po-  
tationes, somnō & vinō graves cubitum disce-  
dunt impii. Orentio dormienti objicitur species  
S. Thecla aureo Throno confidentis, & munera  
cultoribus largientis: quæ demum & Orentii  
precibus se condescensuram ajebat, & donum  
flagitatum impertituram. Nec mora: Obici-  
tur spurca puella in templo visa forma; Oren-  
tius sui vix compos ruit in amplexus, osculatur  
furiat. Sed ecce Venus ista in horristam su-  
bitō Harpyiam versa, in Orentium metu attoni-  
tum involat, cutem à capite ad calcem diripit,  
tanto cubiculum foetore implet, ut alii ibidem  
dormientes tantum non exanimarentur. Orta  
luce excoxiatum suo innatans sanguini cadaver  
repererunt. Quo aspectu, & similis sibi impen-  
dentis supplicii metu perculsi, vitam impiam  
detestantes, crepère sanctiorem. Pexens *Varia*  
*habe, quæ discas.* 1. Accedere ades sacras non  
ad colendam Dei majestatem, sed pascendos  
protervè in spurca forma oculos, & quàm abo-  
minandum, quot tartari dignum! qui templum  
Dei violaverit, disperdet illum Dominus: Tem-  
plum accede precum studio. non alio ex fine;  
aliàs va anima tua! in templo oculos non for-  
ma diabolica, sed Deus solus habeat in se desi-  
nos; aut certè modeste compositos tene. 2. Mo-  
mentaneam

*mentaneam & imaginariam tantum voluptatem eternis inter inferos suppliciis luit Orentius? Ubi tu lues eas, quas fortasse in scelere simili sectaris delicias spurcissimas? Audesne & tu impuro osculo consecrata Virgini castissima labia inquinare? audesne manus toties ad Deum elevatas in amplexus ejuscemodi periculosos, sodales indignissimos, extendere? tu sodalis! Maria consecratus! absque pudore & stimulo conscientia! tot etiam vicibus audes! Erit, erit Harpyia infernalis, qua si non in orbe hoc ad aliorum terrorem certe inter inferos eternum te dilaniabit. Perge, & R. Virginis, cujus sodalitati nomen dedisti, amorem perfide adeo & sacrilegè unius alteriusve persona: (cœlites! hac ego sodali Studio dicere cogar?) postpone. Noverit illa impiè contempta dignum rependere supplicium.*

\*\*\*\*\*S\*\*\*\*\*

Anni Sancti Mensis nonus

September.

- I. **A** Dolefcens è septem Machabæis illis, de quibus Scriptura refert, primus, ad violandas Dei Leges per esum carnis incitatus, sic respondit Antiocho Regi,  
**Rs.** Quid

Quid quæris, aut quid vis discere à nobis? Parati sumus magis mori, quàm patrias Dei Leges prævaricari. Verbis fidem fecit mors maximò animò tolerata. *Ex L. Mach.* Non desunt tentationes ad violationem legum. Audiatur ex te vox illa: Paratus sum potiùs mori, quàm hanc Dei, hanc Sodalitatis legem prævaricari. Sed verbis facta respondeant.

2. Sodalis Halensis ubi tentari se à dæmone advertit, reposuit: Cor à me petis dæmon? non illud ultra habeo: Jam Deo meo consecravi. Alius Landishuti sic ajebat tentatus: Iuravi, ô Domina, me nunquam te derelicturum, aut contra te aliquid facturum quomodo ergo hoc facinus audeam? Aliis nihil frequentius fuit, quàm repetitâ sæpe Marianâ formulâ, aut renovatò Castitatis votò, aut Sodalis Mariani nomine velut scutò, tela nequissima à se arcere. *Flor. Mar.* Ecce varios tentationes excutiendi modos. Hos amplectere; gratiam addet Divina bonitas. Elige, quò præcipuè modò posthac uti velis.

3. B Stanislæus mirâ prorsus devotione & fervore preces persolvit. Facies orantis ignita plerumque & æstuans apparebat. Eousque verò orationem produxit sæpiùs, donec vires animum deficerent. Attentio pariter arctissima erat; quippe ne vel momentum tem-  
poris

poris distractiones sibi rapiebant. Idem pro-  
sus de Beato Aloysio legitur, quī gravius  
sibi esse aiebat mentem à Deo avocare,  
quàm hanc eī tenere affixam. *Ex vita* Rara  
profectò privilegia cœlitus concessa. Tu tem-  
pus Orationis lætò & alacrī animò ample-  
ctere: tædium & distractiones excute: Re-  
verentiæ exterioris memento.

4. Adolescens quidam vitæ liberioris ob  
neglectas Sodalitii leges frustra monitus,  
Sodalitate ejectus, magnīs ad Tartara pas-  
sibūs properabat. Nocte quadā ut conscientiæ  
stimulos placaret, cujus nescio turpis libelli  
lectione animum divertere quærebat. Sed  
ecce tibi! fragore subito concuti ostium  
conclavis & recludi, intrare gigantea mulier  
vultu horrido, hispido habitu, manibūs pedi-  
būsque in ungues desinentibus. Furiam di-  
ceres avernalem. Hīante interim, tremente,  
ac cœlitum Reginam inclamante juvene, sic  
Furia illa: Frustra est: frustra eam appellas,  
à qua, ubi Sodalitium deseruisti, vicissim  
desertus es, meæque potestati traditus. Me-  
ministi neglecta Sacramenta? contemptas  
Leges Marianas? Spreta monita? impiorum  
consortia? pudorem profligatum? ob hæc  
& alia scelera potestati meæ es traditus,  
rapiendus jam ad inferos. Dixit, & ungues  
exeruit fatale monstrum, in miserum irruit.  
Repetit ille, & qua voce potest, exclamat:

Hô

Sancta

Sancta Maria Mater Dei & Virgo, ego te in Dominam in Patronam eligo. Et vide Virginis clementiam! Adest illa, vultu quidem velata; jubet bono animo esse, Confessionem seriam parare, Sodalitati se reddere, vitam emendare. Obsecutus in omnibus adolescens vitam deinceps egit longè sanctissimam. *Hort. Mar.* Mariam si deseris, à Maria vicissim desertus es. Sed quid est à Maria deferi? quò ibis à Maria desertus? An non eadem tibi in morte scelera 'dæmon objiciet? quo tuo metu? jam fuge, ne objicere possit. Specialem experitur favorem juvenis hic: tu sperare disce, sed non præsumere. Favorem Marianum cupis? Age quod Maria juvenem hunc monuit.

5. S. Iacobus, quem Intercisum vocant, cum Christi fidem deferere recusaret, jussu Isdegerdis Tyranni membratim concisus est. Terribile hoc supplicium, futuræ gloriæ spes certissima consolabatur. Sic enim membra sua Heros inclytus alloquebatur: Ite, ite membra; tolerate dolores pro Dei gloria: erit, cum recipiam vos mirabili splendore decorata. *Ex vita.* Res est, quæ animare te in quovis tædio & labore possit, futuræ gloriæ memoria. Manus tuæ, pedes, oculi, si Divino cultui consecrentur, fulgebunt luce mirabili in perpetuas æternitates. Ne pigeat igitur ea, in oratione, in studiis, in templo  
ad Dei

ad Dei gloriam impendere.

6. S. Trudo liberio rem sociorum vitam liberrimâ voce arguebat. Idem egit S. Fredericus, præsertim si quem in æde sacra ridentem conspexit aut indecorè fabulantem. Uterque Dei offensam impedire laboravit, neque aliorum dicteria aut risus curabat. *Spec. Juv.* Scilicet, Deum amanti res intolerabilis est videre offensas Dei optimi, & tacere. Quantum subinde una amici mortis prodesse posset! quot peccata impedire! si carpere & monere refugis, defer ad eum, qui ad id ex officio tenetur. Nosti hoc aut illud inter condiscipulos tuos flagitium: audis sermones pudori inimicos: scis conventicula pericula? Taces? serpet flagitium; lues pestifera totum fortè Gymnasium corripit, antèquàm Præsidi innotescat. Quid respondebis Deo, tu tot scelerum per reticentiam maledictam reus? An dices, cur aliorum odia mihi concitem? quid ad me? studiose: Qui Deum amat, is nullius hominis odium, quin nec ipsam mortem in Dei causa, formidat. Vel ipsam mortem lætus obibo (dicebat Sodalis quidam à suis ægrè plagis acceptus, quòd condiscipulorum quorundam flagitia ei, cui debebat, aperuisset) si peccatum vel unicum impedire sic mihi liceat.

*Spira in Germania sæculo priore Iuvenis nati-  
mi*

miò auri studiò & amore accensus nuptias cum Heterodoxa parabat Iter ad consilium impium erat, tepor in susceptione SS. Sacramentorum & cultu B. Virginis. Monetur miser: intentantur mina. Non movetur. Aurum excacaverat miserum & vita, quam jucundissimam speraverat. Verùm delusit spes concepta juvenem infelicem. Vix etenim voti impii compos factus, repentinò morbò prostrernitur, atque intra tri-duum contabescens, nullò datò poenitentia signò miserrimè expirat. Ann. S. I. Non impunè contemnitur Deus. Aurum pro fide & pietate erat juveni caco: ergo pietatem & fidem perdidit: aurò acquisitò frui non potuit. Sors misera hominis Deum quocunque demum proposito bono deserentis! An non deseris & tu? si peccas graviter, Deum deseris. Et quantilli spe boni deseris? Tacet jam Deus, quia patiens est; erit, cum puniet, quia Iudex justissimus est.

7. Chilensis Sodalis non antè S. Communionem accedere solitus fuit, quam post di-uturnum jejunium, noctemque orando traductam. B. Aloysius post susceptam S. Eucharistiam à fratre è templo per famulum evocabatur: at ille nonnisi elapsis duabùs horis oblectus est, dicens: Deum propter homines delerendum non esse. Ex vita & Ann. S. J. Habes quæ ante & post S. Communionem imiteris. Quò major præparatio, eò uberior gratia. Noli mirari, si post tot  
SS. Commu-



SS. Communionem exiguum advertis morum emendationem. Præparatio tua qualis sit, vide. Conare deinceps esse ferventissimam. Opus grande est, neque enim homini præparatur habitatio, sed Deo. Post S. Eucharistiam susceptam, fac congruum semper tempus impendatur. O quàm acerbis digna lacrymâ eorum hominum cæcitas est, qui nobile aded tempus in suum commodum adhibere non sciunt! Statue hîc, quod animæ tuæ utile est, & in crastina S. Communionem opere ipso exhibere incipe. Fructus respondebit æternus.

8. Berchmannus in tentatione ad B. Virginem re-urrens aiebat: Ne me deseras, ô Maria, ne me fallas. Filius tuus sum: Tu scis quia juravi. Item: Testor me velle vincere & mori ut verum Mariæ filium. *Ex vita.* Nata est hodie Maria Virgo. Nascatur in te novus in ejus honore & amore fervor. Eam tu velut Matrem venerari statue. In quo verò te filium ostendes? In eo certè, si quæ filius Matri debet, eidem exhibeas. Filius Matri debet reverentiâ, amorem, obedientiâ. Reverere, ama Mariam: obedi voci ejus: eam non offende. Divinum oraculum est: Maledictus, qui exasperat Matrem suam. Illud etiam nota: In tentatione memore esto, quid B. Virgini toties promiseris; scilicet: nihil te dicturum aut facturum contra B.  
Virginem.

Virginem. Hujus memor, tentationi fortiter resiste.

9. S. Edmundus Castitatem votô promissam conservaturus, præter constantem B. Virginis cultum hæc adhibuisse legitur media: 1. Mulierum consortia, multò magis munera ab illis fortè submissa velut pestiferas quasdam incantationes averfabatur. 2. Abstinentiæ prorsus mirabili, & quidem à puero studuit; quâ non modò delicata quævis respuebat, sed pane, sæpe solo & aquâ vivebat. 3. Mortificationis diu noctuque memor fuit, ubi ubi demum sese offerebat occasio. *Ex vita.* Castitatem Angelicam servare velle, & similia velut dura nimium aut incongrua rejicere, insanire est. *Examina* hodie quid tu pro defensione virtutis hujus præclarissimæ agas? quid deinceps agere velis?

10. Patroclus, Adolescens quidam à proposito vitæ sanctioris consilio per oblatas mundi vanitates avocari sensim se permiserat. Cum ecce ab Angelo Custode ei in somnis exhibentur innumera salutis pericula, gravissima beatitudinis impedimenta, quæ in sæculo occurrerent. Vix ista conspexerat, & alium planè se sensit. Evanuit omnis mundi amor: revixit propositum primum: mundo valedixit; salutem in sanctiore statu quæsit & reperit. *Lechn.* Tuum est in electione

lectione statûs salutem & ejus pericula æquẽ  
ac media attendere. Non eligendus est status  
qui magis arridet vel tuo, vel parentum ge-  
nio; sed ubi salutem tuam securiùs operari  
te posse existimas: Si divina bonitas è Sodo-  
ma sæculi hujus exire te jubet, tu verò mi-  
seris ejusdem illecebris inelcatus, vocanti Deo  
morem non geris: Væ animæ tuæ! miseræ  
sunt illecebræ, ubi tot pereundi pericula.  
Finem specta, salutem tuam; hæc quod ju-  
bet, exequere,

II. B. Aloysius consuetâ dum volebat,  
mortificatione non contentus, morti prox-  
imus flagellum adhuc petiit, quo in se ani-  
madverteret. Quæsitus verò, an non ange-  
retur, quòd vitam suam nimis mortificati-  
onibus abbreviasset, reposuit: Nullatenus an-  
gor. *Ex vita.* Non angeris & tu in morte,  
sed ingens hauries solatium, si recordari po-  
teris mortificationum licet levium in cibo,  
potu, somno aliisque rebus susceptarum. An  
verò solatiolum hausturus sis recogitanste-  
cum gaudiola & commoditates, quibus non  
sine Dei offensa jam frueris, tumetipse ju-  
dica. Non memini legere fuisse aliquem,  
qui in morte solatium ex otio? ex illicitis  
confortiis, ex divinorum incuria senserit.  
Hoc legi, fuisse, qui morti proximus sic  
condiscipulos suos allocutus est, & Deum:  
O mi Deus, quare neglexi? quare tot con-  
cessos

cessos mihi dies vanis locutionibus impendi?  
cur meipsum neglexi? O vos omnes, qui ad-  
destis, qui florem juventutis adhuc & tem-  
pus habetis, me respicite, meoque periculo  
& damnò sapite. Ita iste electo velut cathedra  
ad suos loquebatur teste Cæsario. Altum hæc  
tibi imprime, & ne eadem deplorare cogaris,  
Aloysium jam sequere: pro hora mortis  
solicitus, nulla horre aspera; nulla difficultia  
in Dei obsequio occursura.

12 S. Antonius postea Patriarcha de re-  
bus Divinis libentissimè loquebatur cum su-  
is. Hauserat ex lectione spiritali axiomata  
quædam sacra quæ sociis frequenter ingere-  
bat: qualia erant hæc: Nihil magnum nisi  
quod ad immortalem gloriam ducit. Ber-  
chmannus sic cum suis convenerat, ut de  
rebus sacris loquerentur, narrando exempla,  
quæ è lectione sacra hauserant. *Ex vita.*  
Hæc scilicet loquela Sanctorum est: hanc  
disce. Turpiloquium & omnis immunditia  
ne nominetur in vobis, ait Paulus.

*Sæculo priore juvenis quidam puellam quan-  
dam insanè deperibat. quam cum ratione nul-  
lâ ad Dei offensam posset impellere; Necroman-  
ticum hominem accedit, pecuniam ei offert, si  
cupiditatis nefanda explenda occasionem procu-  
raret. Ille juvenem circulò per pavementum  
ductò includit, severè imperans, ne suo injus-  
su aut manum inde emoveret. Mox ad stygias  
adjurati;*

*adjurationes conversus varia oculis spectra exhibet. Tandem ipsa persona imago representatur. Juvenis scelerato astu victus, praecepti immemor, manus in amplexum expandit. Nec mora; à demone arreptus parieti alliditur, fluentemque cerebro exanimis raptatur ad Tàrtara; aternas imaginaria voluptatis poenas daturus. Nonelli. O momentum quod recreat! ô eternum, quod cruciat! ô verè paululum mellis, quod gustare voluit improvidus, & aeternum perit. Disce quid sit cogitatione etiam unicâ Deum offendere. Una cogitatio, desiderium unum turpe, te deturbare ad stygem potest. Ah expavesce, & occurrentes animo cogitationes periculosas illicò expelle. Vivit adhuc iustus ille & terribilis Deus, qui eâ ipsâ quâ peccatum paras horâ, aeternis te potest adjudicare supplicius. Time! cave!*

13. Nobilis in Belgio Adolescens parente mortuo opes omnes decoxerat. Ergo patriâ egreditur: Villicum comitem assumit, hominem impium. Quærebat hic ex juvene, an opes recuperare vellet? & annuentem ad nemus de nocte adducit, sistit dæmoni ut famulum recens auctorandum. Dæmon vim auri ingentem promittit, si Deum ejuraret juvenis. Obsequitur miser. Instat dæmon, ut & Mariam ejuret. Tum enimverò exhorruit, idque se facturum negavit dicens: Potius ostiatim stipem mendicabo, quàm Mariam

Mariam ejurem. Hæc ubi protulit, IESU & Mariæ nomina inclamans, dæmonis infidias evasit. Postridie ad B. Virginem confugiens, errorem acerbè deplorans, peream mirabiliter divino Iudici denuò conciliatus est. *Fusè. Hort. Mar.* Ejuras Mariam, quoties peccas graviter: & tamen facilis adeò es in re horrida? Agnosce & detestare scelus, & novum concipe pro futuris feriis propositum: Potiùs stipem mendicabo, potiùs omnia agam & patiar, quàm Mariam ejurè; quàm hanc, vel filium ejus offendam. Confians etiam esto in persolvendis iis, quæ magnæ Matris honori offerre soles indies. Intelicem cense diem illum, quò Mariam non colis.

14. Emmanuel Goensis Sodalit, à Saracenit captus, ad fidem deferendam sollicitabatur: Hic verò: Potiùs, ajebat, omne supplicii genus subiturus sum, quàm IESUM & Mariam negem vel deseram. Neque generosiùs dixit, quàm fecit. Mortem accerbissimam æquissimò animò toleravit. *Pexens.* Et quando similem ex te vocem audiet Custos Angelus tuus? quando simile spectabit constantiæ exemplum? Non tibi admoventur gladii, non intentantur supplicia, ut Deum, ut B. Virginem deseras & offendas. Levis tentatio est, leve tædium; horror difficultatis; amor commoditatis, &c. & Deum, & B. Virginem

Virginem desers, proposita toties facta violas, peccata repetis. Hicne tuus in B. Virginem amor? surgat tandem in animo tuo fervor imitandi gloriosos adeò prædecessores tuos Sodales. Statue hodie constantiam in pietate, in studiis, &c.

15. B. Aloysius hoc fecit servavitque propositum: Nunquam eò inducar, ut amore Patris, Deum offendam: potius cum Patris inimicitia in exilio per orbem vagabor, quàm in re minima à Dei voluntate discedam.

*Ex vita.* Quam tu de Dei amicitia æstimationem habes? ostende hoc, dum invitaris à sociis ad loca illicita; ad peccatum. Non dubita eos offendere, illis displicere, ne Deo displiceas. Nihil age in gratiam hominis, quo Deum offendas. Quid enim proderit tibi totius mundi favor, si favorem Dei perdideris. Hoc solum à te rogo, ajebat Sodalitis quidam moriens, ne tuus hostis fiam, ô Deus! & ne projicias me à facie tua.

16. Crispus Constantini Magni Filius, raræ venustatis & fortitudinis, rarioris innocentiae adolescens erat. Novercam habuit Faustam. Hæc scelesto amore accensa nil tale suspicantem Crispum ad diabolicum flagitium pellicere ausa est. Exhorruit castitas Crispi ad petitem impudens, animqûe generosô & preces Faustæ, & minas conculeans, fugâ sibi consuluit. Faustâ amore in odium



odium verſo, innocentem Crispum ſcleris graviffimi apud Conſtantinum accuſat; à quo non auditus, oblatô in cibis venenô trucidari juſſus eſt. Mortuus eſt innocens, mori malens, quàm turpi adeò ſcelere ſe obſtringere. Innocentia ejus ab ipſa Fauſta orbi manifeſtata, æternùm honoratur in cœlis. *Pexenf.* Non abſque cauſa toties generoſa ſclerum fuga inculcatur. Peccatum fuge, & ſalus tua in tuto eſt. Heroô opus eſt animô, dum tentatio occurrit. Nec preces hîc, nec minæ curandæ. Cœlum respice; illic æterna generoſo animo merces paratur. Quid prodeſſet Crispo, ſi peccato olim conſentiens, jam hæreret inter inferos? idem tibi proderit.

17. Theodorus poſtea Siceorum Archimandrita, adhuc puer, viri cujuſdam ſanctitatis famâ illuſtris Stephani, virtutes, præcipuè mirabilem inter cibos delicatiſſimos abſtinentiam imitari ſtudit; attentô ſemper oculô eum obſervans. Multis ideò favoribus à S. Georgio ad conſtantiam animatus legitur. *Spec. luv.* Placet Sanctis eorum imitatio: Huic ſtude, & majores Sanctorum favores in neceſſitatibus tuis experieris. Attende etiam pia Studioſorum tecum viventium exempla, & ea æmulare; aut certè propoſita indies documenta amplectere.

18. Anonymus inſcio Patre cœnobium ingreſſus

ingressus monebatur per literas, ad patrias  
ædes ut rediret. Gaudia & libertatem pro-  
mittenti Patri sic filius sapiens respondit:  
Legem moriendi è patria nostra tolle, ô  
Pater, & revertar illicò: hanc si non tollis,  
ignosce, si ad mortem me paraturus in cœ-  
nobio remaneam. *Drexel.* Memoria mortis  
sanctiorem vitam persuasit: Hæc nauseam  
terrenorum iniecit. Moriendum est & tibi.  
Quæ tua est præparatio? an felicem tibi  
hac ratione mortem promittis? Examina  
hodie, quid in morte egisse optares, & hoc  
age. Suasit S. Ignatius deliberaturo, ut eum  
statum eligat, quem moriens electum à se  
optaret. Sequere monitum S. Patris.

*Tragicum revera Societatis maledicta fructum  
vidit Gracium in Styria. Adolescens castissima  
primùm vita, unius improbi consortiò eò pau-  
latim deductus est, ut demoni se certis legibus  
devoveret. Devovit se; plurimòs in sceleratis-  
sima vita annis perseveravit. Nihil frequentia  
in scholis monita, confessiones & communionem  
in templis, nihil Dei mina obstinatissimum ju-  
venis animum flectebant. Comprehensus deni-  
que à Magistratu seculari, morti adjudicatus est.  
Felix in eo, quod ad hanc, quantum quidem  
judicari poterat, sollicitè se disposuerit. Mortuus  
ergo est inter manus carnificis, qui atate pri-  
mâ exemplar omnium erat & gaudium. Ann.  
S. I. Ah infelix eq; & frequens mutatio!  
Scelerata*

*Scelerata societas o quoties ex Angelo Sathanam efficit! Actum est de pietate tua, de salute, si hac in re tibi non caves. Studiose, huc curas omnes converte, salvari si cupis. Detestare, consortia quaecunque suspecta: alias te paulo post intruens lugebis subito mutatum ab eo qui eras; id est ex innocente factum nocentem, ex Angelo Daemonem. Neque enim scelus adeo dictu cogitatuve horrificum est, quod admittere horreat seductus juvenis.*

19. Friburgensis Sodalitas admissio scelere quodam terrificis conscientiae stimulis agitata, quod se verteret ignorabat. Urbem deserere statuit; viam aggreditur, ad silvam pervenit. Adest Dæmon virum senem mentitus, comitem se jungit; Causam viae inquirat; multa, si sequi vellet, promittit; contemptim de usu Rosarii & cultu B. Virginis loquitur; verbis, quis esset, aperte nimium manifestat. Majore percussus horrore fugam parat juvenis, nec nisi Sanctis nominibus inelamatis invisum comitem à se abegit. Tum in se regressus inspirationi internae obtemperans pudorem vincit, peccatum in confessione exponit, optatam illico quietem consecutus. *Flor. Mar.* Frustra est, si conscientiae turbulentæ aliud quam à confessione remedium quæras. Peccasti? ejice quamprimum ex anima hostem tartareum. Præstat modicam subire molestiam, quam continuis

tinuū conscientiæ stimulis agitari in vita;  
æternū torqueri post vitam.

20. S. Elzearius sic semetipsum allocutus  
legitur: Mariæ cliens sum, ergo malè pe-  
rire, aut cœlo excidere non possum. *Ex vita.*  
Idem tibi promitte, si verè cliens Mariæ es.  
Verus cliens Mariæ, Mariam non offendit:  
omnia ei displicentia removet. Quid tu?  
An perges Mariam offendere peccato hoc?  
hac consuetudine pravâ? Cliens Mariæ non  
es, malè, itaque saluti tuæ metuo: Nisi hodie  
incipias te clientem tantæ Virginis exhibere.

21. Aletinus quidam Sodalis post exactam  
cum singulari laude pueritiam, mores planè  
aliōs Sociorum scelere seductus, induit. Ibat  
jam per scelera præceps; cum nocte quadā  
semisopito terribile apparet monstrum, æ-  
thiopem referens: Hoc unguis jamjam e-  
xerere, involare in miserum, faucesque ei  
elidere videbatur. Non habens unde opem  
peteret, infelix juvenis Virginem à se deser-  
tam invocat. Apparet hæc ei, timoremque  
simul & spem hīs vocibūs ingerit: Mox cru-  
entis æthiopis manus senties, nisi ad pristi-  
num vitæ genus revertaris. Revertere! Con-  
fite! reversus est postea, & præsentis per-  
cussus timore periculi, vitam vivere cœpit  
eam, quæ B. Virginis opem certius pro-  
mitteret. *Sod Parth.* Vides amorem B. Vir-  
ginis? vides & minas, An non hīs ipsis te

vocibus compellat: Pœna imminet: Imminent Tartara! convertere serio. Age pœnitentiam! esto constans! Deus non irridetur! mutanda est vita: Sic ad cœlum non itur. Sensisti tales in animo voces: cujus erant? Matris clementissimæ. Non vult illa interitum tuum: non vult mortem tuam. Convertere ergo exemplô Sodalis hujus, & posthac Deo vive & animæ tuæ.

22. S. Bernardus adhuc adolescens ab impiis quibusdam ad scelestâ tentatus, voce maximâ exclamat: Latrones! latrones! & sic clamans, eos in fugam conjecit. *Ex vita*, Latrones sunt, qui insidiantur Castitati tuæ: latrones, qui ad illicita invitant: latrones sunt, licet intimos se amicos nuncupent, vitam tibi rapiunt, & innocentiam. Fuge illos. B. Stanislaus eos, quos prôprios ad impia advertit, non secus ac pestem devitabat. Edmundus idem fecit, recessit à sociis suis, & tum temporis à Christo Domino visitari meritus est, & instrui. B. Aloysius piis solum associari voluit. S. Hermenegildus mori maluit non susceptâ etiam SS. Eucharistiâ, quàm cum Ariano impio habere commercium. *Ex Vita*, Declina ab illis, qui animæ nocere possunt: eorum aucupare Societatem, qui bono exemplo sunt cæteris.

23. Neoburgensis Sodalis audiens peccari posse turpia audiendo, de consilio Confessorii sui

rii sui votum fecit fugiendi auditionem fer-  
monum turpium. Cum verò postea in soci-  
os inhonesti effutientes incideret, spreto  
aliorum risu aures digitis occludit, fugit è  
cubiculo. Eustadianus similes sermones &  
à Patre quidem audire coactus in convivio,  
cum monita nihil prodesse, relictò pran-  
diò discessit: Patrem etiam objurgare ausus  
erat, quòd effronter adeò loqui non erube-  
sceret. Excanduit Pater, & manum ad in-  
fligendum colaphum extendit, filius mox  
& alteram maxillam præbet, addens, se Dei  
Castitatisque tuendæ gratiâ non verbera solū,  
sed & vulnera ferre paratum. Quò dictò  
Pater manum retraxit, veniam erroris à Deo  
& filio petiit. *Flor. Mar.* Rideant, qui vo-  
lunt: tu ubi sermones tales audieris, aut se-  
verè increpa, aut fugam arripe. Periclitatur  
Castitas, si liber pateat sermonibus per aures  
accessus. Una sæpe vox inconsideratè audi-  
ta, innumerarum tentationum, ipsiusque  
postea interitûs causa fuit. Fuge.

24. B. Aloysius licet ab omni graviore la-  
be purissimus semper vixerit, in innocens  
tamen & tenellum corpus suum flagellis ci-  
licis ad cruorem usque adeò desæviit;  
ter saltem septimanis singulis; ut fidem le-  
gentium audientiumque superet. Monitus à  
matre, modum ut poneret crudelitati im-  
maturæ, respondit Angelus: **Permitte Ma-**  
**ter,**

ter, ut tantillō impendiō noxas meas redimam. Oratio flagellantis hæc erat: Domine Iesu pro me ad columnā plagis concise, offero tibi hoc suppliciolum meum, rogo. que per sanguinem tuum, ut des mihi gratiam ad vitandas offensas tuas, &c. *Ex vita.* Quis animus tuus? Non stipes tantum in puero animum? non erubescis ad has Angeli voces? innocens erat: labeculas minimas tanto rigore expiabat. Tu majorum scelerum reus quid agis? nihil, & tamen idem cœlum desideras, quod Aloysius? si tibi flagelli usum suaderem, quid diceres? sanè aut Iuventus nostra insanit, aut intanivit Aloysius cum sanctis aliis Adolescentibus, qui mortificationes ejuscemodi sibi omni tempore familiares habuere.

*Adolescens peccatis turpissimis assueverat, sæpe eadem confessus; sæpe in eadem relapsus fuit. Confessarius post frequentes monitiones vice quadam verbis, quibus poterat, efficacissimis, persuadere conabatur misero, ut tandem conatu serio in peccati extirpationem incumberet. Audiit adolescens, & dubitò intimè suspiriò; Pater, agebat, quid diutiùs dissimulem? dicam paucis: Non possum me emendare: non possum hoc peccato abstinere. Consuetudo altas nimium egit radices. Actum est. Territus hac voce Confessarius nihil non egit, ut vel terrore vel spe, miserum à mente hac abduceret. Sed frustra egit.*

*semper*



*semper enim reposuit: Pater, si vel apertis hic inferos viderem, meo tamen peccato abstinere non possem. Quo dicto sine Absolutione dimissus, in peccatis perrexit liberè, mortuus miserimè. Segneri. O consuetudo quid es? quanta vis tua? Studiose mi, exhorresce, & dum parva est consuetudo mala, fac ut eam extirpes: quò eam fovebis diutius, tantò eradicabis difficilius; & demum (quod avertat Deus) orco inferes. Extirpari potest iam, si seriò velis. Fac quod Sodalis ille, qui indies mandè propositum non admittendi certum peccatum renovavit, vespere severam sibi ipsi pœnitentiam injunxit, si errorem admissum per diem advertit: hoc fac, & vincetur consuetudo.*

25. B. Aloysius diem Nativitatis suæ singulis annis festum habebat: cum singulari fervore expendebat, gratias Deo & Patronis tutelaribus persolvendo pro beneficiis à primo vitæ momento concessis. *Ex vita.* Imitare. Diem Nativitatis, diem Nominis tui speciali devotione celebra, si potes, sacram Communionem perage: gratias Deo age pro beneficio Baptismi, & aliis pertot annos concessis gratiis. Item gratias age Angelo tuo Tutelari, & Patrono nominis tui: renova fervorem in servitio Divino: renova devotiones tuas: totum Deo te consacra.

26. Juvenis Polonus cæco in peccata maxima impetu ferebatur: sæpe agnitio salutis

periculô, meliora proposuit; sæpe proposita  
deseruit. Nocte quadam sensit in somno  
corpus suum verberibûs acerrimè castigari,  
his minis additis: Infelix quando tandem te  
corriges? Resipisce, aut pœna imminet. Re-  
lictæ in carne vibices & dolor, non inania  
fuisse somnia docuerunt. Resipuit ad hæc  
juvenis, & constans permansit. *Sod. Parth.*  
Displicet Deo inconstantia. Quoties promit-  
tis meliora? quoties peccata repetis? an  
non easdem sæpe in animo voces percepisti?  
Infelix quando tandem te corriges? Imitare  
resipiscentem Juvenem: peccata detestare:  
constans persiste.

27. Berchmannus moriens tria hæc com-  
mendabat: 1. Amorem erga B. Virginem.  
2. Orationem devotam & assiduam. 3. Levis  
etiam peccati fugam. Cordubæ Sodalis mo-  
riturus adstantes suos amplectens, eos obte-  
statur, ne ullô peccatô se obstringerent,  
sanctissima mysteria sæpe & devotè obirent.  
*Ex vita. & Ann S. 1.* Hæc eadem ego à te  
sub anni finem peto & obtestor: hæc tu a-  
liis commenda, hæc fac, & vives.

28. Memoratu dignissima est juvenis cu-  
jusdam, quem Nicetam vocant, pro casti-  
tate pugna & victoria: lubente Decio Ty-  
ranno in hortum amœnissimum ductus fue-  
rat, nec non lectulo suavissimo plumas inter  
& rosas impositus. Ne verò vim diabolicam  
excutere

excutere posset, manibûs juxta ac pedibûs ligabatur. Sed Heroum animum quis ligare poterat? Accessit propudiosa mulier, quibûs poterat blanditiis ad flagitium invitavit. Nictetas non habens, quô pugnare posset, inauditô ad eum diem exemplô linguam sibi præmordet, præmorsam in impudentis faciem evomit, ruboremque ei incutit, & consiliû sceleratum excutit. *Drexel.* Dignum cœlo spectaculum, Iuvenis pro Castitate decertans. Nunquam arma desunt castitati. Hanc si impugnari hîs feriis aut alio quovis tempore senties, vires omnes & robur collige: pugna fortiter: certa viriliter. Est in cœlo Deus, qui coronâ Victori parat immarcescibilẽ.

29. S. Antoninus, Archiepiscopus deinde factus, adhuc puer singulari affectu S. Michælem prosecutus est: ad ejus templum indies accedens multas ejus honori preces persolvit. Similem devotionem S. Bonaventura, S. Franciscus, alique Sancti habuerunt. *Ex vita.* Imitare. Patronus morientium est Sanctus hic Archangelus: eum invoca: sæpe repete illas Ecclesiæ preces. Sancte Archangele Michæel, defende nos in prælio, ut non pereamus in tremendo judicio.

30. Carolus S. Brigitræ filius à matre Sanctè educatus, præcipuè in cultu B. Virginis sollicitè instructus, immaturô fâtô obiit. Mater de filii statu sollicita B. Virgini suppli-

cat, ut indicaretur filii in orbe altero conditio. Adest S. Brigittæ Maria Virgo, & de filii felicitate securam fecit, affirmans se morienti adstitisse, & contra dæmonem defendisse. Objecit etiam speciem aliquam iudicii divini, cujus clausula, hæc iudicis vox erat: hic Meus Matrisque meæ Servus æternum vivat. *Pexens.* Defendit Maria Carolum morientem; sed cur? rationem ipsa hanc dedit: quia Carolus adeo B. Virginem amabat, ut diceret, malle se æternis ignibus torqueri, quam committere, ut aliquid de honore Virginis demeretur. Imitare devotionem hanc, ut B. Virginem habeas in morte propitiam.

*In urbe Lubricensi Adolescens impuro puella  
eiusdam amore tenebatur; ab hoc nec jactura  
rei domestica, nec monita parentum, nec Dei  
timor, eum poterat avocare. Consumptâ hereditate,  
mater patre defuncto miseriam ejus videns,  
pecuniam novam suppeditabat pro vita  
sustentanda; serio monens abstinere tandem  
opes suas in fœdas adeo res effundere; nihil se  
deinceps suppeditaturam; licet moriendum ei etiâ  
foret. Nihil hoc moratus imius, profusus denovo  
opibus, novas à matre vi extorquere laborabat,  
stricto eam ense petere non veritus:  
Quod facinus ubi Magistratui publico innotuit,  
infamiam intentabat & supplicium. Neque sic  
motus, ut viveret liberius, lupanar publicum  
petiit,*

petiit, ibi vitam cum dilecta sibi furia acturus.  
Et egit sanè, sed miseram, pauperemque adeò;  
ut ipse vitam exosus, mortem sibi inferre de-  
creverit. Cultrum ergo è culina rapit, abit in  
hortum, vestes dissuit, nudat pectus & tento  
ad ligneam horti maceriam sine manubrii, ne  
scilicet vi ruina cederet, tanto impetu se in  
cultelli aciem agit, ut firmissimo pectoris osse  
transfosso, ferrum ipsam dorsi spinam violaret.  
Hoc saucius vulnere corruit in terram, profluum  
verò cruorem cernens immani furore agebatur,  
quòd nec sic invisum spiritum posset emovere:  
Hinc cultrum in pectore defixum, huc illuc agi-  
tare, lacerare viscera, & sic impium tandem  
exturbare spiritum. Ann. S. I. Possibile est,  
ut è usque juvenis benè educati audacia deve-  
niat, mortem adeò terribilem sibimet ipsi con-  
sciscere? O studiose, è res delabitur, si vel io-  
ni passioni indomita non eatur obviam; si non  
extirpetur, dum potest. Caca est passio quævis,  
nec cælum videt, nec inferos. An talis in te  
nulla? illa ludendi potandique libido; ille a-  
mor non adeò ingenuus, ille viam tibi ad fla-  
gitia omnia, & ex his ad stygem parare potest.  
Time & mortificationem adhibe, compeſce  
inclinationes ejusmodi fœdas. Non somnias  
tu jam, terribile adeò exitium; nec adole-  
scens ille sub initium somniaverat. Cave.



animô rejice omnes ad scelus quodcunquē invitationes.

3. Berchmannus singulîs horîs contritionem, vesperi præcipuè, elicere intensissimam solitus est. Antverpiæ adolescens tempore frigidissimo de nocte reperitur devotissimè orans: S. Petrus de Alcantara etiamnum adolescens preces suas, manè accuratissimè persolvit. *Ex vitis.* Imitare: si unquam aliâs tum jam sollicitè tuas preces persolve, manè, & vesperi. Contritionem omitte nunquam. Recordare narrati alibi exempli, de infelici studioso nocte in peccatis mortuo, & quidem feriis autumnalibûs. Econtra de adolescente alio scimus, qui in ultimo vitæ momento contritionem eliciens, orcum effugit. Tu assuesce indies, rei tam necessariæ.

4. Iosephus notus ille in scriptura sacra adolescens, ab impia muliere ad scelus sollicitatus, relictô in impuræ manibus palliô fugit, dicens antea: Quomodo possum hoc malum facere, & peccare in Dominum meum? *Ex Scrip.* Imitare: generosam capesse fugam, ubi periclitatur castitas: sæpe te ipsum quære. Quomodo possum hoc facere? quomodo peccare in Deum meum, mei adeò amantem? revera enim, quod S. Polycarpus dicebat, nihil mali mihi Deus fecit, cur eum offendam?

5. B. Aloysius inter plurimas Aulæ occa-



**H**ones scelus nullum grave admisit: Indies corpus & animam ter Angelo custodi commendabat; à quo mirabiliter è periculo incendii, & submersionis, ereptus est. *Ex vita.* Versaris jam inter peccandi occasiones plures, attende ne labaris & pereas, Cole Tutelarem tuum: hunc sæpe invoca, ut te, velut Tobiam Raphaél, ducat in via periculosa.

6. Mediolanensis quidam Sodalis ipsum Xenodochii nomen horrebat. Victoriæ sui cupidus adit Præsidem, rem exponit, certū iniquiens mihi est, vim mihi faciam. Dicitur dies: adest primo manè: adit Xenodochium: expallescit, horret, titubat, sudat. Christi amore confirmatus cubicula ingreditur, terrā osculatur, sternit lectos, omnibus ipse factus exemplum. Tantum profuit semel se vicisse. B. Aloysius pariter se victurus, peste infectis serviebat, morbô inde contractô factus victima charitatis. *Lechn.* Hæc olim egere Sodales. Simile quid à te non ausim petere; at hoc certè, ut vim tibi interas. Vince te! vince te! Regnum cœlorum vim patitur. Vince te, fugiendo pravas illas occasiones, illa consortia, &c.

*Ingolstadii Sodalis quidam, à prima sua, quâ excelluit, morum integritate paulatim seductus, lusu, & potationi (consueto scilicet adolescentum talium vitio) totum se dabat, studiis relictis.*

listis. Noctem etiam consuetudini huic dedica-  
bat saepe mediam: quod dum vice quadam egit,  
discedenti us sociis hic in suo cubili seminudus,  
in mensam dormitabundus se acclinat, cubito  
innixus. Candela ibi posita, quo, nescio, casu  
admota, vestes miseri corripuit. Evigilat miser,  
et inter flammās se conspicit; ejulatu domesti-  
cos excitat, nonnisi diuturno labore vestes reli-  
qua à corpore avelluntur; corpus miserrimè  
ustulatum apparuit, dolore adolescentis summo  
per octo dies protratto: unam suam in cultu  
Mariano segnittem incusabat, deflebatque. In  
hoc quidem, felicior alio, qui simili casu è flammis  
his terrenis ad perpetuas, inter desperabundas, et  
blasphemās vocas, abiit. Ann. S. I. Vade et  
etiamnum effutire aude, quid demum est  
invisere cauponas, lusui se et potui dare? A-  
ves scire quid sit? dicam: est sodalitatis regu-  
las conculcare: datam B Virgini fidem fallere:  
tempus studii et pietati consecrandum otiosè  
perdere: sumptus parentum dilapidare: innu-  
meris peccandi occasionibus se exponere: Dei  
Majestatem offendere. divinam in se Nemesein  
concitare: Verbo; properare ad Tartara.

7. S. Quidam Confessor nullā die lætus no-  
tatus est & hilaris, quā in quā orationibus va-  
caverat diutius & pauperes adjuverat libe-  
ralius. Ex vita. An lætam tibi promittis con-  
scientiam si ferias has exigas inter illicita  
gaudia? ne speres. Dulcia videntur, dum  
sunt

sunt præsentia; sed ubi elapsa sunt, sed ubi Dei offensi memoriam, ingerunt, o quàm acerba! Ergo sic itatue vivere, ut elapsis feris, gaudere possit conscientia tua.

8. B. Iacobus Alemannus sociorum suorum scelera advertens monere eos, & increpare liberrimè consuevit; neque irrisionibus eorum, & jocis moveri se passus est, ut id omitteret *Ex vita*. Homini Deum amanti non satis est cavere peccata sua, sed etiam aliorum flagitia conatur impedire. Tu quid agis? an non frequentes sunt rei hujus occasiones? Ede specimen aliquid tui in Deum amoris; liberiores aliorum sermones carpe; aut quod melius, luge.

9. Adolescens quidam sanctioris vitæ desiderio incensus Religionem petierat. Fervore magno cæpit, sed asperitate ordinis teritus parabat exitum. Apparuit ei in somnis mater, & ostenss inferorum suppliciis hæc in fine verba addidit: si vis evadere inferni tormenta, & adspici gaudia paradisi, persevera in incepto. Perseveravit etiam, fatiùs ducens, modicum pati in mundo, quàm horrenda in orco. *Spec. Juv.* Inferorum supplicia si cogitares sæpius, credo constantiorem te fore in servandis propositis tuis. Nulla te certè difficultas à Dei servitio absterret. Hinc si sapis, memorare novissima tua, præcipuè infernum; non peccabis; con-

stans

flans eris. Nemo enim uti S. quidam Pater asseruit. qui Gehennam habet ante oculos, incidet in eam. Nemo interni memor, peccare potest.

10. Sandomiriæ in Polonia juvenis nimium Dei misericordiæ confidens, per pessima quævis præcepta ibat: apparet ei vice quadam Custos Angelus & ait: Finis tui memento! confessorium accede. Confitere! Alius Cracoviæ de salute desperans, flumen petierat, ibi se submersurus. Adest ei Angelus, renitentem etiã periculo liberat, jubet confiteri. Alius Marcoduri, nocte, hanc Angeli vocem audiit, quã emendationis procrastinatio carpebatur. Necdumne times impie, tribunal supremi judicis? qua fronte coram eo comparebis? In singulis, profuere Angeli monita. *Ann. S. J.* In te utinam prosint eadem! Verè verè eadem resonant in conscientia tua voces: Memento finis tui: confitere! time judicem! noli tardare, &c. ab Angelo tuo sunt istæ: has audi: sic enim jubet Deus: observa eum, ait, & audi vocem ejus.

11. S. Hilarion vitam Magni Antonii considerans, imitari eum sedulò cupiebat; hinc adhuc quindecim annorum adolescens eremum petit, vitam ibi mirabilem, & rigidissimam vivit: illud notandum, quòd tentationes impuras victurus, jejunium rigidum admodum & pertinax susceperit, sic  
alloquens

alloquens corpus: Ego aselle faciam, ut non calcitres, ut ne de scelere quidem cogites. *Ex vita.* Securitatem hīs feriīs nullam expecta; imò time dæmonis tū vī tum fraudē. Resiste tentationibus viriliter; mortifica corpus tuum, ne nimis ei indulgeas in cibo & potu; sic enim oleum igni affunderes. Memento etiam imitationis Sanctorum, & fervidorum adolescentum.

12. Anonymus quidam, nobilis parentis filius dum paucis post obitum diebus cadaver patris vermibus plenum conspiceret; quid demum est, aiebat, esse magnum? hisne pascendis laboramus? Inde relictō mundō ad sanctiores pro anima curas conversus cœnobium intravit. *Spec. Juv.* Salutaris memoria mortis! ah cui laboras studiose? corpori, quod paulò post erit esca vermium? stultus labor. Cur non pro anima æternū victura sollicitus es? & hoc quidem tempore? quis enim scit, an non propior tibi mors jamjam immineat? Juveni cuidam florido dicebat P. Colnagus S. I. Dum maximè felicem, & securum te credes, morieris: & ita contigit, mortuus, dum patris morte lætus, ei pararet exequias. *Ann. S. J.* Studiose, nunquam te magis securum credis ac jam; Noli fidere; fortè, fortè jam januas mors pulsatur. Cura animam.

*Adolescens quidam P. Drexellii condiscipulus,*

lus, integerrimi primùm exempli adolescens, quo nescio ex talio sanctius vita institutum deserit; ad patrem revertitur, lusibus, potationibusque dies noctesque vacat verà deficiente pecuniâ, adulterinam ipse conficit: in quo scelere deprehensus. carnificis manu obtruncatur: palam fassus, has esse pœnas perfidiæ & inconstantia sue. Alius, ejusdem inconstantia, graviores pœnas dedit; primo enim mense, quem deliciis totum dare statuerat, repentinâ morte ad judicis tribunal absque ullo pœnitentia signo evocatur. Terribilius est, quod addo: Andreas, Paulus, Nicomachus, quod Christiani essent, torquebantur. Nicomachus dolorum acerbitate victus, fidem deserit, idolo sacrificat. Sed ecce ipsò illo momento à d. mone arripitur alliditur terra, suffocatur Quod videns puella duodecim annorum, Dionisia dicta, exclamabat. O te infelicissimum hominem, qui propter unius horæ spatium perpetuam. & inenarrabilem pœnam tibi acquisivisti Spec. juv. & Ann S 1 sic est: C infelices qui constantia & data Deo fidei obliviscuntur, peccata repetunt, æterna se damnationis exponunt periculo. Odit, odit Deus inconstantiam; punit desertores suos. Te ne etiam puniat, cave. Noli Deum & facta toties ei proposita, deserere; ne æternum deseraris à Deo tuo.

13. B. Stanislaus indies duobus aut tribus missæ sacrificiis adstitit S. Edmundus nulla die, idem neglexit. Ex vita. Quàm turpe est,

leve aded obsequium Deo negare, templo se subducere! Cave, hoc audeas. Infelicem diem illum habeas, quò, tremendo illi Mysterio debitâ pietate non adstitisti. Tot horas otio & somno immolas, cur non Deo & animæ mediam donas?

14. Falco Adolescens notissimæ in Angelum Custodem pietatis, vovit in ejusdem honorem nullum mendacium deliberatum admittere. In iurgio quodam, sodalem suum occidit. Interrogatus à Magistratu, mendaciò unò vitam sibi servare poterat, cum testes homicidii essent nulli: sed voti memor statuit; potius vitam perdere, quàm votum violare. Veritatem fatetur, condemnatur, educitur, sed mirabiliter ab Angelo liberatur. *Pexenf.* Placet Angelo tuo fuga peccati, hoc eum modo venerare. Disce etiam, quàm constans debeas esse in propositis tuis, Mori potius, quàm peccare.

15. S. Franciscus Seraphicus mendicum sine stipe abire permiserat: Facti poenitens eum revocat; sanctè promittens, nihil se posthac negaturum, si amore Dei peteretur. Et hoc Sanctitatis initium fuit. *Ex vita.* Quid tu amore Dei ages? petit Angelus tuus Custos, ut Dei tui amore abstineas ab hoc aut illo consortio, peccato &c. An nimium tibi est? cave dicas amari à te Deum, si non agis. Amasne Virginem Matrem? in hoc etiam



etiam ostende: Ejus amore fuge peccatum aliquod, præcipuè tibi familiare. Hoc peto à te ego amore B. Virginis. An negabis? Non sic Alexander Hallensis, qui votum fecit negandi nihil, quod amore Virginis peteretur; miras exinde gratias consecutus. Imitare in hoc: Cogita subinde; amore Dei mei; amore B. Virginis cavebo peccatum hoc, Quid facilius? Quid salubrius?

16 Joannes annos duodecim natus, è patria Hispania, à Malabaribus in servitutem abreptus, Mahometano cuidam Regulo, dono datus est. Regulus blanditiis variis & promissis, nuptiarum etiam cum filia sua oblatione, pueri animum expugnare laborabat, & Christi fidem ei rapere. Nihil hïs proficiens, tormenta exposuit, mortem intentavit. Minas inter & blanditias medius puer, breve sibi tempus postulat, non ut deliberaret, sed Deum pro constantia exoraret. Fusis precibus surgit, hïs vocibus ad tormenta se offert: Christianus sum: Christo vivo: pro Christo moriar: nunquam Christum desero. Has easdem voces inter tormenta terrifica repetiit, pugil invictus. *Pexenf.* Disce quâ constantiâ dæmonis hominumque tentationes hoc præcipuè tempore debes excutere. Dic: Sodalis sum; Christianus sum: Nunquam hoc facio.

17. Duacensis quidam Sodalis à puella tentatus

tatus horruit, exclusit vi impiam, nec sub specie necessarij etiam obsequij, eam ad cubiculum ultrà admisit. *Lechn.* Fuge eos, quorum scelere tentaris ad impia. Fuge sexum alterum. S. Thomas Aquinas semel à muliere propudiosâ tentatus, mirum, quantum à sexu illo abhorravit. B. Aloysius ne cum matre quidem solâ, loqui voluit. S. Borgias mulieres necessario accessurus, ciliciò se muniebat. Sic Sancti agunt. Salutis verò incurri, neque aspectus, nèque conversationes liberiores timent. Atque utinam non graviora audeant? Quæ verò consequuntur? tristis docet experientia.

18. S. Vitalis, filius S. Felicitatis, ad colenda idola incitatus, hīs Præsidem verbis allocutus est: Quis tibi melius videtur vivere, an qui Deum colit, an qui diabolum quærit habere propitium? Ego Deum meum colā. *Ex vita.* Studiosè, si idem ex te sciscitarer, succenseres fortasse mihi; quia res certa est, solos Dei cultores beatè vivere. Sed an opere ostendis hoc à te credi? Cur ergò relicto Deo, conculcato Deo, ad dæmonem confugis? cur Deum offendis? an benignius te tractat dæmon? quid spondet? Iam breve gaudium, sed terrificis conscientiae angoribus mixtum: in æternitate, ignes perpetuos Quid Deus? Præmium in cœlo perpetuum, consolationes etiam in vita hac, mercedem mi-

nimi

nimi cuiusque operis boni: nam & vestigia  
& gressus numerat Angelus; remuneratur  
Deus; ut habetur in exemplo notissimo. E-  
lige quem colas, cui servias,

In *Perpuna* Provincia *Sodalis* (si nomen sci-  
licet *species*) erat, qui foedissimo scelere cum  
puella quadam admittendo, assueverat. Die  
quodam dum infaustis deliciis fruitur; subito  
cœlum tonitru concuti, terra tremere, densas  
inter tenebras micare ignes, & per fenestrarum  
rimas effusi, impii oculos ferire; imber etiam  
cum grandine sub tectum delabi. Puella territa,  
ô *Virgo Maria* ser opem! exclamat: at impius:  
*Tace stulta*, ait, nunquid opem tibi *Maria* feret?  
Vocem extremam fulmen excepit, & loquentem  
ab amplexu puella avulsum, extra lectum eiecit,  
flammâque involvit. Puella surgere, parare o-  
pem, ejus nomen inclamare: frustra. Ergo di-  
gitos pedum trahit, & hi divelluntur toti,  
horrendum ergo vociferans vicinos convocat:  
hi cadaver protrahunt, sinè dentibus, sinè lin-  
gua, sinè anima reperiunt; terribile iusti Ju-  
dicis punientis, exemplum. Bonif. Ita in puncto  
ad infernum descenditur. Eò deducit, imò de-  
turbat scelus illud execrandum impuritatis:  
Ex hoc enim in blasphemias, in horrenda qua-  
vis flagitia, facillima via est. Vade nunc, &  
illicitis indulge gaudiis: eâ ipsâ hora gladium  
vibrabit Divina Nemesis, justoque re judicio  
detrudet ad tartara. Senties, senties ibi, quid  
sic

*fit gustasse baululum mellis, & eternum mori. Illud maxime terrificum: ex amplexu ipso, ex medio gaudio, rapi ad tormenta. Expaveſce! cave peccatum quod vis? an enim hoc, an illo damneris; quid interest?*

19. S. Ioannes Epheso excedens juvenem habuit obvium, cuius innocentiam delectatus, eum Episcopo loci, custodiendum tradit, Ab hoc sollicitè instructus, baptizatus, sanctè educatus est. Elapsis annis aliquot deterioribus quibusdam associatus, ab his paulatim seductus, ad furta etiam & latrocinia inductus est. Audiit hoc redux S. Ioannes, & gemens sylvas adit, in quibus commorari dicebatur miser Iuvenis. Obvium ei factus, precibus & lachrymis invitat ad reditum; reducit Ephesum; ubi peccata vitæ liberioris deslere, & seriam agere docuit poenitentiam. *Pexent.* Ah quo recidunt sanctorum etiam Adolescentum mores; si sceleratis sociis obsecundent! Peristi, si hic non caves. Imitare poenitentem Iuvenem hunc, si errantem secutus es.

20. Alexander Berbius notissimæ integritatis adolescens cum dæmonem in mortis articulo præsentem sibi videret, sic eum imperterritus alloquitur: Quid quæris, aut quid vis tibi bestia? facelle. Testimonium meum, Deo favente, bonum est. Berchmanus nuntium mortis amplexatur præ gaudio;  
Christi

Christi effigiem complectens ait: Christe tu unicum bonum es; quod in vita habui & habeo, sed ne deferas me jam. *Ex vita.* Charissime, si moriendum jam tibi esset, an eodem possent esse voces tuæ? an testimonium conscientiae bonum est? Fac ut sit, alias mortem time infelicem. Vis ut à Christo non deferaris in morte? noli eum peccando deferere in vitam.

21. Ubaldinus adolescens piissimus, videns socium in templo irreverentem, à turba eum seducit, sic alloquitur: Christianum quidem neminem decet talia in templo agere; minimè autem decet eum, qui cliens Virginis sit, cujus tunc videat filium pro se immolari. *P. Nieff.* Reverentiam in templo totâ vitâ tibi habeas commendatam. Absit à loco sacro omnis garrulitas, risus, irreverentia.

22. Juvenis impiissimus, uti in vita S. Lydwinae habetur, ad scelerum confessionem impelli non potens, metu poenitentiae, motus tandem est, ut peccata sua sanctae huic Virgini exponeret; illa jussit nocte unâ immotum jacere in lecto. Non potuit hoc ferre Juvenis, licet ab initio facillimum crediderit: hinc orta fuit cogitatio: Quid ergo in inferno erit, æternum tormenta horribilissima tolerare? Hac cogitatione fractus confessio: nem poenitentiamque libens est amplexus.

*Ex*

*Ex vita.* O Studiose, si subinde cogitares, quid sit æternum inter inferos pati, impossibile foret, ut ullius peccati voluptate tenereris, aut poenitentiam ullam refugeres. Ah memento æternitatis! Ardere semper: nunquam liberari: æternum! & quidem pro momento unico.

23. Sidrach, Misach & Abdenago juvenes fortissimi statuam Nabuchodonosoris adorare jussi aut caminum ignis ardentis tolerare, heroâ voce responderunt: Deos tuos non colimus, & statuam auream, quam erexisti, non adoramus. Vocibus, factum respondit: Ignes elegerunt, præ peccato. *Ex L. Dan.* Imitare in hoc: nullô propositô damno, nullâ spe præmii, Deum audeas offendere. Responde dæmoni: nolo hoc consortium: detestor hanc occasionem: non accedâ, &c.

24. Metensis Sodalis in Sicilia fuit, in cultu B. Virginis admodum tepidus: huic nocte apparet Præses, sic inquires. An impune tibi negligentem esse licere putas? falleris miser: jam nomen tuum ad magnam Matrem delatum est; ab Ea, poena tibi imminet, nisi sodalium officia pothac facere, non tantum nomen inane habere velis. Ter repetitæ voces juvenem ad sanctiora compulerunt. *Nadasi* Compellant utinam & te eadem conscientie voces, Crede, crede, nomen tuum ad tribunal Virginis delatum est:

est: poena imminet, nisi emendes te. In quo incipies?

Juvenis flagitiosus cum morbô in lectum prostratus mentem ad prioris vita rationes revocasset, immensâ criminum mole obrutus, de salute sua desperare cœpit. Monentibus meliora amicis, respondet: Quid mihi cum Pœnitentia? scio me Tartarorum fore incolam. Actum est de salute mea: spes omnis abscissa est. Instabant amici lacrymîs minisque, sed frustra. Christus ipse videndum se ei tandem exhibet, ostendit vulnera, & veniam promittens ad scelerum emendationem, confessionemque animat. Sed neque sic cor saxeum emolliri potuit. Ergo Christus ex lateris sui vulnere, manum multo implet sanguine, in obstinati faciem projicit, additâ tremendâ hac sententiâ. Hec amoris mei, contumacia & obstinationis tua nota, hoc signum sanguine meo pictum, olim contra te ad tribunal meum, reum te arguet contempta clementia mea, & merita damnationis tue. Quâ acceptâ voce, actus in rabiem miser, obiit. Spec. Ex. Bonitatem divinam contemnentibus, terribile impendet supplicium. Ipsa illa Christi erga peccatores charitas, & patientia, à peccatore contempta augebunt inferos. Tu quid exspectas? monet te Deus, ut serio tandem respicias, ut vitam aliâ inchoes ne bonitatem ejus irritare pergas: Time, time, si non obsequeris. Accusatores tot habes



*his in iudicio, quot vulnera Christus sustinuit.*

25. Avenionensis Sodalis impia rogatus, respondet: Ego jam me pridem Christo IESU, ejusque Sanctissimæ Matri dedi; non facio ista. *Lechn.* Hæ sint tuæ ad dæmonem & ejus socios voces. Recordare, quoties te obtuleris Deo & B. Virgini? Cur ergo oblata ei membra adhibere non trepidas, detestanda adeo ad scelera? non pœnam perfidiæ times?

26. B. Stanislaus in literis ad patrem sic scripserat: Quis plus amandus? an homo, an Deus? cui obsequendum? *Ex vita.* Versetur hoc ob oculos tuos, hoc potissimum tempore, & cave ne Deum offendas in gratiam socii tui. Deus te damnare æternum potest, non socius. Deo obedi, non dæmoni, aut homini, contrarium Dei præceptis postulanti.

27. Sodalis quidam vitæ liberioris in Patrum mensuram acceperat S. Hieronymum: hic nocte apparens luveni, fornacem accensam ostendit inquires: In eam conjiceris, nisi mox emendes, Territus, peccata expiat, emendat. *Lechn.* Studiose, etiam Feriis hisce, patent inferi: hæc tibi ostendit Custos Angelus; hæc minatur, nisi te emendes. Resipisce: actum aliàs de anima.

28. S. Silanus, filius S. Felicitatis, sic Tyrannum allocutus est: Si tua tormenta timentes,  
Deum

Deum offenderimus, in æternum interitum  
& horrenda supplicia incidemus; sed quia  
scimus, quanta justos maneant præmia, se-  
curi, iussa tua contemnimus, ne Dei gratiâ  
excidamus. *Ex vita.* Imitare: Cælum respi-  
ce · respice Tartara; ibi mercedem, hîc pœ-  
nas. Erit hic fortissimus ad fugienda peccata  
stimulus.

29. Ingolstadiensis Sodalis, turpi cuidam  
vitio deditus, agnitô salutis periculô reme-  
dia sanitatis inquisivit: Iussus est frequen-  
tius S. Eucharistiam accedere: accessit devo-  
tione maximâ, falsus deinde, quod ingens  
sceleris odium ex S. Communionem percepe-  
rit; unde facillima ei fuga accidit ejus, cujus  
tanto amore tenebatur? addidit nihil se eo  
tempore à Christo petiisse, cujus compos  
factus non sit. *Lechn.* Imitare: Efficacissi-  
mum remedium frequens & devota S. Cõ-  
munio. Hanc ne negligas, si consuetudinem  
extirpare velis. Adent Christus Eucharisticus,  
opem feret, si voles.

30 S. Martialis, filius S. Felicitatis, ad eju-  
randam Christi fidem incitatus, monita &  
minas contemnens, ajebat ad Præsidentem: O  
si nosses, quæ pœnæ Idololatriæ sunt inter  
inferos constitutæ! aliud scperes. Timor ge-  
nennæ à peccato avocabat S. Martialem.  
*Ex vita.* Studiosè, sæpius hujus tibi ingero  
memoriam; si enī infernalìa nosscs supplicia,

non ageres ea, quæ jam imprudens agis: Accede subinde ignem aliquem, & exemplò B. Aloysii, perpetuas in eo flammæ meditare: quære exte, quomodo tolerare eas possis? O si nosset! aliud sciperes.

31. Leodatus Iuvenis innocentissimus, B. Virgini addictissimus, Religionem S. Dominici petierat, ut tantò securiùs Deo & B. Virgini deserviret: Ducentis sæpe vicibus indies Virginem clementissimam invocabat. Æger à pia hac Matre inviscebatur: quærebat illa, an abire ad se & Filium suum vellet? reposuit is & quænam tu es? Tum Virgo: Ego sum Mater misericordiæ, quàm toties invocatam, modò præsentem vides: eja ad cælum pergamus. Dixit, & animam famuli corpore liberatam ad astra deduxit. *Specul.* O Studiose, quàm bonum est Virgini huic serviisse, eam invocasse! invoca indies: proteget te, & defendet. O quale tuum erit in hora mortis solatium, si clementissima Mater hīs te in animo vocibus compellabit: Eja, ad cælum pergamus. Nunquid lætus tunc voci Marianæ obedire cogitas? Et jam obedi dicenti: Eja, ad emendationem pergamus: ad Confessionem, ad templum pergamus.

*Leontius Comes, adolescens, à Machiavelli principiis vitam instituerat. Animam hominis mortalem credens, tempus omne edendo, potando*

do, lasciviendo perdidit. Transiit cœmiterium;  
ad calvariam mortualem offendit, convivam  
sibi vesperi adesse jubet, & edicere, quidnam er-  
go animabus hominum in orbe altero eveniret?  
Cœpto vesperi, convivis adest offensus hospes, fru-  
stra reluctantibus famulis intrat, mensa assidet;  
subducunt se alii ex aliis, terrore immani per-  
culsi; soli Leontio negatur effugiendi facultas.  
Feralis hospes invitatum se esse asserens, multa  
de animarum immortalitate, & suppliciorum  
aternitate dixerat, tum subjungit: Atque ne  
dubia tibi hæc sint, experiere eadem mecum,  
qui Avus tuus sum. Mox medium complexus  
Leontium, jam ante horrore prope exanimem,  
frustra vociferantem, & sociorum opem incla-  
mantem, valide adeò vicino allidit parieti, ut  
dispersum adhæserit cerebrum, triste rei totius  
argumentum. Animam cum corpore infelici, ad  
æternos inferorum rogos secum abduxit larva  
Tartarea. Pexens Justus es Domine. & re-  
ctum judicium tuum! Ede, bibe lude, post  
mortem nulla voluptas, dicebat infelix iste Le-  
ontius, Verum, ah verum nimis est, post mor-  
tem nulla voluptas impio homini, quarenti hic  
in deliciis miseris requiem, & consolationem  
suam O misera gaudia! Videsne Studiose, quò  
deducat libertatis nimie amor; edendi, biben-  
di, ludendi cupido immoderata? Quare jam  
infelicem Leontium, quid de deliciis sentiat?  
Blasphemia, perjuria, & si qua horridiora sunt,  
K3 scelera,

[illegible]

Anni Sancti Mensis undecimus  
November.

**r. B.** Stanislaus reprehensus à fratre suo propter mores nimium dissimiles, nimias in templo horas orando tractatas &c. ajebat: Vivam, sicut Dei servum decet; placeatne aliis, an non? non curo. Hunc imitatus Berchmannus, inquebat: Non erubescam, videri tendens ad perfectionem. *Ex vita.* Studiose, imitare, generose contemnendo respectum humanum, qui bona plurima impedit: non erubescere esse in templo cæteris modestior, in suscipiendis sacramentis frequentior, in fugiendis occasionibus suspectis, cautior. Vive sicut servum Dei decet, placeatne homini, an non, ne cures. Quid tibi proderit hominum gratia? Miserum me gemebat Thomas Volsæus moriens, qui Dei gratiam perdidit, ut placerem homini;

homini; hominis gratiam jam non invenio.

2. Nolanus quidam Sodalis, omnia sua pietatis opera pro defunctis offerre consueverat. Præmium hoc tulit: paucis ante mortem diebus ei adhuc sano, nihil de morte cogitanti adfuere defunctorum animæ, confessione ut perageret, & ad mortem se disponderet, monuere, fecit, paulò post, casu, globò trajectus; fortè periturus; nisi antea se disposuisset. *Ann S. J.* Imitare; sæpiùs preces tuas pro animabus purgatorii persolve.

3. Juvenis quidam ante sacellum aliquod, pilæ lusu se cum sociis exercebat. Annulum donò acceperat à puella, qua cum familiaritè versabatur. Hunc ne perderet, sacellum intrat, ibi eum absconditurus. Intrat, & B. Virginis effigiem, ejusque pulchritudinem contemplans, genu flexò eā salutatur, inquit: Verè pulchrior es illâ, quæ hunc mihi annulum dedit; illi ergo renuntio, tibi servire statuo, ut me redames. Hæc dicens, annulum digito sursum erecto, indidit. Et ecce, velut probasset desiderium Virgo, digitum imago constringit, ut rapi annulus non posset. Narra- rat juvenis prodigium aliis, monetur missò sæculò castitatem colere. B. Virgini servire. Divitiarum amore prohibitus, nuptias præelegit castitati, fœdisfragus impius. Primâ nuptiarum nocte adest ei vice iteratâ B. Virgo, annulum prætendens, & infidelitatis arguens

impium; quin & vultum cum indignatione  
visa est avertere, & tormenta gravissima ob  
voti contemptum minitari. Percussus visione  
juvenis, poenitentiam egit, sæculò desertò B.  
Virgini castiùs servivit. *Pexens.* Displicet Deo  
Deique Matri, flulta & infidelis promissio.  
Si quid vovisti, noli fidem fallere; sed & in  
propositis attende, an non displicere Virgini  
debeat, toties te tuaque ei offerre, propone-  
re nescio quæ; frangere semper, semper da-  
tæ fidei oblivisci. Respice: propone: exe-  
quere:

4. Panormitanus quidam, è sodalitia, domũ  
rediens, ad domum studiosi invitatur: nil  
mali suspicatus intrat, jubetur literas ama-  
torias ad locum aliquem deferre: is, Non  
debet, inquit, hoc clientem B. Virginis:  
non debet tanti sceleris fieri participem. In-  
stantibus verò illis, & stricto mucrone mor-  
tem minitantibus ajebat. Occidite me; hoc  
forte potestis; ut sceleris sim internuncius,  
non efficietis, *Lechn* Imitare heroum ani-  
mum generosè excute, si quid impium pe-  
titur. Dic dæmoni, dic socio: non debet hoc  
Sodalem.

5. B. Stanislaus speciali devotione SS. E-  
ucharistiam prosecutus est; hinc bis per An-  
gelorum manus, eâdem confortari meritus est.  
Indies, ante & post scholam Christum Eu-  
charisticum, & B. Virginem salutavit; felicis-  
simum



simum studiorum successum semper exinde consecutus. *Ex vita.* Imitare. Venerare divini-  
ssimum sacramentum, sæpè devotè susci-  
piendo, sæpiùs invisendo; præcipuè ante  
scholas. Non est res, cujus tē pudeat, nisi  
forte profectûs tui & salutis, te pudeat.

6. In Lusitania Sodalis, tenerima devoti-  
one Virginem prosequabatur; quo nescio  
casu, scelus enorme admisit: mox pudore  
immani correptus, quò se verteret, nescie-  
bat: sylvam subit circa vespèr, deslet  
miseriam, & innocentiae jacturam. Consci-  
entiae stimulos non ferens, fluvium accedit,  
se submersurus: stans jam in ejus crepidine  
Virgini se commendat. Adest hæc, & suavi  
voce: bonum animum habe, ait, me seque-  
re. Hæc effata, flumen intrat, sed quasi mar-  
mor litratum reperit illud attonitus juvenis:  
Superato flumine, ad urbem reducit miserum;  
jubet peccatum expiare, agere poenitentiam,  
cavere consortia, novo Deum amore, &  
obsequiò colere; quæ omnia servatus ab in-  
teritu juvenis, lætus implevit. *Nada si.* Non  
deserit Maria clientes suos etiam peccatores,  
si ab his invocatur. Sed adverte monita ejus:  
poenitentiam vult, & fervorem novum,  
& sociorum suspectorum fugam. Hæc fac,  
& placebis Virgini; desperatione enim non  
placēs.

*In Lancastria, Angliæ. Provincia juvenis im-  
K5 probus*

Probus impiissime vixerat: exultare etiam in sceleribus fuit solitus, præcipue in lascivia. Nihil amicorum monita proficere. Pater interea mortuus, nocte apparet filio, & suavissimis verbis periculum salutis exponit, monet consilia meliora. Risit filius velut somni ineptias, paterna monita. Ergo nocte altera reversus pater, post acerbam objurgationem, hac subjunxit: Aut vitam muta, aut die S. Martino sacra, vitam simul & animam infelix perdis. Neque sic expergestus fatali somno, resipuit. Festo S. Martini Episcopi, latum instruit convivium: & adveniente nocte velut de somniorum vanitate prudenter exploja, sibi gratulatur. Dies altera aderat S. Martino Papa sacra; & ecce dum suis de more indulget illecebris infelix juvenis, inter meretricis furia sua amplexus, morte subitaneâ expirat. Pexenf. O infelix mors, mors peccatorum! Non irridetur Deus. Cum dixerint, pax & securitas, tunc repentinus eis superveniet interitus; ait scriptura. Noli securum te credere, studiosè: fortè è jociorum tuorum (qualium cogites!) è peccati tui illius amplexu, mors repentina te rapiet, aternis illatura rogis. Vade, vade, & nescio quos tibi annos pollicere: vade & parentum, aut concionatorum monita contemne.

7. S. Elzearius adhuc adolescens, sub veste pretiola cilicium gestare solitus erat. Idem fecere Sodales plerique, horum unus Mediolanen;

diolanensis ciliciô se adversus fœda somnia obarmare consueverat; vice quadam non repertô ciliciô, somnum capit: sed illico adfuere somnia fœda: ergo lectô surgit, flagellô expulsurus dæmonem, nec hoc repertô in hortum tempore frigidissimo abit, nec nisi sedatîs tentationibûs discedit. *Ex vita.* Mortificandi studium adeò necessarium & utile tibi commendo. O felix pœnitentia, exclamabat apparens ab obitu S. Petrus de Alcantara, quæ talem ac tantam mihi promeruit gloriam! Ciliciô nihil consuetius sodalibus fuit: placere hoc B. Virgini certum est, hinc Thomam Cantuariensem in reficiendo, ipsa Virgo adjuvisse legitur.

8. B. Stanislaus, otiosum verbum nullum proferre, auditus est; sermonibûs piis socios delectabat; libentissimè loquens de periculis, quibus per divinam clementiam ereptus fuerat. *Ex vita.* Imitare; haberes & tu materias loquendi satis amplam, si Dei in te favores attendere velles. Fuge sermones scurriles & indecoros, velut certissimam castitatis pestem. S. Nicetas Neocæsariensis, summo opere nugas, & facetias averfatus, rationem hujus odii sui hanc dabat: Talia odit Spiritus Sanctus. Odit & B. Virgo.

9. S. Edmundus in omni dubio B. Virginem implorat; studia coram ejus imagine peragit; fassus quòd nunquam desertum se à B.

Virgine sciat. Albertus, postea Magnus dictus, rarissimam ab eadem Virgine scientiā impetravit. Petrus de Anasco, postea Societatem ingressus, Iabbathinō jejuniō Virginem colebat; ante scholæ initium ejus imagini advolutus, benedictionem fligitabat; æger à B. Virgine visitari, ad Societatem Iesu vocari, meritus est. *Ann. S. J.* Sodalis: Deus omnia nos habere voluit per Mariam. Hanc accede, hanc implora; in studiis, in Vocatione, in negotio quovis. Non deseret te, si Edmundus sis: hoc est, si castitatem & virtutem colere labores.

10. Sodalis quidam, alteri ex promisso apparens, salvatum se esse asseruit; præcipuum sibi adjumentum fuisse affirmans, frequentem & devotam S. Communionem. *Nadaſt.* Salvari vis? frequenter & devotè communica. Statîs temporibûs nunquam negligē. Certum est, gratias conferri maximas, bene dispositis: faciliùs resistitur dæmonis tentationibus. O quibûs te gratiis privas, si divinam mensam fugis! præceptum ad interitum ruit salus tua, si nauseare incipis divinum epulum. Detestare quorundam ignaviam, sæpe mense integro S. Eucharistiam non accedentium. Vox Domini est: qui se elongant à te, peribunt.

11. B. Aloysius, diei horas accuratè habebat divisas, alias studiis assignatas, alias precibus;

cibus; ut ne particulam quidem temporis perderet; hinc nonnisi orans, aut legens re-  
pertus est. *Ex vita.* Imitare. Certus sit tibi ordo, quem observes accuratè. O Sodalis, si pretium temporis nosles, quantum omnem ejus jacturam caveres! norunt damnati, hinc nihil deslent acerbius. Monachus quidam Clarevallensis, damnatum adjurans quærebat, quâ potissimum re cruciaretur: hac, reposuit, quòd tempus ad pœnitentiam, & vitam bonam concessum, non impenderim melius. O quomodo studiosi damnati, tot menses & annos otio perditos, deslebunt inter inferos! Tu ne deslere cogaris, tempus bene colloca. Familiare nimis vitium est otium: leve creditur, quia commune est, sed alia judicia Dei, alia hominum.

12. In Provincia Franciæ, parens hæreticus filio recens converso Sodali, dat facultatem domum redeundi; at iste: extrema potius omnia subibo, quàm ut apud eos vivam, qui cum dæmone & improbitate vivunt. *Ann s J.* Imitare: fuge domos suspectas: fuge cauponas, conventicula illicita. Qui amat periculum, peribit in illo. Vivere cum iis, quibus pietas cordi non est, & tamen in pietate fervere, res rara, res ferè impossibilis est. Vivere ubi Deus offenditur, nec tamen Dei leges violare, nescio an justissimorum sit, Fuge!

In Lotharingia Anno 1614. Juvenis quidam, aleá lusuque pecuniam omnem perdiderat: ergo ut haberet, unde vesane ludendi libidini, quidpiam subministraret, aurei nummi quadrantem clam alteri surripit, in calceo abscondit. Negare interea & pernegare ausus est, minas etiam querentibus intemere, & execrationibus caput devovere, si quidpiam ipse sustulisset: Diabolus, inquiebat, collum mihi, contorqueat, si pecuniam subduxi. Vix verba protulerat; spectantibus omnibus humi labitur, facie in dorsum retortâ. Interea. accersitur confessarius, semimortuum juvenem reperit: applicatis S. Ignatii reliquiis ad se juvenis rediit, peccata exposuit; fassus etiam, quòd eò momento, quò peierabat, demonem viderit in forma horrendi molossi, pedibus posterioribus nixum, prioribus irruisse, humi prostrato collum intorresse. Ann. S. I. Non vana semper sunt imprecationes: non impunita perjuria. Consuetudinem si hac in re habes, extirpa; & sanctioribus loquendi formulis assuesce. Observa etiâ quorum scelerum fons sit, & origo, ludendi vesana libido Qui mentiri, qui ludere solet, pejerare aut consuevit, aut facile ut id agat, inducetur.

13. B. Stanislaus Patronos menstruos colebat indies; festa eorum præcipuè, agebat solennitate quâ poterat summâ, peragendo S. Communionem &c. Moriens summâ eos fiducia

fiduciâ invocabat. Ayatumus pridie festi Patroni menstrui, flagellô, ciliciô, jejuniô susceptô, sanctum sibi conciliare studuit. *Ex vita.* Imitare, Patroni menstrui cultum nunquam negligere; Patronorum tuorum festa, devotione majore celebra; invoca eos indies, dum vivis, & aderunt tibi, dum morieris. Quomodo coles hodie B. Stanislaum?

14. Celsus, Martiani Præsidis in Syria filius, è ludo scholastico prodiens, videt educi S. Julianum ad supplicii locum; advertit imminentem capiti ejus coronam ope Angelorum allatam: & subito projectâ tabulâ literariâ, Iuliani pedibus advolvitur, baptismum flagitat, non precibûs, non promissis, non metu, non vi, avelli poterat. Ergo carceri cum Iuliano datur: repetuntur promissa & minæ; sed frustra. Visa, Martyri parata corona, adeò roboraverat juvenem, ut tormenta & promissa quæcunque rideret. Actum à se agi agnoscens Pater, filium morti adjudicat, quam & constantissimè sustinuit. Tantum valet, recordatio præmii à Deo parati. *Conc. Hist.* Studiose mi, cœlum respice; parat ibi Deus laboranti præmia. Labores scholasticos, si pro Dei gloria toleras, mercedem cœlestem feres. Fortiter si carni & dæmoni resistis, mercedem aliquando cœlestem feres. Age, erige te: dignum est cœlum, cujus amore tantillum labores.

**Tantam**



Tantam tibi mercedem, dæmon non promittit.

15. S. Emericus Regali sanguine oriundus, somni parcissimus fuit: Cæteris dormientibus ipse ad preces surgebat: ad finem Psalmi cujusvis, contritionem elicere solitus erat. *Ex vita.* Imitare. 1. Somno ultra necessitatem ne indulgeas: otium est; peccatum, Dei offensa est. 2. Freqenti contritioni assuesce: horis singulis eam elicere facillimum est.

16. In Viciniâ Civitatis Tridentinæ, Adolescens, latronibus se adjunxerat. Erat is à Monacho aliquo, quem occidere voluerat, instructus, ut singulis diebus sabbathinis in honorem B. Virginis abstinere latrociniis & spoliatione. Fecit hoc latro fideliter, alios etiam à scelere simili avocabat; ab omni etiam cibo tali die, abstinens. Captus deinde die sabbathi, morti adjudicatus, libentissimè sententiam accepit, mortem pertulit, factâ prius confessione seriâ; conversionem suam B. Virginis auxilio adscripsit, per susceptam devotionem impetrato. Corpus exanimè luminibus nocturnis prodigiosè honoratum est. *Spec. Ex.* Placet B. Virgini fuga peccati. Hæc vera est devotio: Hanc amplectere: nullus abeat sabbathi dies, quò non à peccato quodam speciali abstineas.

17. Dolanus quidam Sodalis, ab inimico gravissimè

gravissimè cæsus, interrogatus per Præsidem, an ignosceret? reposuit: Duodecim anni sunt, cum formatus à vestra societate, didici inimicos esse diligendos; libenti animo veniam dabo. *Ann. s. J.* Imitare: Memento tot documentorum, quæ tibi in scholis & templis data sunt: Secundùm ea, operare didicisti, animam servandam esse sollicitè; serva eam. Didicisti fugienda esse suspecta consortia: Fuge. Alioquin scienti tibi & non facienti ô quale peccatum erit.

18 B. Stanislaus accepto usu rationis, illicò se Deo offert, ejus se mancipat servitio sempiterno. *Ex vita.* Rara prorsus gratia, in primo rationis exordio ad Deum se convertere. Verus imitator B. Virginis, in ætate primula Deo se se præsentantis Tu id saltem jam æge, & ex hora hæc totum te Deo & Virgini offer. Offer ætatem hanc adhuc floridam; in hac, piè vivè. Dæmonis fraus est, quâ plerique adolescentes decepti, æternùm pereunt. Suadet ille, annos primos dare delicis & libertati, inculcat, vitam rigidiorẽ ad futuros annos esse differendam; spem vitæ longioris ingerit, & sic à Dei servitio abstractos, innumeros trahit ad Tartara. An non & te pestilens adeò dogma infecit? procul elimina; nam teste scriptura: Spes ista longioris vitæ multos perdidit. Offer ætatis primitias Deo: jam incipe servire. sed quod offers, noli repetere: Offers linguam tuam;

Noli eâ deinceps abuti, ad quos nescio sermō-  
nes; tua enī non ampliùs est. Sic de oculis &c.  
loquere.

19. S. Emericus considerans, quam rem  
B. Virgini posset offerre gratissimam, has  
audit voces: Præclara res est Virginitas;  
Hanc ergo Deo in ipsis nuptiis vovit. Hanc  
mortificatione constanti servavit. *Ex vita.*  
Rem Deo & B. Virgini gratissimam offer-  
re desideras? Castitatem offerita saltem, ut  
annō totō peccata castitati contraria, sum-  
mopere fugias. Noli indulgere genio, sed  
licitas etiam subinde nega delicias, si casti-  
tatem servare desideres. Inter spinas secu-  
riùs floret hoc lilium.

20. Leopoli Adolefcens templum nostrum  
ingressus, confessione factâ Sacerdoti, ait, sibi  
cum templum hoc præteriret, invocato Ma-  
riæ nomine, cor incredibili dolore fuisse  
percussum. Scripserat jam juvenis ille chiro-  
graphum, quō se dæmoni devoveret, ob  
terribiles, quas patiebatur angustias. Interea  
tamen, dum dæmon in auferendo chirogra-  
pho moras faceret (cœlesti utique vi pro-  
hibitum immanibûs conscientiæ stimulis ve-  
xabatur; facti anxius, tandem de B. Virgine  
cogitabat. Occultâ semper vi retinebatur à  
templo, tandem invocato Mariæ nomine  
vi sanctiore penetravit, dolens & lacrymans  
peccata exposuit, quietem nactus jucundis-  
simam. *Nadasi.* Conscientia te si premit,

Mariam invoca: Potest hæc cor tuum sa-  
xeum emollire; potest dolorem impetrare  
intensissimum. Mater est peccatorum, con-  
vertere se volentium. Nil ei gratius, con-  
fessione seriâ & emendatione. Hoc ei gau-  
dium quousque negabis? cur non invocas?  
cur in sordibus perire cupis? Age: Hodie  
adhuc pedibus maternis advolvere: Mater-  
nam implora clementiam! non projiciet te.

21. B. Stanislaus quæsitus, an amaret B.  
Virginem? respondet: Mater mea est: Ne-  
que alio eam nomine compeliabat: Filialem  
semper affectum erga eam exhibuit. Ma-  
trem expertus est in morbo; dum ab illa  
visitatus, & suavissimis solatiis recreatus est;  
datâ etiam facultate Salvatorem Iesulum  
brachiis tenerimè amplectendi *Ex vita* Re-  
nova hodie devotionem erga magnam Vir-  
ginem; totum te ei præsentâ, filiali affectu  
eam cole. Mater est adolescentum devoto-  
rum. S. Elzeario data est à Christo in Ma-  
gistrâ Thomæ Sanchez medicam se ex-  
hibuit, dum linguæ usum restituit, cujus de-  
fectu à vocatione implenda impediabatur.  
Innumera taceo: Fuit & Mater tua ab ira  
cœlestis Patris te protexit, servabit ab infe-  
ris. Esto Filius Mariæ.

22. In Boetia Missionarium S. I. juvenis  
accessit, generali confessione peccata omnia  
expians. Is duplici se ad emendationem sti-  
mulo

mulô incitatum fuisse asseruit. Primus erat; mors repentina, quâ Deus mulctaverat sceleris consortem, in ipso, quo peccabat momento. Secundus, auditio concionis habitæ de æternitate suppliciorum, peccatoribus in inferno destinatorum. *Ann. S. J.* Sunt hæc revera fulmina duo, quæ saxeum etiam animum queant emollire; Mors infelix eorum, qui minorum seclerum rei erant: Æternitas tormentorum, decreta impiis. Hæc utraque sæpe ob oculos pone. Lauda Dei clementiam, tibi ad hæc u'que tempus parcentem: Time iustitiam, æterna inter inferos supplicia, rebeli præparantem

23. Adolescens è Moguntinis scholis domum ad parentes hæreticos redux, carnibus die vetito vesci noluit; pane & aquâ frigidâ diem primum exigere coactus; secundo die etiam panis ei subtractus est, tertio, verberibus multis inflæctis, domo proscriptus. Tulit ista omnia juvenis, neque ad violandam Ecclesiæ legem, se induci passus est. Miratus demum Pater hæreticus constantiam ejus, eum domum revocavit, neque ullam ei deinceps molestiam intulit. *Ann S J.* Imitare: Constans esto in observandis illis, quæ hausisti in scholis, documentis. Levis molestia ne quæto te absterreat ab impletionem mandatorum Dei. Animô opus est.

24. Bethuniæ, Sodalit Angelicus, post aliquot

quot vitæ verè Angelicæ annos, morbo fa-  
tali correptus, id imprimis curabat, ut se  
Angelorum Reginae & Custodi suo Tutelari  
breuibûs aspirationibûs commendaret; idem  
indies fecerat jam multîs ante annîs. Et va-  
luit pietas. Ab Angelo enim suo visitatus,  
suavissimè expiravit. *Lechn.* Imitare B. Vir-  
ginem, & Angelum tuum pro felici hora  
mortis cole, & invoca indies: Non te de-  
ferent morientem, si vivens tu eos non  
deseras.

*Annua Bœtica referunt de juvene libidini  
dedito. Hic etiam tempore Missionis contumax,  
concionem à Missionario habitam de periculo e-  
orum qui occasiones lubricas repetunt, risu ex-  
cepit. Infelicem risum poena Numinis manifesta  
excepit. Repentinò correptus morbo nonnisi ve-  
teris amica, qua cum peccaverat, nomen in-  
geminans, non sine summo presentium stupore,  
vivendi amandique finem fecit, formidandâ  
lascivè amantium aternitate, abruptus. Ann.  
S. I. Qualis vita. finis ita. Mors vite respon-  
det. Quam vivens in ore & mente habuerat  
scelerum sociam, & moriens habere auditus  
est, dum è contra Sancti latè invocantes San-  
ctissima IESU & MARIAE Nomina, hæc eadem  
in morte pronuntiantes, audiuntur. Male vive-  
re, & benè mori, sine prodigio non iunguntur.  
Disce etiam, esse in cœlo Deum, qui contuma-  
ciam peccatoris puniat. Non impunè conte-  
mnuntur*

*mnuntur bene sentientium monita, precipue  
Superiorum, Concionatorum & Confessariorum.  
Qui vos spernit, ait Christus, me spernit.*

25. Landspergensis Sodalitas quoties in se  
vel in Deum aut coeletes probrum aliquod  
jaci audiebat, ad refarciendam aliquomodo  
Dei, coelitusque injuriam, toties repetebat  
voces illas: Gloria Patri & Filio, & Spiritui  
Sancto. *Nadasi*. Animus Deum amans ægrè  
etiam ab aliis Deum offendi patitur: læsum  
Dei honorem reparare laborat. Tuid saltem  
age: labora, ut repares injurias à te Deo  
illatas: Vesper dum in examine  
recordaris defectuum admissorum, præter  
dolorem, aliquam tibi injunge pœnitentiam.  
Res utilissima est & facilis. Præterea assue-  
sce dolori sæpius eliciendo de peccatis præ-  
teritis, item actibus, fidei spei, & charitatis.

26. B. Stanislaus cæteris bono exemplò  
prælucere studuit, hinc non alio, quàm An-  
geli nomine compellabatur. *Ex vita* Luceat  
lux vestra coram hominibus, ait Christus.  
Cave quenquam verbò factòve unquam scan-  
dalizes. Væ! væ homini illi, per quem  
scandalum venit! O quam ex inferis vindi-  
ctam petent animæ, tuò verbò vel exem-  
plò seductæ! Memini legere de Pictore, qui  
imaginem turpem pinxerat, cujus occasione  
perierant animæ multæ Hæ coram tribunali  
divino præsentés, vindictam unanimi voce  
exposcebant



exposcebant contra eum, qui damnationi dedisset occasionem. Res terrifica planè est, animam Christi sanguine redemptam, seducere,

27. Parisiis studiosus audiens, quosdam è condiscipulis suis relictò sæculò Religionem petiisse, divino repente actus spiritu, oblitus librorum, amicorum, bonorum omnium; solus velut amens ad cœnobium properat. Quærenti causam properationis, ait; ego vado ad Deum. Superiorem loci dein convenit, pedibus ejus advolutus aiebat: Ego sum Dei: ego sum Dei. Susceptus ergo in numerum aliorum, vitam vixit sanctissimam. E numero condiscipulorum erat Guerricus, qui in Ecclesia audiebat legi illa verba: Factum est omne tempus; quod vixit Adam, nongenti triginta anni, & mortuus est, &c. Tum sic secum: mortui sunt hi: moriar ergo & ego: an bene? cur non me ad mortem paro? Nec plura addidit, mundo vale dixit, religionem ingressus, Deo sanctissimè servivit. *Specul.* Mirabilis Deus in vocatione Sanctorum suorum: mirabilis conversionis occasio! quantillæ rei Deus beatitudinem hominis annexuit! an non meritò curam minimorum quorumcunque haberi necesse est, ne fortè ex minimo tali dependens beatitudo, amittatur. Adverte etiam, quàm fortis sit heroica una resolutio! talis, Sanctam effecit

effecit Magdalenam antea peccatricem; Sanctum Ignatium, Sanctum Antonium & innumeros alios: faciet & te, si velis. Deum observa in Guerrico, efficaciam memoriae mortis. Memento mori, & vilescet mundi vanitas: & major erit pro salute sollicitudo.

28 Monastorini in Transylvania Sodalitatis quidam, ut eam quam perceptam Sanctissimam Eucharistiam sentiebat dulcedine frueretur diutius, diebus Communionis ab omni prandio abstinebat. *Ann. S. J.* Difficile hoc nimum tibi erit: at hoc saltem agere par esset, ut die illo abstineres otio, lusu, circumvagatione, peccatis aliis tibi familiarioribus. Gratias tibi uberiores salvator tuus, conferret, hanc si vivendi rationem tenueris.

29. Miles quidam ætate adolescens, Domino cuidam famulatus, gravissimis in castitate tentationibus agitabatur. Tentationes Monacho cuidam aperiens, iussus est per annum indies, centenas salutationes angelicas recitare. Die anni postremo, convivio intererat: recordatus pensi necdum persoluti, vicinam petit Ecclesiam, consuetas preces persolvit. Egresso, obviam Virgo pulchritudinis ineffabilis, quaerit ex eo, num sponsam se habere cuperet? Annuit ille: Et hæc; bene est, ait, hoc die diem designabat) nuptias in coelo celebrabimus. Hic vero intelligens

San- telligens miles, quæ Virgo hæc fuisset, ad  
& mortem lætus se disponit, quam & die de-  
De- signato obiit. *Specul. Ex.* Sunt tentationum re-  
me- media, modò amplecti ea velis. Excusati-  
escet onem non habes in peccatis tuis. Mariam  
e so- invoca.

30. Anno 1608. Martinus Gutric adolescens  
hæreticus, nobili Catholico famulabatur;  
Fæbrî correptus, petit vocari Fornerum Con-  
dalis cionatorem Bambergensem. Obstant hære-  
simâ tici, exhæredationem minantur. Is, terre-  
di- nam, ait, hæreditatem nihil duco, coele-  
ran- stem quæro. Adest Fornerus, causam petiti-  
ni- onis rogat. Respondet; adfuit hac nocte,  
r el- Deipara, inquires: quia me sæpe coluisti &  
um- salutasti, venio & moneo te: instat mors;  
bús- fidem Catholicam amplectere: hoc die mo-  
rifer- rieris; veniam ad te, & ad cælum te ducā.  
Do- Cultus verò ille in eo erat: audierat in con-  
asti- cione Forneri, quàm grata Beatæ Virgini  
ones sit Salutatio Angelica, fidem itaque amplexus,  
per sacramentis munitus, die designato suavissimè  
licas expiravit. *Forner* Adest Virgo pia, morientibus;  
tere- providet eis de remediis necessariis. Cole-  
, vi- eam, non deerit. Deerunt amici, deerunt  
eces socii. Non erit, unde auxilium sperare pos-  
ritu- sis. Huc igitur curam converte, ut clemen-  
sam tissimæ Dominæ patrociniū tibi promere-  
rec; aris. Singulari semper affectu recita illud:  
bat) ora pro nobis peccatoribus nunc, & in hora  
o in- mortis.

L

Ado;

*Adolescens vocanti Deo obtemperans, Religiosum statum intraverat. Facti pœnitens, sæculum repetit, ut liberius viveret. Pauci elabuntur menses: morbo fatali corripitur ad extrema deducitur. Confessio ei, & ad mortem præparatio ingeritur, sed frustra. Frustra, inqueiebat, frustra hac mihi ingeritis, actum est de salute mea aeterna: adsuit mihi in visione Dominus, ter-rifico me vultu intuens, aiebat: vocavi & renuisti: ridebo in interitu tuo: vade ad portas inferi. Hac dicens, & miserrimè ejulans, suam nimis serò deplorans inconstantiam, obiit. Spec. Ex. Non pauca suppetunt in rem hanc exempla, ad omnem memoriam tragica. Scilicet, non irridetur Deus. Ridere cum Deo & ludere, hominum solet impietas modis varijs. Vocat Deus ad statum sanctiorem: vocat ad vita emendationem: jam inferos minatur: jam promittit cœlum. Renuunt obedire voci divina inconsulti homines: cogitationes tales abjiciunt: pergunt in sceleribus. Alii, statum sanctiorem amplectuntur: vita emendationem auspicantur. Vocat Deus ad constantiam. At illi tadio quodam, aut molestiâ deterriti, horrent pergere; à vita bona desectunt; terga Deo vocanti vertunt. Tolerat ista patiens Deus, sed ad tempus contemni se patitur & deserit; sed ad tempus: ubi verò mortis tempus imminet, ubi ad Deum converti cogitant impii, tum enim & Deus tergum obvertit. nec precibus nec ululatibus cedens; ridens etiam in interitu.*



Erit annus aliquis tibi ultimus. Quis ille? ignoras. Hoc scis, potest esse quilibet; ergo sic vive, tanquam quilibet, esset ultimus. Si scires annum hunc, hunc mensem, fore tibi ultimum, an pergeres in consuetudine hac? in illo peccato? consortio? Timeres certè in his mori. Time & sic vivere, quia mori in his, potes.

2. Taurinensis Sodalis, suadente nostro, confessione generali emundat conscientiam, & mirum in literis profectum experitur, antea stupidus totus & infelix. Bituricensis quidam, in philosophico studio pariter infelix, post opem B. Virginis sollicitè imploratam, omnia experitur facilia. *Sod. Parth.* Scilicet, non solo labore proficitur. Non intrat sapientia in cor peccatis deturpatum: cor mundum quærit. Neque hoc satis: Omnia nos Deus habere voluit per Mariam: hujus implorandum est auxilium, Sedes sapientiæ est; non denegabit profectum facilem clientibus. Tu quid ages?

3. Ioannes Baptista à Prato moriens, vicinos sibi Sodales ad cultum B. Virginis enixè hortatus, paulò post, nomen suum literis aureis libro vitæ insertum videre, meritus fuit. *Nadasi* O quale tuum esset solatium, si nomen tuum pariter libro vitæ insertum scires. Tantum tibi non conceditur: spes sola reliqua est, & magna quidem. Cole  
indies

indies Virginem Sanctam; dic cum S. Casmiro: commendare me dignare, Christo tuo filio, &c. Pro me pete, ut quiete sempiternâ perfruar, &c. Certè & ex tali oratiunculâ brevi, non rarè beatitudo pendet. Servierat militi Dæmon per annos non paucos, ad inferos eum rapturus, si vel uno die Salutationem Angelicam omitteret. Fortè & tu pridem periisses, nisi quotidie Mariam colloquisses.

4. Neapoli Sodalitatis Præfectus videns Sodalem ad suspectam domum properare, ad eum mox accedit, primum precibus, dein & flagellis impiam ei mentem extorquere conatur: cruentum ei flagellum ostendens inquebat: Disce miser vel fuso sanguine servandam, quam Christus redemit animam: hoc ego me flagello castigavi, ut imminentem capiti tuo minam averterem. *Lechn.* O quanta proximi, quanta Dei charitas? impedire Dei offensas, vindictam divinam precibus & flagellis avertere, res Apostolici Zeli est. An tu idem pro salute aliena? an non datur occasio peccatum non unum impediendi? Ubi Zelus tuus? si pro alio similia facere formidas, dignus saltem es tu, digna anima tua, cujus amore hæc non refugias. Quid statuis? impendet tibi vindicta divina: Propera, ora, averte, ne pereas.

5. Adolescens quidam consuetudini impu-



ræ implicitus, Patrem Realinum S. I. accesserat, remedium miseriæ suæ flagitans. Pater suavit, ut quoties ab immundo spiritu tentaretur, toties ter signô Crucis muniret pectus dicens, Per Sanctam Virginitatem & Immaculatam Conceptionem tuam, Purissima Virgo munda cor & carnem meam, in nomine Patris &c. Adhibuit adolescens remedium hoc, & jurejurando affirmavit, nunquam ex eo tempore, se in peccata vetera esse relapsum. *Ex vita.* Imitare, si seria tibi emendationis voluntas est, media non desunt. Media si directas, frustra voluntatem vitæ melioris, frustra desiderium cœli obtendis Salvari non vult, qui media ad salutem necessaria non vult.

6. B. Stanislaus audiens S. Barbaram singularem pro felici morte impetranda patronam esse, ab eo die indies eam devotissimè venerabatur; cujus devotionis fructum in morbo periculoso retulit specialem, ne scilicet sine sanctissima Eucharistia decederet. *Ex vita.* Imitare. Hora mortis, res est momenti maximi; pro hac Patronos tibi in cœlis concilia; quia in terris nullos reperies. Uti Deus sanctos alios aliis veluti necessitatibus præfixit Patronos, sic morientibus post B. Virginem & S. Josephum in Patronam esse voluit S. Barbaram. Cole eam.

Lujor quidam in Castro Drepanensi, rem su-  
am

am ludendo perdiderat: ex damno dolor, ex dolore desperatio, ex hac impietas nata est detestanda. Accedens imagines B. Virginis, & S. Alberti, horrendas effudit blasphemias; quin & arreptò gladiò utramque imaginem furibundus persequitur; unde dum cruorem profluere cerneret impius, horrore percussus, fugam parat, sed in ipso templi aditu, fulmine cœlitus lapso percussus, in pulverem totus redigitur. Simile quid & lacentia accidit. Adolescens quidam jacturam in lusu non levem passus, terribiles in Virginem Matrem blasphemias evomere ausus erat: sed adsuit eo momento vindicta Judicis: repentinâ enim morte prostratus, eo ipso loco descendit ad tartara. Bonif. Huc nimirum insana illa ludendi cupido deducit. Faciles ex lusu lites, execrationes, furta, fraudes, blasphemie, & quæ non iniquitates oriuntur? Cave his unquam assuescas: res tantò periculosior est, quantò minoris plerumque aestimatur à studiosis. Qui in tabernis hodie ludi fiunt, agebat Chrysostomus, illi me maximè cruciant, & impietate & intemperantia pleni sunt. Aliud judicat sæculum nostrum, perversis imbutum principis. Tu quod securius est, elige.

7. B. Stanislaus pridie S. Communionis, quam quovis octiduo peragebat, jejunare solitus fuit, ut tantò dignior, ad tantum accederet Mysterium. Beatus Aloysius tres dies gratiarum actioni dabat pro S. Communionē.

nione. *Ex vita.* Imitare. Flevit Christus Hierosolymam intuens, eò quòd non cognoverit tempus visitationis suæ. sanguine-  
 is meretur lacrymîs deplorari studiosorum plurimorum negligentia, non cognoscentium tempus nobile, quò à Christo Eucharistico visitantur: O Cœlites! Quæ præparatio? Quæ gratiarum actio? Ubi fides nostra? tu si majores à Christo experiri vis gratias; hoc age, magis te sollicitè para; plus temporis gratiarum actioni impende. Hodie & cras id ostendes.

8. Berchmannus, Immaculatæ Conceptioni B. Virginis speciali affectu devotus exstitit: hanc propugnare, votò statuit: hanc coluit indies, hanc æmulari in eo saltem studuit, ut vitam ageret castâ & immaculatam Hinc sæpe sic se allocutus est: Vis esse Filius Mariæ? Castitati stude. Neque contentus erat devotione quotidianâ, majorem semper in ea fervorem quærebat. Nunquam quiescam, ajebat, donec obtinuerò amorem tenerum erga dulcissimam Matrem Mariam. Affectû hunc sabbathinò jejuniò, aliisq; pietatis exercitiis nutrie-  
*bat. Ex vita* Hæbes quæ imiteris. Renova hodie devotionem erga Intaminatam Virginem: hanc quotidianò Officiò & Rosariò cole. Sed non satis, Immaculata est Virgo, quam honoras: amat immaculatos. Amat eos, qui turpes peccati maculas fugiunt.

fugiunt. In hoc exhibe amorem tuum, fuge peccatum, potissimum Castitati contrarium.

9. Adolescens Miles lasciviæ deditus, ad torneamentum aliquod in Normannia properans, in castello quodam obviam habuit puellam pulchritudine insignem. Hanc sequitur nefarius; ejus parentibus pretium offert ingens, si uti eâ liceret pro libitu. Consensere parentes impiissimi: Puella plorans & ejulans, sic militem à cæteris separatum compellat: Maria vocor, lachrymor, quia ad peccatum me cogi video, & tale quidem, quod Patronæ meæ maximè displicet; cui castitatem vovi: Insuper & dies Sabbathi est, huic Virgini Sanctissimæ dicata dies. Oro te, amore Matris Divinæ; parce castitati meæ; amore Mariæ, ne lædas me. Vocibus hīs mutata impii juvenis mens, promittit amore Mariæ, se peccatum hoc omisurum: Pecuniam etiam addit, ut puella illa in cœnobium recipi posset. Profectus inde miles, in torneamento occisus est. Facta revelatio puellæ huic, eum ope contritionis ante mortem elicitæ, salvatum esse; hanc verò contritionem, ei per Mariam impetratam indeo, quia hujus amore peccatō unō abstinuerat. *Segneri.* Dulce, quanti æstimet Virgo, vel unius peccati omissionem. In hoc imitare: Fuge peccatum, præcipuè die Sabbathi, præcipuè castitati inimicum.

10. S. Fulgentius decretam vocationis im-  
plendæ occasionem expectans, majore fervo-  
re in pietatis exercitium incubuit: abstinebat à  
usu etiam licito: plus temporis orationi,  
lectioni piæ, & meditationi impendebat: sæ-  
pius sanctissima Mysteria frequentabat. *Ex  
vita.* Huc oculos & animum verte, Sodal-  
lis. Decrevisti forsan, relictô sæculô san-  
ctius vitæ genus amplecti. Quæ nunc vita  
tua? An diabolicô illô imbutus es principiô;  
plura jam tibi licere, indulgendum esse ge-  
nio, vivendum esse liberiùs. Cur? Quia po-  
stea negatur occasio deliciis talibûs animum  
pascendi; quia postea agetur pœnitentia.  
Infelicem te, si sic cogitas. Time jutum  
in cœlo Vindicem; Non unus fuit, qui in  
pœnam vitæ talis, vocationem perdidit &  
vitam æternam. Vocatio donum Dei sum-  
mum est: Negabitur tibi, si impudenter a-  
deo cum benefactore Deo agis. Fulgentium  
imitare.

11. Simon, Abelis Judæi Pragensis, Filius,  
duodecim annorum Adolescens, ex frequenti  
accessione domûs Christianæ, & considera-  
tione Imaginum sacrarum, ad fidem veram  
animum cœpit adjicere, sæpe ingemiscens:  
O si possem Christianus fieri! diu subinde  
in domo Catholica moratus, domo exclusus,  
in fimeto etiam pernoctare coactus est. Au-  
ctô fidei veræ desiderio, ad recens baptizatû  
Georgium

no terreno? O utinam Deo meo serviissem  
fidelius? Sodalis mi, Stanislaum imitare;  
ea jam age, quæ tibi in hora mortis esse  
possunt solatio. Servi Deo & B. Virgini.

14. Goanus quidam Sodalis ab altero ala-  
pâ per injuriam percussus; Condono, aje-  
bat, quia Sodalis B. Virginis sum. *Sod. Parib.*  
Grata Mariæ vox; res acceptissima amore B.  
Virginis non peccare: amore ejus se vince-  
re. An tibi hoc difficile nimium? cur non  
hodie dicis: fugiam consuetudinem hanc,  
quia Sodalis B. Virginis sum: Fugiam con-  
sortium hoc, hoc otium, hanc in Divinis  
negligentiam, amore Virginis. Novit hæc  
tibi succurrere Virgo, si eam sic colis.

15. S. Nicolaus tædas, quibûs à dæmone  
versabatur, tentationes, laboribûs, jejuniis,  
vigiliis & orationibûs superabat *Ex vita* I-  
mitare: hæc sunt arma, quibûs hostem pes-  
simum oppugnare continuo debes, nisi vin-  
ci velis. Toletus putat adolescentum pluri-  
mos devolvi ad inferos, tolum ob peccata  
adversus castitatem admissa; uti enim facile  
in hæc labitur juvenus improvida, sic re-  
surgit ratio, surrectione constanti, quia vim  
sibi inferre refugit, tentationibus non virili-  
ter resistit, flagella, jejunia, & similia horret.  
Coelum horres, nisi hæc amplecteris. Melius  
est affligere carnem petulantem brevi & vo-  
luntario supplicio, quàm molliter eam tra-  
ctando

ctando, suppliciis nutrire sempiternis.

16. B. Aloysius ante studia renovat intentionem bonam; coram B. Virginis effigie studia peragit; ante scholæ initium, Ejusdem opem in templo invocat. *Ex vita.* Imitare, feliciorum profectum spondeo.

17. Michaël Ayatunus pridie mortis rogat Patrem, ut liceret sibi die altero publicè flagellis in se deservire, rationem dabat hanc: Extremo vitæ tempore magna pro salute operari par est: & præclarè facta morti sunt præmittenda. *Ann. S. J.* Sodalit; extremum imminet anni tempus, fortè & vitæ ultimū: par est, ut magna opereris pro salute tua; ut desleas peccata per hunc annum admissa; suscipias mortificationes varias ad Deum placandum, ad satisfaciendum pro peccatis tuis, ad gratias pro tot beneficiis agendas. Statue hodie, quomodo dies hujus mensis reliquos peragere velis.

18. B. Aloysius moriturus, Rosarium & Crucifixum sui amoris tesseris suavissimè amplectitur; mirificò exultans gaudiò ob mortis viciniam. Imus lætantes, ajebat, ad cœlum. Idem prorsus de B. Stanislao legitur, qui & B. Virginem coram intueri meritus est, exclamans: Paratum cor meum Deus. *Ex vitis* Sic moriuntur Sancti. Morieris & tu: quomodo? quando? ubi? utinam bene! an parî afflues solatiò? an parî exclamabis fiducia:



fiduciâ? Imus ad cœlum paratum cor meum.  
Potes, si seriò velis. Dispone domui tuæ:  
munda conscientiam tuam per Confessionē  
seriam: tervi Deo fervore summo, quò potes.  
Quid enim moribundo tibi proderunt omnia,  
si hoc negligis? ex sola vita bona, hauries  
solatium.

*In regno Toletano adolescens vixerat circa  
annum 1642. tenerrimo affectu B. Virgini de-  
ditus. sed uti fieri amat, à fervore hoc desciscens  
variis se dedit sceleribus: Habitabat ibidem  
Virgo sancta; h. c. sub oratione vidit Judicem  
Christum presente Maria Virgine & Angelorum  
ingenti curiâ. Agebatur eorum Judice de sce-  
leribus urbis illius, & potissimum impij nostri,  
quem iustus Judex aternis adjudicavit sup-  
plicis, intercessit Maria, & 30. dies impetra-  
vit, quibûs adhuc penitentiam agere posset, ju-  
bens ut Virgo hac videns, narraret omnia Pa-  
tri cuidam è Societate, qui impium ad saniora  
impelleret. Repetitâ visione fecit id Pater, &  
primùm ad Confessionem permovit; sed relapsus  
identidem in scelera impius, Patrem domo suâ  
semper exclusit deinceps; ejecit iterum iterumque  
redeuntem. Dies trigesima aderat; neque ad  
peccatorum detestationem compelli se passus, sed  
inter blasphemias horrendas & ejulationes a-  
nimam evomuit. Vidit Virgo supradicta, ju-  
diciũ impij & audit, specialem rationem pe-  
nitam esse, quòd triginta dies pœnitentie agenda  
concessos*

concessos, male impendisset; ideoq; aternis ad-  
judicatum fuisse suppliciis. Barzias. In alieno  
exitio, tuum cave. Forsan jam hareres inter  
tartara, nisi Mater gratie obsequia olim à te  
exhibita respiciens, tempus tibi poenitentia im-  
petrasset. Quantum i'lud? novit Deus. Fortè  
anni pauculi, menses aut dies sunt. Hos si  
male impendis, va anima tua O quàm gravis  
exigetur ratio, quàm tetra imminent tormenta!  
Adhuc paululum modicumque, & consum-  
mabitur indignatio mea & iror meus, dicit  
Dominus. Time vitam hanc impiam proroga-  
re. Age poenitentiam.

19 S. Columbanus postea Abbas, dum san-  
ctius vitæ genus amplecti properabat, ma-  
trem expertus est sibi reluctantem. Hæc ad  
ipsum domus limen procubuit, filii abitum  
prohibitura. Sed filius Christum præ matre  
diligens, sublevis in cælum oculis, generoso  
pede Matrem ululantem calcans, ad destina-  
tum sibi & salutis suæ statum festinabat, ro-  
gans Matrem, ne ægrè id ferret: magnum  
enim in cælo parari præmium. *Spec. Juv.*  
Sodalis, qui diligit matrem aut patrem plus  
quàm me, ait Christus, non est me dignus.  
Vides majore Deo serviendum esse fervore,  
necessariam tibi intelligis emendationem:  
erunt, qui se tibi opponant erunt, qui pia  
desideria impedire conentur: erunt focii, u-  
tinam non & parentes! Tu generosè calca:  
perrumpe

perrumpē obstacula omnia, contere respectum vanum: repudia amicitias sceleratas: ad Deum confuge, salutem animæ tuæ in tuto colloca. Animô opus est.

20 B Archippus puer Hieropolitanus mirabilem prorsus & rigidissimam vitam agebat; ad quam se vocibûs hîs sæpe animabat. Quid prodest mihi hoc corpus paulò post ab turum in cineres? liceat mihi uni animæ adhærere: sic beatuts ero. *spec. Juv.* O si sanctô hoc principiô imbuta eslet cogitatio tua? effare, quid prodest labor ille omnis pro corpore? quid gaudia etiam cum Dei offensione corpori procurata? quid prodest libertas illa tua? anima si perit, quid profunt cætera? hæc cogitatio Xaverium Ecclesiæ dedit, & Indiis Apostolum: hæc eremosiacolîs, monasteria Religiosis, cœlum Beatîs implevit. Hujus oblivio implevit Tartara. Miserere animæ tuæ. Tot per annum hunc labores pro corpore suscepisti; tantum ei sollicitudinis impendisti? Miserere jam saltem animæ tuæ. Chrysologum audi: Dedimus corpori mentes & annos, demus animæ dies. Scis quid velim? optarem, ut dies hujus mensis reliquos, totos pro anima dares, vacando plus solito Orationi, meditationi, & faciendæ Confessionî Generali: Miserere animæ!

21. Neapolitanus Sodalîs scelus aliquod confiteri

confiteri erubuit: Adest ei peregrinus quidam dicens: Jam diu angeris; cur occultum facinus retices? Neganti verò Sodali, reponit idem: Noli culpam augere apud scientē: Hæc (B Virginis effigiem è collo suspensam ostendit) me ad te misit, ut te monerem: quod si non facis, brevi experiēre supplicium. Motus hac comminatione Juvenis, Confessione generali animum expiat. *Lechn.* Sodalis, Mater tua Virgo, te monet: expia conscientiam tuam Confessione sincerâ & generali emenda mores tuos: dispone te ad mortem: imminet reluctanti supplicium: desiderat B. Virgo animam tuam & salutem, desiderat emendationem, deseret te, nisi obedias.

22. Bononientis quidam juvenis vanitatem & luxum mirè sectatus, ex meditatione sententiæ per Religiosum aliquem casu propositæ: subter te sternetur tinea, & operimentum tuum, erunt vermes: conversus, mundum deseruit, Religionem petiit, ut Deum sibi pro hora mortis redderet propitium. *Spec. Ex.* Memento mori. Certa est tibi mors. cura, ut felix sit. Abjice procul omnia, quæ illam tibi reddere possunt acerbam. Fuge peccatum: hoc enim solum acerbam tibi mortem addere potest & infelicem.

23 Jacobus quidam dictus, adolescens vitæ solutioris, B. Virginem nocte aliquâ si-  
bi

bi præsentem vidit, & hīs se ab eā vocibūs compellari audiit: Jacobe, redde rationem vitæ tuæ. Expavit, inducias flagitavit, vitam priorem ritè expiavit, totus à se mutatus. *Nadasi.* Fortè & tuis auribus vox hæc brevi insonabit: Redde rationem. Studiose quid facies, cū surrexerit ad judicandum Dominus, & cū quæsierit, quid respondebis? nemo credit, quàm terribilem rationem exigat justus Deus. Provide tibi, vitam emenda.

24 Adolescens improbo, curiositate ductus intrabat templum auditurus Concionem P. Barradii S. I. In ipso limine unam audit à Patre ingeminari vocem hanc: Infernus! infernus! & subito percussus, vitam priorem serio deplorare cœpit & emendate. *Ex vita.* Si sciras, quid sub voce tam terrificâ lateat, tot monitis opus non esset, ut emendationem extorquerem. Recordare sæpius vocis illius, & eam tibi à S. Custode inclamari crede. Res seria est: Infernus: Anima: Damnatio: Beatitudo.

*Adolescens, unicus parentis nimis indulgentis filius, vitâ primum & moribūs integerrimus, libertati deinde fræna laxare cœpit: pudore excusso publicè lascivus audire non erubuit. Moneatur à Superioribus, sed frustra. Concionator urbis Patrem severè commonuit, arceret filium à probrosa domūs accessu, aliàs & Patri,*

*Patri, & filio, Divinam impendere vindiſſā. Sed Patris indulgentia, filii impietatem roborans, monitiones eluſit. Paulò poſt adoleſcens infelix in ipſo ſcelere deprehendus à marito adultera, multis ictibus conſoſſus, repertus eſt. Segneri. Habet hoc ſuum la, civa voluptas præmium, infelicem in ſcelere mortem. O voluptas miſe- ra & momentanea! quot Adoleſcentum millia deieciſti ad ſupplicia! Studioſe, finem reſpice, & voluptatem illicò omnem naſeabis. Noſi ſpuriam in quacunq; ſed potiſſimum impuri- tatis peccato quarere voluptatem. Deſicere te ad ſtygem, juſtus poterit Deus, eodem momento, quò æternitatis oblitus, peccare audeſ. Non eſt, non eſt voluptas digna, quam æternò emas ſup- pliciò. Momentum recreat, æternum cruciat.*

25 Antonius Caraffa adhuc adoleſcens per ſubmiſſam à nebulonibus impuris ſœminam, ad amplexus, & illicita alia, promiſſis ampli- ſimis incitabatur. Ocyù ille leſto exilire, fugam tentare; cumque fores occlulas re- periſſet, horrendum inclamare; demum no- vus Thomas caminum accedit, batillò uſus ingenti cineris nube & ardentium adhuc pru- narum grandine petulantis mulieris os, cri- nes, manus implet, & ſemiuſtul-tam fugat. Mirum caſtitatis, & ſcientiæ donum, à Deo in præmium tulit. *Ex vitâ.* Toties incul- catam denuò ſub anni finem commendo pugnam generoſam adverſus peccatum o.

mne, præcipuè castitati adversum. Fuge: pugna viriliter.

26. Dignam longiore narratione historiam refert Bonifacius S. I. Juvenis in furem ex infortunio actus, dæmonem invocaverat. Aderat ille, diu eum comitatus, sæpe vitæ ejus insidias apertas obtulit: semel in desertam solitudinem abduxit Juvenem. Hic quò se converteret inscius, Virginem Mariam coram videt; Hæc juvenem manu prehensum reducit ad Sacellum, ubi præteriens juvenis orare ad B. Virginem semper solebat. Hoc in loco eum acerbè increpatum, jubet, Confessionem peragat, poenitentiam suscipiat; & sic continuo se ei adfuturam spondet. Fecit omnia Juvenis, rarissimos à B. Virgine favores postea expertus. *Bonif.* Peccatores, ne despera: proteget te Virgo, si emendas vitam, hoc nisi agis, frustra Eam invocas.

27. Adolescens Lusitanus annorum duodecim, jam jam moriturus sic Marrem affatus est: Deum lauda, ô Mater! cujus beneficiô, acceptam in Baptismo innocentiam ad hoc usque tempus servavi; lætus inde obit. *Ann. S. J.* Innocens es, an peccator? uter, uteris, si gaudere in morte velis, peccatum fuge. Ut fugias, sanctissima mysteria frequenter suscipe; his enim adolescens ille in bono roboratum se sensit.

28. S.



28. S. Mennas Martyr audiens à Maximo, se fore amicum Regis, si fidem dederet, respondit: omnis amicitia humana repugnans Deo, indigna est Christiano *Spao. Juv.* Indignior Sodali est amicitia cum sociis pravis, quia Deo repugnat. Fuge socios pravos, si infernum fugere desideras.

29. Hugo, Hertruriæ Princeps, pueritiam castitate & veneratione Virginis illustrem egerat; juventutem libidine, aliisque sceleribus maculavit; B. Virginem tamen invocabat indies. Venatum exierat: siti pressus, obviam habet mulierem speciosam, (Maria erat) fructus offert delicatissimos, sed in scutellâ sordibus plenâ quos cum nausearet Hugo, ajebat illa: Talis est pietas tua in me; bona, si sordes peccatorum abessent. Disparuit, nec tamen respuit Hugo, donec vice aliâ, oblata ei est inferni species, & à tartareis ministris expectari audiret inter inferos Hugonem; tum enim totus in se rediens clamabat: Hugo posthac non erit Hugo. Et fuit revera alius, poenitens scilicet & quidem constanter. *Segneri.* Secutus es errantem, sequere poenitentem. Ut preces tuæ placeant Virgini, peccata fuge. Fac hoc propositum, & imple: Posthac alius ero. Fortè te jam expectant Tartara, testinanda est emendatio.

30. Rolandus adolescens, dum diem inter  
delicias

delicias totum exegerat, *conversas est in*  
Sanctum. unâ hac cogitatione noctu oborta.  
Ubi nunc sunt gaudia mea? quid reliquunt  
ex iis est? *Platus.* Sodalis: annô unô pro-  
pior es æternitati, adeoque & morti. Effare,  
ubi nunc sunt illa tua gaudia, etiam cum  
peccato quæsitâ? ubi est dulcedo ex otio,  
somnia, lusibus, hausta? quem fructum ha-  
bes? moriendum si tibi jam esset, quid sen-  
tires? quid statueres? hoc jam statue: alius  
cito. Præterit citò, quod delectat, perma-  
net, quod cruciat.

31. Juvenis sanctè educatus, ad aulam  
missus, in ea corruptus, ab ea proscriptus,  
latronem egit. Captus, in carcere instigan-  
te dæmone, Deum & Sanctos abjurat: Ma-  
riam ejurare iussus, renuit, potius moritu-  
rum se asserens. Fremente dæmone & e-  
vanescente, icelus agnovit, cujus ut veniam  
impetraret, Beatam Virginem accessit,  
quam indies totâ vitâ salutare consueverat.  
Nocte totâ inter preces actâ, ad locum sup-  
plicii educitur, Conspicit Sacellum & in eo  
B. Virginis effigiem, huic ut liceret valedi-  
cere imperrat. Hîs ergo Eam vocibûs in-  
clamat: O Mater! ô Virgo! ne desere mo-  
rientem. Et ecce Mariana Effigies exten-  
dit brachia, stringit juvenem, neque dimit-  
tit, donec mortis suppliciô liberatus, decla-  
raretur. *Pexent.* O Maria! ne desere mo-


M

rientem.

nientem, hoc ora indies, hoc repete. Aut cum S. Richardo, centies diebùs singulìs orante: Maria Mater gratiæ, dulcis Parens clementiæ: tu me ab hoste protege, & mortis horâ suscipe. Non deleteret, si prior non deletras peccando.

*Ultimum Anni hujus tragicum exemplum brevissimum pono, sed tale, cuius veritas nemini nisi impio dubia esse possit; tale quod obstinatissimum terrere possit: Onan filius Iudæ, peccatum fœdissimum, luxurienti heu nimis familiare! Castitati contrarium, admiserat. Et eo adhuc momento percussus à Domino morte subitanæ perit; eo quod, ut ait Scriptura: rem detestabilem faceret Ex. Gen. Quis animus tuus Studiose? non horres? non expavescis? ullane adhuc peccandi libido esse potest reliqua? O miserum te! Imprime tibi exemplum hoc tragicum. cogita quid sit, eadem horâ peccare & mori, quærere delicias & perire. Conclude 1. Res horrenda est peccatum vel unicum, quod Deus aternò punit suppliciò. 2. Mori potes, eò momentò quò peccas, & aternum damnari. 3. Mortuus si fuisses in peccato illo mortali perisisses aternum, & jam haberes inter inferos. Quis prohibuit? clemens Deus: & à te offensus Deus. An & deinceps prohibebit? ignoro, incertum est. Ergo Chrysostomum audi: Fili peccasti! in contrarium convertere. Deo gratias*

gratias age, quòd non in mediis te rapuerit  
peccatis. Primum est: Convertere: noli porro  
peccare: Time: fortè primum, quod perpe-  
tras scelus, erit & ultimum. Time! si in eo  
morieris, periisti aternùm. Secundum est: Deo  
gratias age, quod mori te non permiserit. uti  
alios innumeros permisit. Cave tantam offen-  
das Bonitatem. Novo cum  
fervore & tantò  
maiore ama, &  
honora.





## CONCLUSIO.

**H**abes, Studiose Lector, quæ  
per otium colligere pro sa-  
lute tua licuit. Utere ad sa-  
lutem. Inspice & fac secundum e-  
xemplar, quod tibi monstratum est.  
Inspice pios, & imitare: Inspice  
impios, & abominare: Considera  
eorum exitium, & time. Accipe  
documentorum epitomen. Time &  
ama Deum. Cole B. Virginem.  
Devotè suscipe SS. Mysteria: Cu-  
stodi Castitatem: Fuge impia con-  
sortia: Memorare novissima. Me-  
mento Creatoris tui in diebus Ju-  
ventutis tuæ, & cave ne aliquando  
peccato consentias; Tob. 4.  
Hæc fac & vives.

**FINIS.**

